

**SIXTH LEGISLATIVE ASSEMBLY OF MIZORAM  
( THIRTEENTH SESSION )**

**LIST OF BUSINESS**

FOR TWELFTH SITTING ON THURSDAY, THE 28<sup>th</sup> MARCH, 2013  
(Time 10:30 AM to 1:00 PM and 2:00 PM to 4:00 PM)

**QUESTIONS**

1. **Questions** entered in separate list to be asked and oral answers given.

**FINANCIAL BUSINESS**

**DISCUSSION AND VOTING ON DEMANDS**

2. **Pu H. LIANSILOVA**, Minister to submit to the vote of the House various Demands under his charge.
3. **Pu LAL THANHAWLA**, Hon'ble Chief Minister to submit to the vote of the House various Demands under his charge.

**LEGISLATIVE BUSINESS**

***Bill for introduction, consideration and passing.***

4. **Pu H. LIANSILOVA**, Minister to beg leave of the House to introduce "The Mizoram Appropriation (No.3) Bill, 2013.

**ALSO**

***to introduce the Bill***

***to move that the Bill be taken into consideration***

**AND**

***to move that the Bill be passed.***

NGURTHANZUALA  
Secretary

....

**SPEAKER** : I puan in hmun chu zauh rawh, i awmnate puan in chung chu kai pharh rawh se; ren suh; I hruite chu tisei la, a kaihmarna khente chu tinghet rawh. Ding lam leh vei lamah i darh zau dawn si a.

Isaia 54:2,3(a)

Zawhna leh chhanna kan la nghal a nga, Starred Question No 181-na zawt turin Member zahawmtak Pu C. Ramhluna i lo ko ang.

**Pu C. RAMHLUNA** : Pu Speaker, ka lawm e. Public Works Department changtu Minister zahawmtak leh House Leader chhan atan, ka zawhna chu hei hi a ni – Saibawh-Vathuampui kawng hi metalling-black topping tihhnaih tumna a awm em? tih a ni e.

**SPEAKER** : A chhang turin a enkawltu Minister, Chief Minister zahawmtak, Pu Lal Thanhawla i lo ko ang.

**Pu LAL THANHAWLA, CHIEF MINISTER** : Pu Speaker, Member zahawmtak, Pu C. Ramhluna zawhna Saibawh-Vathuampui kawng hi metalling-black topping tihhnaih tumna a awm em tih zawhna chhanna chu, awm e tih a ni a. Hriat thui atan Member zahawmtakin, Saibawh-Vathuampui kawng hi km 24-a thui a ni a, Kawnpui-Vathuampui Road hi PMGSY Scheme hnuai lai a ni. Kawng lai hna leh cross granites hnate pawh zawh fel a ni tawh a, tin, pavement, metalling, blacktopping tihna tur DPR siam zawh tawh a ni a. Mission Rural Development, Government of India, National Rural Development Agency kaltlangin thehluh a ni tawh. Sanction kan nghak mek a, hun reilote chhunga hmuh kan inbeisei a, a Minister nen pawh kan inbia a phone-in. Tin, DPR estimate amount hi cheng nuai sangkhat zariat sawmriat pali point sixty a ni.

**SPEAKER** : Zawhbelhna hi a awm rih lova. Zawhna 182-naah kan kal a nga, a zawt turin Member zahawmtak Pu Lalthansanga i lo ko ang.

**Pu LALTHANSANGA** : Pu Speaker, ka lawm e. Ka starred question 182-na a changtu Minister zahawmtak, PWD-in min chhan atan :

- a) National Highway Road leh State reserved area, State ka ti a helaiah hian, Highway Road Reserved area hi engzatnge dah a nih?
- b) Heng reserved area-te hi a nihna tur anga kalpui a ni em? tih hi ka zawt e.

**SPEAKER** : A chhang turin a changtu Chief Minister zahawmtak, Pu Lal Thanhawla i lo ko ang.

**Pu LALTHANHAWLA CHIEF MINISTER** : Pu Speaker, Member zahawmtak Pu Lalthansanga zawhna National Highway leh State Reserved area hi engzatnge dah a nih tih chhanna chu, Indian Road Congress (IRC) Guidelines ang chuan National Highway leh State Road-ah hian Road reserved (Right of Way) dah tur a ni a :

- (i) National Highway/State Highway – 24.00m width in open and 20.00m in built up area a ni.

- (ii) Tin, Major, District Road – 18.00m width in open area and 15.00m in built-up area a ni a.
- (iii) Tin, Other District Road – 15.00m width in open area and 12.00m in built-up area a ni.

Amaherawhchu, Mizoram National Highway leh State Road-ah te hian hetiang tak hi chuan dah a nih meuh loh avangin kawng tina Road reserved awm hi a inang lova, engzat chiah nge dah a nih record mumal neih a ni lo.

Tin, heng reserved area-te hi a nihna tur anga kalpui a ni em? Road reserved area (RoW) dahte hi Indian Road Congress (IRC) ina a nih dan tur a tih ang diak diak hi chuan kan kalpui thei lo a ni, Pu Speaker.

**SPEAKER** : Zawhbelhna Pu Lalthansanga, a dawtah Lt. Col. Z.S. Zuala.

**Pu LALTHANSANGA** : Pu Speaker, khatianga IRC te leh others road-ah te pawh hian meter 12 lai a nih si lai hian, hei kan kawng reng reng hi Airport road-ah te pawh hian a hnai thei ang berah hian kan sa tual tual leh tawh mai hi a ni a, Revenue Department pawh hian a nei thovin ka hria a, khitilai Seling ram BSF awmnate pawh khi, tuna an building sakte pawh khi road reserve area chungh niin a hriat a. Khimi chungchangah pawh khian National Highway tuna an han tih dawn khanin khimi thiat tura an tih khan BSF khanin hei hi 15 meters ang khanin kawnglai atang khanin an claim a, chutiang chuanin National Highway khan an han tih pawh khan, anni khanin State Revenue-in alo tih dan 12 meters ang khan an ti a, a sakna kan neilo a State-in min pe ula, a dang zawng khanin khimi a In te pawh khi sak leh atan khan an ti hial mai a ni a. Chuvangchuan, vawiinah hianin hetiang anga, kan kal reng hi chuan kan ram kawngpui hi a chep dawn a, vawiinah khu Airport Road-ah pawh khuan motor pahnih khat lek a din pawh khuan traffick hi kan buai chu a ni vek tawh mai si a, chuvangchuan, hei hi khauh zawka kalpui hi ava tha awm ve.

Tin, inter-department-te pawh hi inpawhna tha, in co-operate zual deuh sela, Revenue Department-in Inhmun a pe leh ringawt mai thin te pawh hi, hei hi a Dan hi an ni pawh hian an neih rual hian eng Dan hian nge an peka, an pek tawh si chuan kan hneh leh silo a, kan Revenue Minister zahawmtak pawh khan min han chhan dan kha a ni a, chuvangchuan, hetilalah hianin a Dan kha an hre tho si lai khan a Dan kha an kengkawh leh mang bawk silo a. Chuvangchuan kan House Leader, kan Chief Minister zahawmtakin a chanlai te a ni bawk a, hetiang ang tak hian kalpui theih te a ni tawh angem ? tih kha ka'n zawt a ni.

**SPEAKER** : Le, Lt.Col.Z.S.Zuala.

**Lt. Col. Z.S. ZUALA** : Pu Speaker, kawng reserve hi hei tun hnuah hian kawng reserve chin hriat tur hian han teh dan hi hriat thiam a har a, kawng sir atanga teh hi nge ni a ,kawng lai atanga teh hi. Hemi a tehna point, starting point chiah hi hriat thiam a har thin a, hei hi engtin nge an lak tih kha, ka zawhna chu a ni e. Ka lawm e.

**SPEAKER** : A chhang turin a changtu Chief Minister ilo ko ang ?

**Pu LAL THANHAWLA, CHIEF MINISTER** : Pu Speaker, Mizo ringtute hi ringtu danglam tak kan ni a, chhia leh hriatna fim Pathian rawn a hmang mang lote kan ni emaw chu aw! tih mai tur a ni a. Aizawl khawpuite hi kan duham vanga zim mai mai a ni a, Pu Speaker, In sa thar apiangin kawngpui kan nek ran a, in ven hneh a har aniang, tu sawrkar mahin an veng hnehin ka hrelo, tichuan malsawmna an dawng zela, tichuan motor te JCB te an neia, vantlang kawngah ngat an dah a, ringtu, rawngbawltu, kohhran mi vantlang tana hnawksak nih pawisa lo kohhran mi kan ni deuh bera. Insakna tur bungruate an han chhekkhawla vantlang kawngah ngat an dah zela. Hemi hi tu sawrkar pawhin han khapin han thianfai dawn sela, misual ber nih hlawnha kha a ni zel dawn a, chuvangin a mipui lam atang pawhin tih tur kan nei niin alang. Hemi In awmlohna area-ah chuan a nih zat kan sawi tawh a, tin, in awmnaah pawh khatiang kha a ni a.

Membertena kan hriat hrim hrim atan, member zahawmtak Col. Z.S.Zuala zawhna kha ka rawn chhang anga. Mizoram kawng kan neih zawng zawng deuhthaw National Highway tiamin Indian North Congress-in a neih tur a tih anga zau hi kan nei lo tlangpui, chu chu kan hre veka, chumi vanga buai chu kan ni a. Mizoram kawngpuite hi a tam zawk chu kawng laih a nih lai leh tun hnu thleng pawhin a kawng mumal taka demarcate a awm loa, hemi open area leh built-up area tur a kha a tir atang hian reserve nghal a ni lova. Tin, khami road side area kha awm mahsele Pu Speaker, tumahin an pawisa miahlo a ni, kawng hnai taka in sak hi mi fel nihna, mi fing var tak nihna emaw kan ti ni awm tak a ni a, naupang mawl deuh han tlanchhuak palh te pawh motor tlanchhak chuan chil mai hlauhawm vek kan ni. Chumi vang chuan Mizoramah hian tiang ken kawh hi a har khawp. Mizoram kawngpui hi kawnglah anih lai leh tun hnu thleng pawhin Road-side Reserve mumal taka demarcate a awm lo va. Chuvangin kawngpui tam zawk road reserve area, kawngpuiin a thut chin bak chu neih leh neih loh leh lo nei anih pawhin eng chen a zau nge tih hriat a ni lo. Tin dinhmunah chuan National Highway leh State Road Reserve awm ang ang pawh hi Revenue Deptt., in Land Lease (LSC) a pek rual a road reserve atana dah ang bak chu a hranpa a road reserve area awmin a lang lo va. Tin, Revenue Department hian eng ang pawhin la pe se la tuman an pawisa chuang lo a ni. Kawng sirah huan te, lo te an vat a, an han hal a, kum tina fur laia kan thing phunte an hal kang vek a. Tunah pawh hian thui lo te khawi lampang pawh kal ulangin chutiang chu in hmu vek dawn a ni. Chutiang hnam chu kan ni a, Pu Speaker, he thil hi thil harsa tak a ni.

Tin, Road-side Reserve Area hi PWD dan a ni emaw khawi a ni emaw, LAD in kan lo tih thin danah pawh a kawng atanga teha khami ni zat a kha Road-side Reserve a ni. Tunah hian a pawimawh ber chu sorkar thu tuman kan zawm tha duh lo va, sorkarin kut han lek se langin sorkar soal tak nihna a ni a, department-te hian an ti hlei thei lo a ni, an khawngaih thlak khawp. Thawh dik an duh, dan pawh lek kawh an duh, mahse lek kawh hlei thei lovin kan siam a. Aizawl khawpui te pawh hi duham hnam, sum ngaina hnam kan nih avanga chep mai mai kan ni a Pu Speaker, thudik sawi mai hi a tha a. Sum ngaina hnam nih hi Bible chuan soal tinreng bul a ni a ti a. Soal tam tak a awm a, chumi zingah chuan duhamna a lo tel a, duham na hi milem biakna a ni a ti lehngal a. Chutiang hnam chu tunah

hian kan ni chiang, kan khawlai awmdan atang pawh hian tunah hian a hriat a, hei hi sorkar harsatna a ni.

**SPEAKER** : Kan ti ti ve lawk a nga. Kerala a Moonarch a kan han kal ve khan in, hemi a tlangramah pawh khan in hi kawngpui anin an sa lo va, kawng hnuai deuhah an in chung pawh hi zuk lang deuh det chauh hian an sa a, anmahni in pan thlakna chiahah kha chuan compound-ah khan black-top kawng khan an tithla mai a, tlangram ve tho si-ah khan 'kawng hnaih a tha e' an ti lem lo niawm tak khan kan zuk hmu a. Ni e, waviinah khawpui, kan khawpui chu khatiang kha lo ni ta sela, tuna thingtlang leh hmun dangah pawh hian lamlianpui bulah te hi chuan mipuite pawhin khatiang tihte pawh kha zir ve ila a tha awm mange. Tunah zawhna 183-na zawt turin Member zahawm tak Pu Lalduhoma ilo ko ang.

**Pu LALDUHOMA** : Pu Speaker, Industries changtu Minister zahawm tak chhan atan ka zawhna 183 –

- a) Bairabi-ah Chipping Unit eng zat nge awm ?
- b) Eng tik laia din nge ?
- c) A senso eng zat nge ?
- d) An function em ? tih a ni.

**SPEAKER** : Awle, a chhang turin a changtu Minister zahawm tak Pu S.Hiato ilo ko ang.

**Pu S.HIATO, MINISTER** : Pu Speaker, Pu Duhoma, Member zahawm tak zawhna chhanna chu –

- a) Bairabi-ah Chipping Unit pakhat a awm
- b) Kum 2009-ah din a ni.
- c) ₹ 66.95 lakh
- d) Bairabi Bamboo Chipping Unit hi a function tawh.

\* Speech not corrected

**SPEAKER** : Awle, zawhbelhna a awm lo va, zawhna 184-naah kan kal ang a, a zawt turin Member zahawm tak Pu T.T.Zothansaga ilo ko ang.

**Pu T.T.ZOTHANSANGA** : Pu Speaker, ka lawm e. Sport & Youth Services enkawltu Minister zahawm tak ka zawhna starred question No.184 na chu Vission 2016 kha peih fel a ni tawh em ? tih a ni.

**SPEAKER** : A chhang turin a enkawltu Minister zahawm tak Pu Zodintluanga ilo ko ang.

**Pu ZODINTLUANGA, MINISTER** : Pu Speaker, Member zahawm tak Pu T.T.Zothansanga starred question No.184 chhanna chu-Kan kalpui mek e tih a ni e, ka lawm e.

\* Speech not Corrected.

**SPEAKER** : Zawhbelhna, Pu T.T.Zothansanga.

**Pu TT. ZOTHANSANGA** : Ka zawhna 1-na, Eng Game-te nge priority-ah kan dah tih kha ka zawt duh a. Hei Sports-ina kan hmalakna copy-te kan han inpe a. Kan state-ina kan hmingthatna tam ber hi Combat Games lam hi a ni tlat mai a. Chu chu priority-ah kan dah em? tih kha ka'n zawt duh a.

Tin, a pahnihnaah chuan tun kan budget-ah hian 2016 lam hawi zawng hianin hmalakna kan nei em? tih kha ka zawt duh a. Hei kan work Programme-ah hianin a rawn lang a, he laiah hianin SPA for State Priority Project a rawn ti a. Hetah hian nuai 1777 a rawn dah a, hei hi helam hawi zawnga kan hman tur kha a ni em? tih kha ka'n zawt duh bawk a ni.

**SPEAKER** : Le, chhang turin kan Minister zahawm tak ko ang.

**Pu ZODINTLUANGA, MINISTER** : Pu Speaker, kan Member zahawm tak zawhbelhna chhanna chu a sawi ang khan contact Sports lam hi kan hmingthatna ber a ni a. Hei sorkarin kan Vision 2016<sup>th</sup> tur atan Displine 9 kan thalai, nula tlangvalten chance an neih theih nana kan hriat kan thlang chhuak a. Chungte chu Boxing te, Taekwondo te, Shooting, Archery, Judo, Wrestling, Badminton, Weight Lifting leh Table Tennis te an ni a. Tuna kan thlan bikah pawh hian hmanni lawk kar hmasa mai pawh khan North East Shooting Championship-ah Mizo tleirawl hmeichhia, mipate chu North East-a champion thei khawpin an rawn inchher chhuak thei tawh a, kum hnih vel lek Shooting Gallery kan nei chung pawhin. Tin, National Association for Rifle President pawhin an kap a hmuh khan , “Tuna mi zing atang ringawt pawh hian Olympian tur 5 hi chu ka rawn hmu nghal a ni, churang chuan coaching-te pawh keimahni NRA atangin kan rawn pe nghal ang che u,” te a ti a ni. Chutiang chuan hma kan la . Hemi Displine 9-ah hian Pu Speaker, NEC atang hian hengho chherna tur atan hian kan Official ten thiam takin scheme an siam a, chung chu “Notary Young Talent For Excellence in Sports,” tiin Project an siam a, chutah chuan nuai 25.38 min rawn sanction tawh a, First Instalement-ah nuai 22.22 hi min rawn pe tawh nghe nghe a. Chumi hman chuan heng kan displine thlan bik atang hian Association-ten naupang 10 te, a displine azirin an rawn thlang chhuak a, chungte chu kum khatah ni 300 training pek turin ruahmanna kan siam mek a ni, tih kha kan rawn sawi duh a.

Tin, chumi piah lamah chuan Member zahawm tak zawhna kha kan plan size hi he laia kan sawi tawh angin Central lam atangten la tihfel loh a ni a. Chung an tihfel hnuah chuan kan hotute nen ruahmanna chu la siam tur a ni a.

Tin, SPA hi chu khangho tan bik khan Infrastructure kan neih theihna tur atana tih a ni a. Chung atan chuan tun kan SPA-ah pawh Aizawl khawpui chhungah kan

Chief Minister-in a ngaih pawimawh em em, Boxing Hall kan la neih reng reng lo te, Mizo thalai, nula tlangval India ram aiawha Boxing tam tak kal thei si te hi tunah hian khang SPA atangte khan Boxing Hall sakna tur atang khan Boxing Hall sakna tur tunah hian a hmun tur leh a thawktu turte pawh tunah hian tihfel tawh an ni a.

Tin, Table Tennis Hall la neih loh a ni bawk a, Table Tennis Hall leh Weightlifting tuna kan vision 2016-a telte pawh tuna kan SPA atangte khan tel tur a ni a. Chutiang chuan hei Wrestling te, Judo te, Archery pawh hi sawtah Secretariat-ah sawn archery an practice-na tur kan nei tawh a, tlai tin kan thalaiten an practice tawh a ni. Chutiang contacts sport – Judo, te, Wrestling te, Batminton-te pawh Association an indin a. Vawiina kan sorkar hnua Stadium kan sak Hawla Stadium te, Ramhlun Indoor Stadium tun atanga hun reilotea kan zawh turahte sawn anmahniin, “Sorkar tel lovin, anmahniinrawn inthlang rawh u,” kan ti a, anmahni awmna theuh tur anrawn inthlang fel a, heng kan vision 2016 an hmanna tur atan ruahmanna peih fel kan tum a ni e. Ka lawm e.

\* Speech not Corrected.

**SPEAKER** : Pu Duhoma, i zawbelh duhna kha a chhang tho em ?

**Pu ZODINTLUANGA, MINISTER** : Pu Speaker, 2016 ti mai lovin, Olympic vision 2016 tih kher kan duh.

\* Speech not corrected.

**SPEAKER** : Pu Duhom a chhang fel tawh em ? ..... anih tak chu. Kalo ngaihtuah a kan Sports Minister-in a chhan lai khanin Pu Pateate Football lam hotu chu an lungawi meuh dawn emaw chu kalo ti ve a. Zawhna 185-na zawt turin Dr. Ngurdingliana Member zahawm tak ilo ko ang.

**Dr. NGURDINGLIANA** : Pu Speaker ka lawm e. Ka srarred question 185-na, Public Works Department changtu Chief Minister zahawm tak chhan atan :-

- (a) Phullen leh Daido inkar kawng PNGS scheme hnuaia thawh zawh tawh hi permanent work (black topping) thawh zui tumna a awm em?
- (b) awm ni ta se department in DPR an buatsaih tawh em ? tih hi ka zawt e.

**SPEAKER** : A chhang turin a changtu Chief Minister zahawm tak Pu Lal Thanhawla ilo ko ang.

**Pu LAL THANHAWLA, CHIEF MINISTER** : Pu Speaker, Member zahawm tak Dr. Ngurdingliana zawhna (a) chhanna chu awm e tih a ni. Tin (b) awm ni ta se department-in DPR a buatsaih tawh em tih chu, Phullen leh Khawlian inkar DPR hi siam tawh a ni a, Ministry of Rural Development-ah thehluh tawh a ni. Tin, Khawlian Nort East Tlangnuam Daido inkar Black Top-na tur DPR hi consultant ruai a siam mek a ni. Tin Member Zahawm tak zawhna neituin alo hriat belh atan Phullen leh Khawlian inkar kawng black top-na tur DPR hi package hnih then ani a, (1) na chu Phullen to Phuaibuang leh Phuaibuang to Khawlian te siam an ni a, Phullen to Phuaibuang a estimate amount chu nuai 4539.39 a ni a,

Phuaibuang to Khawlian atana estimate amount chu nuai 1582.27 a ni. Khawlian to North East Tlangnuam to Daido black top-na tur hian DPR siam mek a ni a, hemi siam tur hian Consultant Measures, CM Engineering Solutions, Gurgoan rawih an ni a, April thla chhung hian siam zo thei tura beisei an ni.

**SPEAKER** : Le, zawbelhna Pu Ngurdingliana, a dawtah Pu Lalduhoma, a dawtah Pu John Siamkunga, le, Pu Lalduhoma.

**Pu LALDUHOMA** : Pu Speaker khilai kawng Daido a kal zel khi Manipur nena kan inkalpawhna kawng pawimawh tak mai ni thei tur a ni a. Daido piahah sawn Parbung ni tain ka hria, a awm a, chumi inkara kan ramri chu Vawngzawl tih a ni a, chuta kan ramri lung, kan Revenue officer-ten hmana Manipur in an sawn an han phunthat leh kha, tunah khianin abo leh daih tawh a, an chhuchhia nge an phur bo tih hriat a ni lova, chulai hmun thleng deuhthaw chuan NREGS atangin VC te khian motor kal theih titih tawhin kawng an lai a ni. Helai kawng hi a pawimawh khawp mai a, NREGS atangin an lo chhunzawm zel thei tho anga, chumi piah lamah chuan a han thuam zui nan khan PMGSY atang hianin a huam tel ve theih a ngem ? Chumi chin chu va lai thleng ilang chuan kan ramri pawh kan humhalh tihna ani dawna, tichuan, Manipur nena kan inkalpawhna kawng pawimawh tak a ni bawk si a, PMGSY atangin emaw, source dang atangin emaw, a tih tel theih dan a awm em tih ka zawhbelh e.

**SPEAKER** : Tunah Pu John Siamkunga, a dawtah Pu K.Liantlinga.

**Pu JOHN SIAMKUNGA** : Pu Speaker ka lawm e. South Vanlaiphai leh Muallianpui inkar PMGSY kawng khi black top sak tur zinga a hmasa pawl tur niin kalo hria a, engtikah nge min black top sak theih ang ? tih kha ka zawhna pakhatna ni sela chu Aizawl khawchhung kawngte hi tha tak tak an nih laiin spot holes tam tak a awm a, entirman, sawng Mission Veng thla kawngah te, kawngpuiah kawng tha tak la nih lai siin a chhe zeuh zeuh spot hole ang chi tam tak a awm a. Hengte hi alkatra tam tehchiam sen ngai lova tripper ten han phurh kual a, han chhun thlak a, kawng tha tak ni thei zel tur niin a lang a. A chhiat tam lutuk hma leh a in filh nasat lutuk hma hian heng spot hole te hi siamthat theih a ni em tun thal chhung hian tih kha ka zawhna a ni e.

**SPEAKER** : Pu K.Liantlinga.

**Pu K.LIANTLINGA** : Pu Speaker, ka lawm e. PWD Minister zahawm tak ka zawhna chu – Khilai Chalfilh bial khi kawng a tha hlawm tawh viau a, tuna Daido kawngchho tih loh khi chu. Amherawhchu, Suangpuilawn to Phullen khi kawng upa tawh tak kum 25 vel laia laih chhuah tawh kha a ni a. Khilai khi Suangpuilawn atanga lut lampang a tha em em a. Tin, Phullen lam atanga kal kawng a that lai khian khilai Phullen leh Suangpuilawn inkar khi a kawng a chhe em em mai a, Km30 vel a ni a, pavement work hi a tih ve theih angem ? ruahmanna a awm em tih kha ka zawt a ni e. Ka lawm e.

**SPEAKER** : Awle, a chhang turin a changtu Chief Minister zahawm tak i lo ko ang.



**Pu LAL THANHAWLA, CHIEF MINISTER** : Pu Speaker, kan hun hmasa lamah khan Manipur nena inkalpawhna kawng thuang hnih kan buatsaih a. Cachar phai vai hovin a engemaw hleka economic blockage an ti thin kha kan ning a. Chuvangin, escape road kan siam a, tin, Agartala te nen pawh inkalpawhna kan siam a, tunah pheih chuan National Highway-ah min pawm sak tawh a, Narasimha Rao hunlai atang khan. Chutiang chuan, hma kan lo la tawh thin a. Manipur ho hian an ngaihsak vak lova, anmahni lampang kawng a chhe em em thin a. Amaherawhchu, vanneih thlak takin economic blockage a ni tam tak, Naga unauten an han dan chah khan an mamawh tinreng kha helam atanga lak kha minrawn dil a, kan lo tanpui a, Manipur sorkar kha. Khilai kawng kan lo sial an ngaihtah a pawimawh zia kha an hrechhuak ve a. Tichuan, tunah chuan an ngaihven ta hle a, khilai Zo hnahtlakte pawh an lawm hle a ni. Tichuan, member zahawm tak Pu Lalduhoma rawn sawi kha PMGSY pangngai hi chuan habitation awmlohnaah chuan a hman theih lova. Habitation unconnected inhabitate villages khangho tan khan a ni tlangpui a. Tunah pheih chuan population pawh an rawn tihniam tawh a, thui zawk a hman theih a. Amaherawhchu, habitation awmlohnaah kha chuan a hman theih loh a ni. Amaherawhchu, a pawimawh avangin kawngdang atang pawhin dap dan kan ngaihtuah ang a. A lehlamah chuan kan ram a luhna tam lutuk hi law & order lamah te pawh harsatna kan nei em? tihte pawh ngaihtuah tel a ngai a. Amaherawhchu, pawimawh danin, ramri humhalhna han tih ang chi te pawh kha khang thlenga tangkai tur anih chuan kan hotuten an ngaihpawimawh zawng tak tur anih ka ring.

Tin, Suangpuilawn to Phullen, Suangpuilawn to Zawngin hi PMGSY scheme atanga black-top tura lak a ni a. Zawngin to Suangpuilawn erawh chu PMGSY tih theih a ni lova, scheme danga tih tur ala ni ang. Tuna kan han sawi takte ho kha leh kan hotuten an ngaihpawimawh kha a tul angin scheme dang atang pawhin kan la ngaihtuah ang a.

Tin, member zahawm tak Pu John Siamkunga khan South Vanlaiphai to Muallianpui, aw, khi khi election laiin ka commit nghe nghe a. Tin, Lungtian te nen, amaherawhchu, alo tih mai kha alo harsa a. PMGSY hnuaiah khan khatiang zawnga kalna tur alo nih loh kha chuan. Mahse, tunah hian hmalak dan kan ngaihtuah mek a. Tin, ka commitment anih avang pawhin official-te pawhin an ngaihpawimawh turah kan ngai thla ve ringawt a.

Tin, Aizawl khawchhung kawng thalote hi siamthat mek zel an ni a. Hei, Culvert Contract chhung thalote hi siam that mek zel an ni a. Kan changkang ve tawh a, Pu Speaker, mipuite hi an venga alkatra chhuan khu vut vut te hi phal an awm tawh mang lova, chung ang zawngah chuan harsatna kan tawk a. Tin, a PWD hrim hrim ang zawng leh thil dangah labour hi an vang viau a. NREGS, ni 100 inlhawhnate hi Bihar-ah khuan an hmang tangkai em em a, chuvang chuan labour hi an vang hle a ni. Chutiang chu a nih avangin duh angin hma hi lak hi a chak thei lova, a Mizo ho han thawk ve lah hi ka sawi fo tawh a, vantlang inkhawmah leh helaiah hian, mahni hna tui loh hi kan ching tawh khawp a. Member zahawm tak Pu Lalduhoma nen hmannah kan ti tinaah chuan, 'a then hi chuan an chawlh peih loh changin an thawk ni berin ka hria', a ti a, a ang viauin ka hria a, an chawlh peih loh changin an thawk.

**SPEAKER** : Le, zawhna dangah kan kal leh ang a, zawhna No. 186-na zawt turin member zahawm tak Dr. R.Lalthangliana ilo ko ang.

**Dr. R.LALTHANGLIANA** : Pu Speaker, PWD changtu Minister zahawm tak, kan Chief Minister chhan atan ka Starred Question No. 186-na, Thenzawl to Buarpui road siam that hna hi engtikah nge tan hman tum a nih ?

**SPEAKER** : Chhang turin kan Chief Minister zahawm tak PWD changtu ilo sawm ang.

**Pu LAL THANHAWLA, CHIEF MINISTER** : Pu Speaker, member zahawm tak Dr. R.Lalthangliana hian a ngaipawimawh a, kei pawhin ka ngai pawimawh a. Tin, a hminga ka bialte a tel nual a, ngaipawimawh ber te zinga mi ka ni a. He kawng hi, Sechhip, khimi Sailiamkawn kan tih atangin Thenzawl, Buarpui a ni tlangpui a. He hna hi tender an koh tawh a, ADB atanga sum lokal tur a ni a. December thla atang phei hi chuan thawh tan theih an inbeisei a.

Tin, member zahawm takin a hriat belh atan tangkai tura ka rin, Serchhip, Sailiamkawn to Thenzawl, Buarpui, Sailiamkawn atanga Thenzawl hi 15 Km., Thenzawl to Buarpui hi 39 Km, avaiin 55 Km. a ni a. ADB loan hmangin Ministry of DoNER kaltlanga siam tur a ni a. Ministry of DoNER-in sanction pawh vaibelchhia 167.90 a pe tawh a. Tin, Mizoram sorkar pawhin hetiang zat hi a pe tawh bawk a, a hna hi tender mek a ni a, ka sawi tawh ang khan, amaherawhchu, a thawktu tur thlan erawh chu India sorkar leh ADB in loan agreement a la ziah fel loh avangin a hna hi pek mai theih a la ni lova. Tun dinhmunah chuan, India sorkar leh ADB te hi loan agreement tur hi an buaipui mekin June, 2013 hi chuan loan agreement hi an peihfel theih kan beisei a ni.

A kawng hi 8.70 metres zau tur leh 5.50 metres carried way, hemi a black top chin tur hi chutianga ruahman chu a ni e. Pu Speaker.

**SPEAKER** : Zawhbelhna, Dr. R.Lalthangliana.

**Dr. R. LALTHANGLIANA** : Pu Speaker, hun hmasa lama kan buaipui tawh kha a ni a, a rei tawh khawp mai a. Hei, Asian Development Bank kan dawr chu a ni ber mai a, an peih har khawp mai a. Mizoram sorkar thiam loh lampang ai mahin, ka hmuh dan chuan Asian Development Bank hote leh India sorkarin thil a tihfel hleih theih loh a ni berin ka hria a. Hemi kawngah te pawh hi kawng dang kan tih zel turah ngai ta ila, project lian pui pui, crore 1000 tel ang chi te, khangah khan anni hi zawngchhang tlak dawn loh emaw ni chu aw, tih te ka nei a. Chuvang chuan kan sorkar hianin entirnan, World Bank te tlem rin tlak deuh te an ni em, ka hre lova. Hengte pawh nakin zelah chuan dawr a tha lo maw, min delay nasa em em mai a. Khulai kawng khu kan kal ka ber a ni a, kan Chief Minister zahawm takte nen pawh kan intawm lai pawh kha a ni a, a pawimawh si a tih kha ka'n zawt duh a ni. A funding source chi dang kha helai tan chuan kan lo ti laklawh tawh a hmun danga tih zel turah kawng te Sorkarin a dap a awm thei ang em? tih

ka zawt a. Tin, helai Serchhip atanga Buarpui thleng kha KM 55 bawr kha a ni a, Buarpui atanga Bungmun thleng khuan kawng khu a chhe khawp mai a, a chhiatna rapthlak lai ber pawh niin ka hria a. Khulai khu engtin nge ni tih zel tum dan Sorkarin a nei em? tih ka zawt duh a. Tin, kumin December thlaah hian tan thei ta ang sela khulai tuna kan Chief Minister in a han chhan kha engtik chhung vela zawh theih tur angin nge kawng KM 55 kha tih ka zawt duh a.

Tin, chumi rual chuan Aibawk atangin Darlungah kan chhuk thla ta a, Darlung thlangah Sabual a awm a, South Sabual chuta tang chuan short-cut hnai em em mai Thenzawl road, Buarpui nena kawng kha a zuk pawh ta a, khulai kawng khu tunah hian bul tan dawn awm hnai khan an sawi a, engnge ni kan thlen chin kha ka hre duh khawp mai a. Tin, chumi rual chuan Darlung-ah khuan hei bialtu MLA pawn a hriat ka ring a, kawng hlauhawm deuh mai a awm a, khawlai helam pang Kangmun lam pang lokal pheina turah khuan kawng khu a chatthla ti tih deuh tawh a, khulai khu engtia tih tur nge ni a, chhan a har deuh a nih pawhin hei hi chu ngaihpaawimawh a thain ka hria a. Tin, chumi rual chuan Aibawk leh Tlawng inkarah sawn tlangdung tan zawngin kawng a awm a, saw saw a rek chhum tep tawh mai a, a hlauhawm dawn khawp mai a, a rek chhum chuan kawng chu a tlang dawn lo hrim hrim a, sawng te saw a enfel theih dawn em tih kha ka'n zawt duh a. Tin, chumi rual chuan kan kalka ber a nih avangin min lo hrethiam sela kan Chief Minister-in Lungphunlian atanga Rawpuichhip thleng hi chu black topping leh metalling zawh vek a ni tawh a, a rei pawh a rei tawh a, amaherawhchu Kangmun leh Darlung inkar chhunzawm hleih theih loha rei lutuk awm hi a buaithlak em em mai a hei hi engtikah nge ni hma kan lak tan ve theih ang tih kha kan Chief Minister-in min chhan theih chuan ka lawm khawp ang.

**SPEAKER** : Pu Robiaka pawn a sawi zing khawp a nia a bial chhungte hi chu. Pu Lalthansanga, Artahkawn lam em ni dawn? han zawt phawt mai teh se.

**Pu LALTHANSANGA** : Pu Speaker, ka bial te chuan in i bial kawngte hi i vei lo min la ti zawk nghe nghe a, kan sawi ngun viau emaw ka ti a, Pu Thanliana phe chu Artahkawn ah a han zung tawh a ni awm a Lungdara a khuallian dawnin. Hei zawhnaah khan ka zawt a, Artahkawn khimi Keitum to Artahkawn kha, hei hi min tihzawh sak dawn tih kha a ni a, a bak a thui lo a KM 7 emaw vel khami la awm a kha min tih sak dawn a, a lawmawm khawpin ka hria a. Tin, Artahkawn atanga Biate KM 4.70 bawr la awm pawh kha min tihzawh sak dawn tih kha kan han hria a. Chubakah chuan Tuichang lei khi engtik huna tih tur nge tih kan zawhnaah khan tih hun tur ala hriat theih loh an ti a. Khi khi, a lei khi PC hunlaia an tih a ni a, Chhanchhuahna Lei kha a ni a, a rei tawh viau mai a, hmannah bye election-ah Tuivai velte chu Chhanchhuahna Lei kha a thar a lo ni ut tawh mai a, keini khi chu a la hlui em em mai a, kha tho kha ala ni mai a han kal hi chuan PC bial awm ngawih ngawih kha ala ni reng mai a, chuvanga tling te pawh chu ka ni ang e tih te ka rilruah a awm thin a. Khimi khi a foundation-te chu an ti deuh reuh tawh a, mahse tikhian an tawp ta a, a kawngte erawh khi chu Departmental-in

tu emaw contractor hmangin tih a ni a. Chutiang ang deuh chuan Departmental hian tih ve theih a ni ang em? sanction-te pawh kha awm vek tawh a ni si a. Engemaw pek belh te a ngaih chuan pek belh te nise tih kha ka'n ngen duh bawk a. Tin, chubakah chuan Khawlailung atanga Hmunzawl kalna khi block road kan tih kha ala ni mai a, chubakah Tuichang Lei khi kan a la ngai a, DC atang khan Tuichang Lei kann tur hi Hume pipe min dah sak a nikum hmasa tuilian hnunung ber khan min tihchhiatsak a. Tichuan kal hleih theih pawh a nilo a, block-road a ni a, BADP atanga laih a ni a, KM 16 khi nuai 10 emaw chauhin. Mahse tunah khi chuan, hei thallai chuan a kal theih mai a lungreng te vawmin, khimi khi PWD-ten emaw min laksak theiin, khitalai kawng khi all weather road-in min siam sak thei angem tih kha ka'n zawt duh bawk a.

Tin, tun tumah hian a lawmawm viau mai a 2012 – 2013, 2013 – 2014 chhunga thawh turin Bungtlang-ah te internal road siamna tur, Khawlailungah, Vanlaiphaiah, Lungdarah te min dah sak hlawm a, kan lawm hle mai a. Tin, kan sawi fo thin PMGSY a completed tih tawh report pek hi a rei tawh hlein ka hria a. Lungdar to Sailulak road khi all weather road ang a kan lo hman thin khi PMGSY-ah min ti a, side drain pawh awm si lo in. Tiang khian fur lai phei hi chuan steering ven pawh a ngai lo reng reng a ti hian kan kal ringawt mai a ni, chutiang khawp chuan khitalai khi kan lo tuar rei tawh a. Khimi khi engtikah nge pavement-te hi min tih sak ang a, black topping te hi tih tur. Tin, a bak Sailulak atanga khumi Tuipui thleng khu engemaw Department hian State plan fund atang te hian min tih theih angem? Khimi Tiau balu tha khi hemi structure atan phei hi chuan Mizoram ah hian a tha ber ang a, No. 1 an tih khawpa balu tha awmna a ni a. Khitalai khi earning road pawimawh tak mai revenue tam tak hmuh theihna tur a ni a, hei hi State hian State Fund atang ten, State Plan Fund atangten min tihsak thei ang em? tih kha Pu Speaker ka'n zawh belh bawk a ni.

**SPEAKER** : Zawhna a tam ta hle a, a chhang turin kan Chief Minister zahawmtak ilo ko ang.

**Pu LAL THANHAWLA, CHIEF MINISTER** : Pu Speaker, kan member zahawmtakte zaninah sacrament kil tura inkhawm an duh a niang, demand an sawi tan nghal maia a lawmawm hlein ka hria. Pu Speaker thil chhia a awm chuan siam that tur a ni mai a, kawng chhia a awm chuan siam that tur a ni mai a, amaherawhchu, ka sawi tawh angin Mizoram Sorkar hian zemah pawisa dah teuhin duh zat zat va lak mai tur a neih loh a vangin, duh angin a kal chak theih loh a ni mai a, member zahawmtak Pu Thangtea zawhna ADB hi an vuaicha em a, World Bank lampangte hi an nawr theih mai lawm ni tih hi, nikum hmasa emaw ni khan Washington-ah an Office-ah ka kal tawh a, an President te, an Vice President te, an Executive Director te, chutih lai chuan an Executive Director hi Indian ka hmel hriat tha tak a ni a, Lok Chaterjee tunah Prime Minister, Special Secretary ni ta khu hun tha takte min siamsak a, thil tam tak kan sawiho va, mahse, va lena va biak kan duhna chhan ber chu, 1997-ah Aizawl, Thenzawl, Haulawng, Lunglei Road tunah World Bank kawng kan tih hi

khami kum atanga tih chhoh lawk kha a ni a, 1997 tawp lam 1998 tir lamah khan Global Tender te chhuahin consultancy firm group kan ruai hman a, anni hi chu an chak deuh ni tur a ni, tunah kan zuk dil ber a chu Rawpuichhip atanga Lawngtlai thlenga nakinah Way of Bengal chhuahka kan neih hunah lo dawng sawngtu turin kawng dang sial kan tum a ni a, chu chu tunah hian remtiin Economics & Affairs Department, Ministry of Finance-in min remtih sak dawn niin ka hria a, a kal mek a ni. Chuvangin World Bank pawh hi kan dawr tho va, tin, a tenau zawkah kan dawr dawn em ka hrelo va, tin, chumi tum chuan North Eastern Region pumpuia Power Transmission Line inter Link vek kual tura rawtna awm te pawh Northeast Power Ministers kal khawmin min sawi tir a, chungte pawh chu kan zuk sawi a, an interest hle a, chutiang chuan tam zawkin la ngenchhan kan tum a ni. Serchhip, Thenzawl Road hi Decemberah lo thawk tan thei pawh ni ilangin a zawh hun tur chu kum 3 vel a ni dawn a, chuvangin kan term leh kum chanve kan thleng dawn a ni, a nghahhlelhawm hle a, a la rei dawn hle a, chutiang chuan ruahman a ni.

Tin, Darlung bul leimin kha hmannah member zahawmtak Pu Robiaka pawh khan a rawn zawt tawh a, tah khan ka chhang ta in ka hria a, khu khu siamtha tura hmalak mek a ni a, tin, tunah member tam takin an rawn sawi hmun tam tak kha chu PMGSY in thawhtheih loh te a awm nual a, engpawh nisela, Rawpui to Buarpui kawng hi tunah hian hmalak tura upgrade/ngaihtuah mek a ni. Tin, Artahkawn hi a pawimawh khawp mai, hetia han awm mai mai pawh hian kan hre deuh vang vang thin a ni, chutiang khawpa pawimawh chu a ni a, tunah hian Special Plan Assistant hnuai Road Development Scheme atangin nuai 200 vel hiala chei that tum mek a ni a, tun kum tharah hian thawh tan tura hmalak mek a ni. Tuichang Lei hi Pu F.Kapsanga'n a thawk a, rokhawlhna avangin kan chawhlsan a, hei hi chu kan sawi tawh thin a, member-te pawhin kan hre vek tawhin ka hria a, a buarchuar laklawha chutiang vanga khawtlai a ni. Tunah hian Tender leh mek a ni a, a chhangtu tur pawh an awm a, March 2014 ah zo thei tura tan lak a ni. Tin, Lungdar, Sailuluk black top tura DPR siam tawh leh thehluh tawh a ni a, Ministry of Rural Development-ah a awm mek a ni, heng hi an Minister Pu Jairam Ramesh a'n min ngaihtuah pawimawh khawp mai a, tuk khatah hian a chang chuan vawi hnih, vawi thumte min rawn bia a, hmalak a tum a keimahni lam atangin eng eng emaw kimlo te a awm thin avangin duh angin ani pawn a rawn sanction chak thei thin lova. Engpawhniselangin, hemi special plan assistance hnuai mi bakah khan R.D. atang pawh hian kawng tam taka thun luh tuma beih a ni a, ka sawi tak ang khan a chhia a awm chuan siamthat tur a ni mai a, siamtha turin department in theih ang tawkin hma a la a, hemi rual hian kan ngaihtuah fo tur chu ramngaw humhalhte kan sawi a, environment humhalhte kan sawi a, kawng kan han neih that hi chuan mi luhlul leh thil titeite hi kan ngam lo leh a, ram ngaw thiahna tha kan siam hi a ni tel zel a, chungte chu ngaihtuah tel ve atan member zahawm takten tih ka'n sawi duh a ni.

**SPEAKER** : Le, zawhna dangah kan lo kal leh tawh anga, member zahawm tak Pu Lalduhoma'n starred question no. 187-na han zawt rawh se.

**Pu LALDUHOMA** : Pu Speaker, Industries Department changtu Minister zahawm tak chhan atan ka zawhna starred question No 187-na chu –

- a) Mizoram Venus Bamboo Products hnena ₹ 2.80 crore puk tir atang khan a interest leh penalty engzat nge ni tawh ?
- b) A principal, interest leh penalty te hi engzat nge an rulh tawh ?
- c) ₹ 2.80 crore bak hi pek a awm em ? A awm chuan engzat nge, engtikah nge ? tih a ni.

**SPEAKER** : A chhang turin a changtu Minister zahawm tak Pu S. Hiato kan sawm ang.

**Pu S. HIATO, MINISTER** : Pu Speaker, member zahawm tak Pu Lalduhoma zawhna chhanna chu -

- a) Mizoram Venus Product (P) Ltd. hnena ₹ 2.80 crore puk tir atang khan a interest leh penalty ₹ 593,37,983/- a awm tawh.
- b) A interest ₹ 18,35,890/- rulh tawh a ni.
- c) ₹ 2.80 crore hi ZIDCO atanga pek a ni a, ZIDCO atang chuan pek belh a awm tawh lo na a, hmun hnan hnan atangin pek a awm nual a, chungte chu sorkar hmasa zawka pek kha a ni hlawm a, kan hriat chinah chuan self application-ah khan ₹ 160 crore a ni a, tin unsecured loan an ti a ₹ Nuai 209.50 a ni a, advance for plan and machinery-ah khan nuai 8,50,030/- a ni a, soft loan-ah nuai 15 a ni a, MEP-ah nuai 50 a ni a, a vai chuan nuai 439.3 a ni. Tin, tun sorkarah hian kan Chief Minister-in Venus Bamboo a nun tak loh avangin tihnun leh a tulin a hria a, khawl tha pui pui Taiwan atang leh hmun hnan hnan atanga bun anih avangin a hmunah min tlawh sak a chumi tihnun leh nan chuan July, 2012-ah khan nuai 154 hi pek a ni.

Tin, Pu Speaker, ZIDCO loan hi 2005 atang vela pek kha a ni a. A loan period hi tunah a zo tawh a, a pung hi 10% a ni a tin, penal interest hi 3% a ni a, tun February, 2013 thlenga loan rulh tur tlingkhawm chu hetiang hi a ni. Principal-ah nuai 280, interest-ah nuai 494 leh 68218, penal interest-ah nuai 98 leh 69765 a ni. Tun thlenga loan rulh tawh chu hetiang hi a ni. Dt. 11.8.2005 ah khan nuai 1,39,726.00 rulh a ni a, dt. 17.7.2005 ah khan nuai 16,96,164.00 rulh tawh a ni e.

\* Speech not corrected.

**S P E A K E R** : Zawhbelhna, Pu Lalduhoma.

**Pu LALDUHOMA** : Pu Speaker, kan state share kha 40% a ni a, chu chu 160 lakhs kha a ni mai a, chumi piaphlamah chuan sorkar hmasa khanin nuai 439 a lo pe a, an rulh that loh zia chu chhannaah khanin a chiang vek a, a principal leh

interest leh penalty zawng zawng nena rulhna tur kha nuai 872 a ni a, chuti chung chuan tun sorkar thar hian nuai 154 alo pe ve leh ta a, he Industry hi kan va duat ve mawle, tiang hi chuan tupawh hlawhtlin theih awm a ni a. Amaherawhchu, a rulh leh tur zawng zawngte han ngaihtuah hian a survive zo ang em ? Tunah hian tihpamtawl ngawt ai chuan tiin sorkar thar hian an bail out ni chuan a lang a. Heng zawng zawng hi an rul thei ang em ? Engatinge kan tum tur piahlamah hian anni hi kan pek hnem em em ? Tin, hetiang dinhmuna ding chung hian he Industry hi a dingchhuak zo tak tak angem ? tih hi ka'n zawt duh a. Enganginng recovery hi kalpui tum anih ? a loan period a tawp tawh baw si chuan, a la pek zawh baw si loh chuan engtia kalpui tum nge anih ? tih te kha chiang deuh hlekin ka zawt duh a. Tin, eng eng nge khutah khuan an siam chhuah, bamboo chauh ni lovin wood processing-te pawh a awm niin a lang a, kan ram tan leh mipui tana tangkai thei tur eng thil thilte nge siamchhuah anih dawn ? tih ka zawt a ni.

**SPEAKER** : A chhang turin a changtu Minister zahawm tak ilo ko ang.

**Pu S. HIATO, MINISTER** : Pu Speaker, Bamboo hi Member zahawm takten an hriat tlan vek tawh kha a ni a, thawnthu pawh ngah tak a ni tih kha hetilai House-ah pawh vawi engemaw zat sawichhuah a ni tawh a, a titu ber K.K. Shah an tih kha Enquiry Commission-te khan an zawng chhuak a, engemaw ti tiin an hmu a, vawikhat chu kan ko chho thei a, warrant-te pawh tihchhuah hial kha a ni a. Mahse, khutah khuan khawl tha engemaw zat lo bun tawh a ni si a, tin, Mizoram tana tangkai anih baw si avang khuan hluihlawn mai hi a uiawmin kan hre si a, chhunzawm loh ai chuan chhunzawm hian a manhla turah kan technical miten an chhut a, chuvanga bail chhuah leh hram hram a ni tih chu min hriatpui tawh theuh kha.

Tin, tunah hian theihtawp chhuahin tan an la a, an tithar chho tha ve viau a nuai 154 kan pek atang khan, term hmasaah khan electric ban ringawt pawh nuai 20 man kha an ba a, tunah chuan Minister-in a ba-te in lo connect sak turin a ti a, tunah hi chuan kan rul chho a, thla khatah hian nuai khat aia tam hi electric manah pawh hian a kal a. Tin, a khawlte kha a hlui tawh avangin siamthatte kha a ngai a, tin, tui connection-te pawh siam a ngai a. A bialtupa hian a ngaihsak a, survive leh turin vawi engemaw zat rawtate pawh a lo thawh ve tawh thin a. Tin, workers quarters ho a lo hlui ve tawh a, repair nan te, machinery equipment repairing te, raw material leina te, clue leh clothing material leh bamboo leh timber tihna tur te, day to day requirement -ah te pawisa a lo ngai tam ta a, tunah hian an thawk ve map map a, a product a khu tunah hian flooring-ah hian mau atanga siam leh thing atanga siam hi an siamchhuak mek a. Ka office a lo leng thinte chuan in hre maithei a, ka office chhuatah te khuan mi en theih turin kan phah a, tin, furniture pawh engemaw zat siam a ni a, furniture-ah hian a bik takin kawngkhar pui siam a ni a, export tur chauha tih a ni hemi hi. Amaherawhchu, export permit pawh kha a lo nung tawh lova, nasa takin kan hotuten an bei a, tunah hian export permit pawh peih a ni tawh a, export mai nilovin tualchhunga hralh theih turin Domestic Tariff Area Sales permit pawh thla 12 atan pek kan ni tawh a, tunah hian kan product-te lo lei turin Vikas Enterprises

Guwahati-in July atangin min dawr a. Tunah hian dawr man pawh nuai 15 vel a ni a, tin, Zarkawtah pawh Show Room kan dah a, Khatla Biak in pawh kan supply mek a ni. A Employment atan Local mi 40/50 rawih an ni a, permanent chuan phai lam mi loh theih loh hi Vai 5 rawih an ni. Hetia a kal chhoh zel chuan kan Teak leh Maute hi kan chhawr tangkai ang a, Employment a hmu bawk ang a, zawi te te chuan a in rul chho thei turah kan ngai a, reiloteah chuan Sorkara innghat tawh lovin Bank atanga Loan liante lain mahni intodelh tumin hma a la chho mek a ni. (Speaker : Kan hun a tawp a, amaherawhchu Pu Minister, eng eng te nge an tharchhuah tih kha a zawt telin ka hria) An tharchhuah kha Pu Speaker, ka sawi tawhin ka hria a, Teak leh Mau atangin chhuat turte Ceiling turte bakah a kawngkhar leh tukverh te, Furniture te kan siam chhuak a ni.

\* Speech not corrected

**SPEAKER** : Kan zawhna hun a tawp a, Member absent hi Member zahawm tak Pu Nirupam Chakma a ni a, tin Kan Minister zahawm tak Pu J.H Rothuama leh Parliamentary Secretary Pu K.S. Thanga te hi Official thil pawimawhah an thang bo rih, an lo kal leh turah ngai ila.

Tunah chuan Financial Business lamah kan kal nghal mai ang a, vawiin hi Minister Demand kan lak hnuhnun ber tur ni a ni ta a, Pu H. Liansailova, Minister zahawm tak leh Pu Lal Thanhawla, Chief Minister zahawm takte Demand lak tur a ni a, kan la kawp leh mai ang a, tha kan ti mai em? Khai le Pu H. Liansailova Minister zahawm takin a Demand No. 9, 13, 14, 31 leh 32-na te hi House-ah rawn submit se.

**Pu H. LIANSILOVA, MINISTER** : Pu Speaker, Governor of Mizoram recommend-na leh i remtihna ka Demand No 9, 13, 14, 31 leh 32 ₹15,28,59,86,000 hi kum 2013 – 2014 Department hrang hrang mamawh a hman turin chung Department te chu:-

Finance Department	-	₹ 3,72,93,48,000
Pernonnel & Administrative Reforms	-	₹ 2,29,66,000
Planning & Programme Implementation	-	₹ 9,55,31,75,000
Agriculture	-	₹ 1,75, 29,27,000
Horticulture	-	₹ 22,,75,70,000
<b>TOTAL</b>	-	<b>₹ 15,28,59,86,000</b>

hi ka rawn move e.

**SPEAKER** : Pu Lal Thanhawla, Chief Minister zahawm takin Demand No. 1,2,3,5,15,26,27,39,45,47 te hi House-ah rawn submit se i lo ko ang.

**Pu LAL THANHAWLA, CHIEF MINISTER** : Mr Speaker Sir, on the recommendation of the Governor of Mizoram and with your permission Sir, I moved the demand No. 1, 2, 3, 5, 15, 26, 27, 39, 45, and 47 for rupees nine hundred



ninty crore forty five lack twenty six thousand only for meeting expenses during 2013-14 in respect of the following department :-

Demand No. 1. Legislative Assembly	-	₹ 17,46,75,000
Demand No. 2. Governor	-	₹ 10,60,000
Demand No. 3 Council of Ministers	-	₹ 5,73,22,000
Demand No. 5 Vigilance	-	₹ 5,20,81,000
Demand No. 15 General Administration Department	-	₹ 50,76,81,008
Demand No. 26 Information & Public Relation	-	₹ 10,77,50,000
Demand No. 27 District Coulcil Affairss	-	₹ 2,10,73,00,000
Demand No. 39 Power & electricity Department	-	₹ 2,94,10,04,000
Demand No. 45 Public Works Department	-	₹ 2,47,88,41,000
Demand No. 47 Minor Irrigation	-	₹ 1,47,68,75,000
Total	-	₹ 9,99,45,26,000 only for

meeting expenses 2013-2014 in respect of department mention. Thank you Sir.

**SPEAKER** : Le, kan Minister-te pahnhin an chan House-ah an rawn submit ta a, kan lo sawiho leh tawh ang a, Member-te 10 minutes theuh han inpe leh ila. 8 Minutes-ah Warning bell ka'n tiri ang a, tichuanin 10 minutes a tawp hman kan tum ang a.

**Pu LAL THANHAWL A, CHIEF MINISTER** : Pu Speaker, kam hnih khat lek, keini CLP ah kan sawiho a, naktuk hi Good Friday a ni a, zanin hi Kohhran hrang hrangah Salvation unaute tih lohah chuan urhsun taka Lalpa Zanriah kil ho leh dawn hun kha a ni ngai a. Kan member zahawm takte zingah Kohhran Upa zahawm tak takte leh rawngbawltu thahnem tak an awm a, thenkhat phei chu an Kohhran azirin kan kal thui dawn deuh anih pawha chhuak lo theilo tur, kallo theilo turte an awm nual bawk a. Chuti anih si chuan kan zavaia inkhawm hman tura kan ban theihna turin remchang min ruatsak thei lawm ni kan ti deuh a. A tul anih chuan Assembly State dangah an tih angin vai vaia sawi kher loin sawi turte pawh kan inruat mai anga tihte kan ngaihtuah a. Mahse i thu nisela.

**Dr. R.LALTHANGLIANA** : Nia, kan Home Minister khanin traffic a zam nasat lutuk avangin kan memberpuite nen kan inbe pawp lutuk thei lova, keini pawhin kan sawi deuh a, zanin hi hun pawimawh tak mai kha a ni a, kan UDA lampang hotupa Pu Duha pawh ka be tho a, tihtawi dan deuh kha chu ngaihtuah thiam ila. Amaherawhchu, hei, Deputy Speaker nen kan thu dun a, kan han chhut pawh hian mi 12 bawr velin kan han sawi hian waviin chu restrict deuh ila hun inpe belh lutuk lo ta ila, khatianga kan tih kha chuan dar 3:00 bawr vel angah 3:50 velah hi chuan wind up hi kan tan theih mai a beisei awm a, kan hun kal tawh thlirin. Hei hun a la kal hnem lova, tichuan tlai thingpui in leh zawk hma khanin kan Minister pakhat zawkin han wind up hman sela. Tlem te kan break khan 5:30 emaw 6:00 vel kha chuan kan zo hman turah ngai ila. Keini lam han inchhawk lutuk dawn hian hei ka Pu hi sawilo tur chi kan neih sa hi a awm ve hrim hrim a, kan hre vek a. Tin keini lampang pawh hi kan inbiakrawn hian minutes 5 bawr velah kan zo thei mai ang a han ti pawh kha an awm ve tho a nia. Pu Thawla te han tlem lutuk kha a rem lova, tin khalam pang kha kan Chief Minister leh kan Finance Minister-te thil a nih avang hian tlem tal han

sawive lawk kha an duh ve deuh a, kha lam pang i dinglam amite kha wind up tur pahnih a chal chal kan neih ni a ni bawk a, a dang paruk pangate in han in restrict theih chuan tikhan comfortable deuhvin vawiin chu hun kan hmang thei ang a tih kha, keini pawh kan han sawiho hian kan ngaih dan tho a ni.

**SPEAKER** : A tla chawpin kal ilangin. Business Advisory pawh kan thut ho lai atang khan nimin te kha chawlh a lo ni bawk si naktuk hun pawimawh a lo ni bawk si, March thla chhunga he kan demand hi zawh vek a appropriation bill nen khan kan Governor-in a signed hman a tul lai si nen khan kan harsa hle a, tichuan finance lampang kan va dawr a, anni khan a chhut tur neuh neuh leh eng eng emawah khan, kan beisei angin an inpeih hma thei dawn lo tih bawk siah khan, khatiang ang khan kan han buatsaih a. Vawiinah department-ah pawh a bu bit ber si kha, Lalpa zanriah urhsun taka hman ni a ni tih pawh kha kan hre thova, mahse pumpelh theih kha a ni silova. Member lam leh Legislature Party lamte nena inrawn khawm a, in lo ngaih dan a kha chu BAC pawhin kan duhthusam tak chu a ni, a hma daih pawh khan. Mahse khatiang ang khan Member-te han inthuai ringawt kha chu thil harsaah kan ngai a, tikhan a lawmawm hlein ka hria a, mahni awmna kohhranah kohhran upa eng emaw zatte tunah kan House-in kan nei a, a lawmawm hle a. Tin kohhran upa thaw thangte pawh kan nei nual a, kohhran kutke pawimawh tak takte pawh kan member-te hi kan ni a. Session zawh velleha Rangvamual lam kal chi lo hlir kan han ni te hi, tuntum kan House chu a lawmawm hlein ka hria a ni. Chutiang chuan kan duh dan pawh a rualin ka hria. Sawihona kan tan ang a, dar 3 : 30 ah chuan kan zo hman tho ang chu maw, a sawihona chu. Tunah Pu B.Lalthlengliana i lo ko ang.

**Pu B.LALTHLENGLIANA** : Pu Speaker, hun tawite hman ka'n tum ang e. Demand no 45-na PWD ah hian tuna zawhna hunah pawh khan ka inrawlh duh loh chhan a awm a, chuvangin hei hi han sawi zawk ka duh a. Kumin October thlaah Khawbung khuain Central YMA Conference kan hmang dawn a, chumi chungchang ah chuan Pu Speaker, sawi zawk ka duh a. Champhai atanga Biate Viz Khawbung i ti ang, nichinah khan kan Member zahawm tak Pu Chatea khan Lungdar leh Biate inkar chu tih tum a nih thu a sawi a. Keini kan bial kha nikum July thla khan budget session-ah ka sawi tawh a, kan Chief Minister zahawm tak PWD changtu khan tih a tum thu min hrilh a. Amaherawhchu, vawiin thleng hian engmah thawm kan hre lova, khi khi min siam that sak loh chuan tihngaihna a awm dawn lova, Khawbung leh Biate inkar phei chu tihngaihna thlawt a awm lova, chutiang kawng chu kan nei a. Kha kawng hrang hrang kawng dang dang hma lak tum dante kan hria a, chuvang chuan tuna YMA Conference kan dawn tur denchhen hian khawngaih takin kan House Leader, PWD changtu ni bawk hian Champhai atanga Khawbung, Khawbung leh Biate inkar bakah Dungleang atanga Farkawn hi min ngaih pawimawh sak sela, tun working session chhungah pawh hian a theih ang chen chen min tihsak sela tih kha ka ngen ngawih ngawih duh a. A chhan chu, tuntum YMA conference hi hmundang YMA Conference ang lo takin khilai bial khi Pi Pu sulhnu tamna a nih avangin a YMA Conference ngaih pawimawh bakah, a tlang dung nawmna avang leh a boruak nawmna avangte khang thil avang khan mikhual tam tak kan dawng turah kan ngai a. Chuvangin Khawbung khua chauh pawh nilovin mikhual thleng turin kan inbuatsaih lova, Bungleang leh Zawlsei thlengin tunah hian kan inbuatsaih a ni. Chungte a nih avang chuan kan House Leader demand chhungah hian

Minister hrang hrang entirnan, LAD te, tin, department thingtlang lama hnathawhna tur nei hrang hrangte pawhin tun YMA conference lo awm turah hian hma min lakpui thei sela a thain ka hria a. Eng leh tui tha kan mamawh dawn a, kawng tha kan mamawh dawn a. Tin, khawlai a tha lo em em mai a, step chhia leh thil hrang hrang siam ngaihna hmunah te leh Pandal phurh chungchangah pawh hla taka mi phurh a ngaih dawn avangin tunhma a YMA conference a sorkarin thahnemngai taka a lo tih tawh angin keini pawh min ensan lo sela tih ka duh a. Khawbung khawlai siamthat ngai kawr thuk te, leilawn thalo te, tin, step thalo te a siam thei department hoin min siam sak se tih kha Pu Speaker, ka'n sawi lang lawk duh a.

Tin, Minor Irrigation-ah hian ka bial chhung tiaukam Bulfek leh a chhevelah te tunhma 1987 a Minor Irrigation hnuai Irrigation siam kha tunah hian a lo chhe tan ta a. Tui a kal hlei thei lova PAC pawhin kan han en tawh a, churang chuan lo neitu tam takin an thar tur ang an thar thei lova, khing khi repair emaw siam bak siam belh te khawngaih takin Minor Irrigation atang hian min ennawn sak leh sela. Tin, Vaphai Saikhum kan sawi fo pawh hi Lo neihna hmunpui a ni a, tuikawng that loh avangin mi tam takin an neih tur ang nei thei lovin thlawhna an la thei lova, chungte pawh chu min hriat sak se tih ka duh bawk a. Tin, Thekpui ramah khian Phunchawng zawl zau tak awm khi khi tui a that loh avangin siam hleih theih a ni lova, khi pawh khi min hriat sak se tih ka sawi lang zawk duh bawk a. Tin, Pu Speaker, work programme a lo lang completion of on going scheme tiha cheng nuai 2300 lo lang leh extension of anti-erosion scheme tiha nuai 1200 lo lang kha an thawh tur schedule kha a lang lova, khang pawisate kha a awm a nih chuan tuna ka sawi te kha min ngaih pawimawh sak se tih kha ka'n sawi lang zawk duh a.

Tin, Power-ah hian sawi leh duh ka nei a, ka bial chhungah Tlawva Hydrel Project siam mek a ni a, kuminah hian cheng nuai 679 dah a ni a, kumhnih khat hnuai zawh tuma hmalak mek a ni. Hei hi zawh thuai a nih theihna turin departmentten hna an thawk zel a ni tih ka hriatin leh sorkar pawhin a ngaipawimawh tih ka hriat avangin lawmthu ka sawi duh a. Amaherawhchu, ka bial chhunga small hydrel project kan siam tawh ngaihsak lutuk lo a awm thin erawh hi chu khatiang ang kha a ni ang tih kan hlau deuh a, khatiang kha ni em lo turah vawiinah hian ka'n sawi lang duh a.

Tin, Khankawn Biak in bul takah Transformer a awm a, Biak in sak that an duh a department-ah vawi engemaw zat ka sawi a min sawn sak mai tura ka ngaih laiin vawiin thlengin sawn a la ni lova. Khi khi a hlauhawm hle mai a, kan Minister zahawm tak hian min hriat sak sela, department lama kan sawi a sawt lova helaiah member-te kan nih honaah rorelnaah kan sawi thei hi a lawmawm pawh ka ti khawp mai, min ngaih pawimawh sak hram sela. Tin, Farkawn Transformer Biak in bul atangin damdawi in panna hrui a tha lo nge ni hmun dang zawng zawng eng a that laiin Biak in leh damdawi in inkar damdawiin petu line a dim tlat thin a, emergency a damlo enkawl dawn pawhin a tih hleih theih loh a ni. Vawi engemaw zat department lamah ka sawi a, kan siam an ti a, vawiin thlengin a la tha thei lova. Chungte chu min ngaih pawimawh sak sela tih ka'n sawi duh bawk a.

Tin, Hydrel Project, Governor speech-ah khan tih tur MoU sign tawh te hmun engemaw zatah Megawatt tam tak tak pechhuak thei tur a lo lang a, a lawmawm khawp mai.

Mahse hei UT kan nih atanga vawiin inkarah hian Hydel Project lian tham tihpuitlin kan la nei lova, keima rilruah chuan Hydel Project lian tham deuhah hianin concentrate ila, tihzawh ngei ngei tumin hma la ila. Hei tunah pheih chuan NLUP trade hnuaiyah Industry a lian emaw a te emaw power mamawh mi tam takin trade an thlang a an lo hlawhtlin zel theihna turin power supply te a lo ngai bawk si a, small hydel project te hi chu a hranpa investigation te hi ti tawh lovin a lian zawkah hian in concentrate ila, kan ram leh hnam tan hian a va tha dawn em tih hi ka ngaihtuahnaah a awm thin a. Chu chu kan sorkar ngaihtuahna pawh a nih ka ring a. Chu chu ka'n sawi lang zawk duh a.

Eng indaihloh tih chungchang hi chu Pu Speaker, Congress sorkar hi a vanduai ve hrim hrim niin ka hria a. Sorkar hmasa hmasaleh congress sorkar lai khan, mombati sorkar kan ti a, kawng kha kan zawh luih luih a. Kum 10 MNF a sorkar khan a reh vang vang a. Tun tumah hian mombati sorkar kan han ti leh a, meihawl sorkarte kan han ti tel tawh bawk a, in vanduai a ni. Pu Speaker, an vanduai a ni ding lama thu te. Chuvang chuan pawisa awm mahse lei belh tur te a awm chuang lo te anih chuanin, kan tuar leh ringawt mai a ni ang chu.

Tichuan DP&AR ah hian kha damdawi ina Doctor indaih lote ka sawi zing tawh lutuk a. Kan Minister pawh hi a tang nasain ka hria a. Amaherawhchu, a mutan ber kan sawi kan sawi hian cabinet decision awm tawh sa pawh DP&AR in an veto power ni ang a lang tlat mai hi chu kan DP&AR Minister hi chu tang ve deuh teh se. Damdawi ina Doctor kan neih loh vanga thingtlang kilkhawr zawkten harsatna kan tawh hi min hriatpui sela. DP&AR lam pawh hi tang lutuk lo sela, pawisate chu a pawimawhnaah chuan kan pawt thei tho alawm. Chuvang chuan PHC a Doctor awm lohna zawng zawngah hian tun term chhung hian min pe ngei teh u. Keini kan bial min rawn pek chhun lah chawngkhum dan tlang huat loh an tih ang deuhin rui reng mai thawk thei lo a lo ni a. Tunah vanduai thlak takin nunnate an chan lehngal a. Doctor hmel hmuh a awm thei lo. Nurse senior deuh an intithu hlur ringawt mai a. Tin, damdawi in pawh tlawh tlak pawh a awm tawh lo. Chutiang chu anih avangin heng mipui tana pawimawh ngawih ngawihah hi chuan kan sorkar hian tan min han lak sak sela. Damdawi in thenkhatah Specialist an tih laiin keini chuan MBBS chhuak thar kan mamawh thu kan han sawi ve ngar ngar a ni a. Ngaih pawimawh hi chu kan va tul em tih ka sawi duh a.

Tin, Agriculture, demand 31-ah khan crop husbandary head-ah khan RKVY atanga lo langah khan crore 2000 a lo lang a. Kha kha hectare 2000 siamna tur niawm tak a ni. Kha kha a location tihlan loh a ni a. Heng work programme angah te, schedule of work angah te hi chuan a hmun tur a location te specific deuha tihlan theih nise kan bialte a lo thleng ve dawn em ? dawn lo em tih te hriain han sawiho ila chuan a va tha dawn em tih hi ka ngaihtuahnaah a awm a. Khatianga a pawisa hlawm leh a hnathawh tur zat ziahlan tawp mai kha chu transparency kan ti a, a transparent tawk lo niin ka hria. Tih leh hunte a awn anih chuan nichina kan House Leader-in kan sorkar leh huna hun chanve vela kan zawh theih tur a ti a. Lo sorkar leh ta hlauh pawh ni sela kha kha kan ngaihtuahnaah awm sela. Amaherawhchu, MNF in sorkar kan tum ve leh tlat mai si a, a sorkar zawk zawkin kan ti mai

a ni ang chu. Khang kha Pu Speaker, hmanhmawh takin kan pawttawi zung zung a, ka'n sawi a nih chu. Ka lawm e.

\* Speech not corrected.

**SPEAKER** : Pu Lalduhoma, a dawtah Pu Joseph Lalhlipua.

**Pu LALDUHOMA** : Pu Speaker, PWD atang hian ka tan duh a. Hei kan rama sum lo lut luanchhuah lehna tamna ber pawh niin ka ring a PWD hi. A chhan chu kan rama a sum hrawm lian lian, hna lian lian hi Mizoten kan la thawh theih loh vang a ni a. Instruction of bidders section 1 clause 4.5 ah hian hetiang hna liantham thawk tura Contractor ina a neih ngai te, a list a awm a, chu chu Project Manager te, site engineer te, plant engineer te, quality engineer te, soil and material engineer te, survey engineer te an ni a. Heng zawng zawng nei thei vek tur hi Contractor Mizoten kan la nei lo a ni. Chuvang chuan hna liantham reng reng hi hnam dang kutah a lut zel mai a. Chutih rual chuan hnam dang Contractor-te hi han en ila, a thawktu tak tak hi chuan an nei bik tlat lo a ni. A hmunah pawh kal ila heng hi chu an nei tak tak chuang lo. Paper-ah tute nen emaw in combine-in an tifel a ni ve mai a, tin an hna pawh hi a tha chuang lo a ni. Entirnan, Phuaibuang kai Tuivai lei sorkar hmasain an lo tih te pawh a foundation a tha lo a. Tunah airport kawng Tlawng lei te pawh a foundation a tha lo an ti a, hei an chawhlan vung vung a. Chutiang zelin Champhai hospital-te pawh tha lo an ti a, an vuakchhiat rum rum te pawh kha a ni a. Heng kan World Bank kawng kan tih te pawh hi engtehual a ni lo reiloteah thuk pui puiin a khuar a, a chhe ve leh mai mai tho a ni a. Chuvangin heng Paper a ngai zat nei inti hnam dangte hi kan mizo contractor-te ai hianin a practical-in an tha chuangin ka hre lova. Hetianga rahbeha kan awm reng chuan engtikahmah hetiang hna lian hi Mizoten kan thawk thei dawn chuang lova, chuvangin kan sorkar hian hetiang hi Condone dan min ngaihtuah sak sela, a tul anih chuan Manual hran te pawh kan ram milin siam mai ila, kemahni mite ngeiin hna an thawh theih nan tan lak a ngai ka ti a ni. Tin, hnamdang ho hian 35% above-ten a ni hna hi an thawh ni, kan ramah hian, tunah hian Bawngkawn to Tuirial road te pawh 35% above-in an thawk a ni. Kan contractor-te chuan 5% below te in an chhang a ni. A inthlau lutuk a chuvangin kan mite pawh hi kan dawm chhuah a, an thawhtheih dan hi kan ngaihtuah a ngai ngawih ngawihin ka hria a ni. Politician-te hi chuan kan mite dawm kan kan duh vek a, vawiinah hian thil sawi hrehawm tak chu, kan official level-ah hian ram hmangaihna hi tute emawah hian a awm tawk lova, hnamdangte nena thawh chak zawkna leh chutiang hawi zawnga dan leh hraite pawh tlawh chhan tur zawn hi a awm deuhin ka hria a ni. Kan House leader hian min hriatpui se ka duh. Dik tak chuan sawi hrehawm ania ka'n sawi mai ang a, tender hawn ni leh darkar fixed thlap a nih pawhin tute emaw an kal hman loh chuan, a huna hawng lova nghah-te pawh an awm a, "Puten an ti alawm," tih hi a awm thin a, vawiinah hian kan House Leader hi ka ringhlel miah lova, mahse an hriat loh hian an zawt fiah leh ngam dawn lo tih hre reng hian, "Puten an ti" tih ching, an tih hauh si loh tih ching hi official levelah hian a awmin ka hre tlat a ni. An hre chiang duh anih chuan an office ah chianguang takin ka hrilh thei a ni tih hi ka sawi duh a ni.

Ka'n sawi leh duh chu kan ramri hrulah central lamin defence atan ni ngei tura lang kawng lian pui pui an rawn thawk a, heng kawngte hi khawilaia laih

tur nge ni a, a hnate hi tute thawh nge ni a, kan sorkar hian engchen nge inrawlh ve theihna a neih, hemi kal hmang tlangpui hi han hriat ve hrim hrim ka duh a ni.

Tin, bial chhung thil tlem han rawlh ve ka duh chu hman deuh khan Luangmualin centenary kan lawm a, kan House Leader chief guest-in a lokal a, kawng chhiat ziate min rawn hmuh sak a, Chhangurkawn atanga Chawlhmun pan thlakna khu tihzauhva, a grade chhe lai khu siam that nise tih a ni a, a ni la lain kan engineer-ten an en dik a, a tukah kan Local Council te leh official-te nen kan en leh bawka. Hei hi kan nghakhlel khawp mai a, fund awmna lai hi kan work schedule ah hian kan zuk hmu mai lova. Kan House Leader-in, khami nia min tiam kha mipuite pawh khanin kan hre zau viau a, kan sawi chak zawngte a lo ni bawka, commitment min siamsak a ni a, helai hi min lo hriatsak sela ka duh a ni.

Tin, Chief Engineer (Building) hnuai hian Sihmui to Sairang field resurfacing atan nuai 12 min dah sak ve a thawh tur a ni a, khulai khu resurface ai mah mahin motor kal hleih theih lohna culvert siam that ngai a la awm nual a, nuai 12 lek mah nise, chulai chu an thawh tak tak hunah a thawktuten min lo hriasak sela ka duh a ni.

Tin, Agriculture -ah hian NLUP-ah hian Aizawl khawpui chhunga hmunphiah trade thlang mi 92, a chin trade nilovin a broom making a sawn sak an ni a, an thlan loh zawka dah sak an ni a, hei hi enge a chhan, chumai nilovin an chan tur atang khan ₹ 40.000 lai an cut sak ni dawn awmin an inhre tlat mai a ni. Hei hi a dik nge dik lo, engnge a awmzia tih hi han sawifiah thei se ka duh a.

Tin, Sweet Corn Hybrid ching tan kan ramah an awm a. Hriselna atana thil tha tak mai a ni a, hengte hi uar theih nise tih ka'n sawi duh a. Ni 120-ah a thar thei a, a thar rang bawka si a. A market lah a tha a, hengte hi mipui hnenah han tlangzarth deuh a, a chite pawh ngaihtuah sak a ngaih chuan, reilo deuh chu han inngaihtuah sak a thain ka hria.

Tin, Horticulture-ah ka'n lut leh ang a. Vermi-compose, changpat leitha hi ka sawi zing tawh angreng a. 2006 vel atang khan Department hian Kg-ah ₹ 12 in an lei sak a. Tunah Kg ah ₹ 8 in a tlatla a. Thil man a to chho tial tial a, kan kuthnathawktute dawm chhuahna a hniam tual tual ve thung hi chu a vanduaithlak in ka hria. Dik tak chuan, State pawn atanga fertilizer kan lakna hi tunah pawh hianin a la turu a ni a. Kan ram chhungah hetiang hi an thar ve thei tawh a nih chuan, engahnge a leisak thei lova kan awm leh tlat ? vai ta kan leina ai pawisa hian lei sak ve mai tur a lawm, a tha ve tho si a. Tunhma kum tam tak atanga tute emaw kan lo zuk dawr than tawhte thlah hi kan harsat lutuk a. Hei hi Political will chak tawka nena tihtawp hun ka ti. Kan mite hi an ding chhuak ve tur a ni. Tunah hian District hrang hrang parukah quintal 10,100 kum khatah vermi-compose hi an thar chhuak ve tawh a ni. Serchhipah te pawh hralh tur an ngah lutuk, an mangang a, Open Market a hralh tumin Aizawlah te an rawn trip pheih a ni. An khawngaihthlak ka ti. Hengah hi chuan kan sum hi ren lo ila, hnam dang lakah hian ren tawh zawk ila, kan mite lakah hi chuan i pawk ang u tih hi ka sawi duh a.

Tin, Bawngek ngai lo chi changpat hi a awm a. Session-ah te ka sawi tawh a. Bawngek ngai kher kher hi chu mahni huanah te mahni intodelhna tham khawp lek pawh han siam dawn ila, Bawng vulh tel te a lo ngai a, a ek lak reng a lo ngai bawk a. Bawng ek tel lova chaw tha siam thei changpat variety a awm a ni. Hei hi khawngaih takin dap chhuak ila, lalut ila. Market atan pawh ka ti lo, huan nei ho zawng zawng hian mahni hman khawp chu an thar ang a, an intodelh mai dawn a. Hei hi thil tha tak niin ka hria a, ka'n rawt nawn leh a ni.

Tin, quality planting material hi kan la ngah tawh lo tih hi kan hria a. Tunah hian engemaw zat supply tur a awm dawn a. A quality planting material-in a daihlo rau rau a nih chuan Mizoram pawn ami tu tute emaw ta an lak leh vak vak a, chi tha lo chi tha anga kan supply leh palh ai chuan Mizoram chhunga heng thlai tiak nei ho ta hi a daih loh chuan lak sak mai rih hi kan ti lo thei lo a ni lawm ni tih hi ka'n sawi lang duh bawk a. Mahni a ser tiak te pawh lo nei ve nual an awm a, chu chu Department a in register te an lo duh ve a, a duh na zawng hi an qualify loh avangin an in register lova, ka hrethiam a. Mahse, qualify deuha ngaihte pawh hi thenkhat hian in register hi an harsat deuh niin ka hria. Helaiah hian a endiktute pawh rilru zau tak puin, ram hmangaihna thinlung nena ngaihdam theih chu in ngaihdam a, a tha lo kan supply tel dawn a nih tho tho chuan, kan ram chhunga hralh ve nghaka lo ching tang tangtute hi beidawng lo sela, a rate pawh hniam bik lo sela. Tu te emaw a supply theite hnena rate hniama an hralh leh ai chuan rate inang veka lak sak mai dan min ngaihtuah sak se tih ka'n sawi duh a.

Tin, Kang Damdawi hi Rev. Lalthanmawia hian enchhinna a siam a, a rah hi tuah atan a hmang a. A enchhinna ah hian kang damdawi kung 300 hian chhungkaw pangngai kum 1 chhung eirawngbawlna a daih niin an hisap chhuak a ni. Hei hi a processing-te kan la ti thei tak tak si lova, eirawngbawl nan te, vawk chaw chhum nan te a tha dawn em em a, tih chhoh a thain ka hria a, ka'n sawi duh bawk a.

Tin, DP&AR ah hian ka'n lut ang a. Kan MPS ho chungchang hi wawiiinah hian han sawi ka duh a. Kan ramah hian Service hrang hrang kan nei a. MCS te hian ka hriatsual loh chuan Secretary Level hi tunah hian post pali an nei a. MF&AS ho hian pakhat, MSS in pahnih, MES in pakhat, chutih lai chuan MPS hianin pakhatmah an la nei ve lo a ni. Tichuan, kan MPS te kaisanna tur hian DIG rank pakhat kan nei a, chu chu Director, Fire Service chauh hi a ni mai. Hei pawh hi Senior Administrative Grade an ti a, a pay scale-ah DIG pay scale a ni a, a belah erawh chuan Senior SP bel ang a bel tho mai a, khatiang kha a kal hmang te hi a ni a, a mak angreng ka ti a. Chuvangin, kan MPS te kaisan vena tur hi ngaihtuah dan kawng tam tak a awmin ka hria a. Armed battalion 8 kan nei tawh a, pali ve ve pawh hian han enkawl sela, DIG pahnih chu helaiah hian a awm thei a ni. Tin, DIG Headquarters te pawh hi Mizo MPS hian luah se kei chuan ka duh a, hnam dang hliir mai Police Headquarters-ah an thu tlat mai hi dik chiah chuan tual chung mi tan hian kan sawi tur kan sawi loh phah fo mai a, a dawr turin kan dawr loh phah fo a ni. Tin, IG Prison te pawh hi han upgrade ila, MPS Senior Grade tan khan, a siam a har hauh lo mai a. (Interruption) E, aw, a that chu, a hlawhtlin dawn chu. Tin, hei MRHG-ah, Home Guard-ah an CG post te pawh hi khatiang atan khan a siam theih a ni, IG ruak in a la siam theih a ni. Tin, DM & R te

pawh hi dik tak chuan chhiat rum rumna thil a ni a, MPS Officer te hi a train tha te an ni a, khungah te pawh khuan posting siam ve theih turah ka ngai a, Joint Director/Deputy Director/Assistant Director-ah te pawh, operation atan khan an tha em em ang. Hengah te pawh hian an luh ve theih dan awm selangin, Under Secretary, Home tih te pawh hi han siam sak ve ila a tha ka ti a. Tin, Cadre hrang hi Sikkim te pawhin an nei a, neih ve mai hi a tha zawk em tih hi ka ngaihtuah a, a chhan chu IPS Officer ho hi, hnam dang hi a serh thian lekin Mizoramah hian an awmin ka hria, tui taka awm hi an awm lo, leave lak theih zawng zawng hi an la a, an in lak chhawk hi a ni deuh ber hlawm mai a. A chhan chu Mizoram ni lo tlan chhiatna tur a tam lutuk a, cadre hrang chu nei ilangin tlan chhiatna tur a awm miah dawn lova, tui takin an awm ve hle hle mai dawn a, khangte kha a thatna niin ka hria a. Tin, kan Mizo Officer te ngei hi kan dawm kan zel hi a tha ka tih em emna chhan pakhat chu mipui tan mai pawh a ni lo, keini politician te pawh hian mahni mite ngei han dawr chu nuam kan ti a ni. Khang vang khanin an hma khua hi han ngaih deuh ni se tha ka ti a. Tin, ACB-ah hian tun hnaiah MPS post 5 hi decadred a ni tlat mai a ni. ACB-ah MPS te ruai lo ta ilangin, tute nge kan rawih ang? Investigation leh Law engkim thiam an ni a, kha kha kan decadred ta si a, tute nge lak kan tum helai hmunah hian tih te hi ka ngaihtuah a, hengte pawh hi ngaihtuah a tha hlein ka hria a.

Tin, Finance-ah hian Pu Speaker, keini group atang hian kan ding tam dawn lova, a chanve vel emaw lek kan ding dawn a ni a. Sikkim leh Arunachal Pradesh hian Central atangin duat bik an hlawh a, Prime Minister Special Package te pawh an hmu tawk tawk a ni tih kan ngaithla a. Anni chu ramri hrula awm an ni a, China a lo lian tep a, chuvangin an duat a lawm kan ti a, a dik a. Kan ti ve theiin ka hria. Vawiinah hian Kan House Leader hian hmel hriat leh thian a ngah em em tawh a, ani ber mai hi chemfawng faia tih vel lampang hawi deuh ngut mai hian han hmu sela chuanin min tlawn nasa awm mange aw ka ti. Chuvangin kan Huse Leader hian anni ang bawh a min tlawn theihna tur hian, keini ringawtina tlawn lovin, annin minrawn tlawn let leh theihna tur hian engemaw deuh kan tih tlan hi chu a tha ka ti a, an thu thua awm tur ang ngawtah hian min ngai lo se, indona field-a awm ve tur tho kan ni a, kan pawimawh ve tho a ni tih hi kan sawi duh a.

Tin, a tawpna ber kan ti tawh mai a nge, Power & Electricity-ah, Serlulah, tun hnaiah tute emaw an zuk kal a. erlui tuikhuah en man kha ₹ 500 zel min lak sak e an ti a, hei hi thil thar a ni a, engnge ni a awmzia, a chhan kha ka hre lova, Sorkarin tul tihna riau a lo nei nge, engnge ni kan hriat vak loh hian an lo la mai tihte kha ka'n dinpui duh bawh a. Khang kha ni mai se, ban hmata pawh kan duh deuh bawh a Pu Speaker, ka lawm e.

**SPEAKER** : Pu Joseph Lalhimpuia kan ko ang a, a dawtah Pu Lalthansanga.

**Pu JOSEPH LALHIMPUIA** : Pu Speaker, ka lawm e. Department 15, Assembly leh Governor telin a ni a, hun a tlem a, thil 4 velah kan in concentrate mai a nga. Vawiin hian kan Chief Minister zahawmtak, kan House Leader ni bawh leh kan Finance & Planning Minister hna chanpualte kan sawiho dawn a ni a. Ka rilrua ka vei zual, ka ngaihpawimawh zual tawitea tarlan ka duh a ni. Pu Speaker, a hmasa berah chuan kan bial lampang, Lunglei District hnufum tak chawikang turin Lunglei High Powered Committee kan



Chief Minister zahawmtakin kum 23 liam taah min din sak a, hna mumal takin a la thawk thei lova, tun tumah erawh chuan hei kum 4 pum hlum kan Chief Minister hovin kan thawk ve ta a. Lunglei High Powered Committee-ah hian vaibelchhe 32 aia tam deuh tunah hian min pe tawh a, kan lawm hle a ni tih kha ka sawi hmasa a nga. Kan State Plan piah lamah chuan nikum lamah khan kan Chief Minister-in Special Development Initiative for Lunglei District tih project min siam sak a, vaibelchhe 104.77 a ni a. Kan Chief Minister remruatna angin November ni 7, 2012-ah Prime Minister Office-a MOS hnenah ka zuk theh lut nghe nghe a. Pu Speaker, hemi chungchang hi hmalakna bul tanna vawikhatna a ni a, a lehpekah chuan a vaibelchhe za tel tak takin hma min lak sak tawh ang tih ka ring a. Tuna kan thlen chin pawh hi a lawmawm hle a ni. Kan Prime Minister zahawmtakin kan Chief Minister zahawmtak lehkha tha takin a chhanna a rawn ziaak tawh a, chubakah, Pute, Kamal Nath, Minister UD & PA in a rawn chhang tawh a, V. Narayanasamy, MOS Prime Minister Office in a rawn chhang leh tawh a, tin, Barat Sinh Solanki, MOS in a rawn chhang leh tawh bawk a, tunah hian Planning Department kaltlangin Home leh PHE, Agriculture leh Fishery Department-ah te phei chuan hmalak tan turin ruahhmanna siam mek ni tawhin ka hria a. Tin, kan Doner Minister Paban Singh Ghatowar-in chhanna a rawn ziaak a, planning commission member B.K. Chaturvedi-in chhanna a rawn siam tawh bawk a, chungah te phei chuan heng Lunglei District hmasawna tur atana Chief Minister ruahhmanna hi India sawrkar laipui existing scheme-ah te leh tin, NLCPR ah te, Special Plan Assistant-ah te pawh tihhlawhtlin theih a ni ang tih ruahhmanna an siamte pawh a rawn sawi hial a ni. Chuvangin kan Chief Minister-in kan ram pumpui piah lamah a hnufum zual bikte Lunglei District-te min khaichhuahna hi kan lawm hle a, nakin zelah phei chuan sawrkar laipuiin Planning Department-ahte leh department dangah te pawh hmalakna ala nei anga, khawngaihtakin kan Planning Minister zahawmtak pawhin he kan Chief Minister hmalaknate hi official level-ah lo ngaipawimawh turin min lo hrilhsak sela ka duh a, kan thamral tir mai ang tih ka hlau deuh hleka chu chu pakhatnaah ka sawi a ni.

Tin, pahnihnaah chuan Mizoramah power indaihlohna a nasa khawp maia kan hotuten theihtawp chhuahin tan an la, vawiinah hian thla hnih khat emaw kum hnih khat emaw maia zawh chi a nilo tih mi pangngai chin chuan an hre vek a ni. Tuirial Hydel project kan hria a, sawrkar hmasa hunah compensation uchuak tak avangin pamtul a ni a, Pu Speaker, nimin maiah khan ka bial atangin bus trip khat leh motor-te in mi 30 dawn lai Tuirial Hydel Project en hian kan kal a, P&E Department te leh NEEPCO lampangin alo dawngsawng tha hle a, NEEPCO hotupa chuan Pu Lalthanhawla Chief Minister a nih hnuah ama hmalakna vang liau liau a, he tuirial Hydel Project te hi chhunzawm leh a ni, tunah hian an sawrkar leh lo ang tih NEEPCO hotute hian kan hlau a nia, tih te pawh a sawilang hial a ni. Tukinah khan an lo haw chho a, kan inah chaw an lo ei a, kan hotupa hmalakna hi ropui an ti a, an hlim em em a, kum hnih khat lekah chuan Mizoramin power lamah kan intodelh chiah lo a nih pawhin tun aia tha zawk kan nei thei ang tihte pawh kan ring a. Power Department khulaia thawktuten kum 2005 ah khan Tuirial Hydel Project a awm ho hi min sawn darh veka, mahse Congress in lo sawrkar leh hnuah hian min dah lut leh vek a ni tih te an han sawi te hi a ropui ka ti a. Tin, Sawrkar hmasaah khan Mizorama Hydel Project kan neih kan pamtul tir mai bakah RGGVY chungchang hmalakna tenawm takte pawh committee-in House-ah a pe tawh a, sawrkar hmasa khan Power chungchangah hian tih

hnawk an lo ngah hle a ni tih hi vawiinah hian a lang chiangin ka hria a, tawitein ka han tarlang a.

Pu Speaker, a pathumnaah chuan Mizoram University Southern Campus chungchang hi tawi tein ka tarlang duh a ni. Hmanniah khan kan Education Minister zahawmtakin hmalak dan, University-in hmalak dante a sawi tawh a, Chhim lamah zirna hmnpui din thar leh turin sawrkarin theihtawpin tan a la a, a mipuite leh thalaite pawhin theihpatawp kan chhuah a ni. Tunah hian UGC a Chairman thar chu Prof. Ved Prakash a ni a, Mizoram Education Reform Commission-a member pawimawh tak kha a ni. Telephone-in kan inbe zeuh zeuh a, nizan hmasa mai pawh khan ka bia a, UGC ah Chairman thar a ni. Kan Chief Minister hnena a lawmthu hi telephone a minute reilote inbiak chhung pawn vawi tam tak a sawi a ni. Lunglei-ah Southern Campus, University Campus kan neih theihna tur atan, theihtawp min chhuahsak rawh, kan sawrkarin hma ala a, keipawh saw lampang vil tura kan hotuten min dah avangin Delhi-ah te pawh ka lo la kal ang te pawh ka ti a, 'Hei chu Pu Lalthanhawla avang pawhin Dan chhungah chuan ka theihtawp ka chhuah ang' tihte pawh a sawi a, chuvangin kan Chief Minister hmalakna vangin Lungleiah Southern Campus kan nei ngei ang tih kan ringa, kan Chief Ministerin theihtawp min chhuahzui sak zel sela ka duh a. Hei tunah hian hmalakna pawh tamtak a kal tawh a, a thuphungin (principle) university campus hawn, UGC in an rawn phal tawh a, a pawisa tulte pawh tunah hian kan Planning Minister leh Finance Minister ni bawkte, kan Chief Minister, kan House Leader zahawm takte hmalakna avangin General Discussion a ka sawi ang khan hniam bik leh ngaih thah bik ni a in ngaihate hi vawiinah kan ram chhungah Lunglei District mai a ni lo, district hrang hrangah hmun kil khawr zawkah te pawh a lo reh tial tial a.

Kan Chief Minister zahawm takin ang khat vekin, duhsak takin, vawiinah phei chuan a chhe zual deuh phei chu chhia a awm chuan siamthat tur a ni a tih fo thin angin ngaihsak bik kan ni tihte pawh vawiinah hian a langin ka hria a. By-electionah campaign-in kan han kal a, Phuaibuang ka kalna ah chuan term hmasa a Chief Minister, party hruaitu chuan an campaign-na ah chuan by-electionah hian MNF an tlin chuan Chief Minister bial ai pawha duhsak bik in ni ang tihte an sawi a. Min lo zawt ve a, keini chu kan puten chutiangan an ti ngai lo, amaherawhchu, a chhe lai apiang, ngaihsak bik tul apiang an ngaihsak a, bial ngaihsak bik leh ngaihthah bik Zoramah hian an nei ve ngai lo a ni, chu chu kan kalphung kan hotuten min hruai dan chu a ni tih tein ka sawi ve a. Vawiinah hian a chhe lai apiang siamthat a ni dawn a ni tih a sawi thin ang in a bik takin Lunglei District-ah harsatna tam tak ngaihthah bik ni a inhriatna te, a dik tak pawh a ni. Chutianga hun rei tak, a bik takin kum 10 liam te phei chuan a nasa leh zual a. Chung zawng zawng chu vawiinah hian mipui hian, thalaite hian rualkhaiin kan awm a ni tihte ngaihdan an nei tharte hi kan Chief Minister hmalakna avang liau liau a ni tih ka hria a. Thil tam vawiinah hian sawi ka duh nain kan hotute sawi ang khan naktuk Kristian ni pawimawh a ni a, zan in kan hun pawimawh anih avangin chungah chuan kan han insawrbing mai ang a. Chuvangin, nichina kan sawi tak ang khan special development project te, tin, Mizoram University Southern Campus chungchangah t,e power chungchanga hmalaknate hi kan lawm hle a. Min hlawhtlin tir ngei ang tih pawh kan ring a, chung sawi chung chuan heng kan Minister, kan House leader

zahawm tak leh kan Finance Minister zahawm takte demand hi ka support a ni tih ka rawn sawi a ni, ka lawm e.

**S P E A K E R** : Awle, Pu Lalthansanga, a dawtah hian Pu P.P.Thawla.

**Pu LALTHANSANGA** : Pu Speaker, ka lawm e. Vawiinah hian ka sawi ve loh chuan PC Legislature atangin sawi tur kan awm dawn lo a ni mai dawn a. Kan Party mipui tam tak khan engah nge i sawi ve loh kha min lo ti dawn si a, chuvangin ka din a ngaiin ka hria a.

Hei vawiinah hian pute hi kan fak kan fak a, kan pu hi ka fak ve duh a. Hei kan pu hi kum 91, 1922-ah a piang a, vawiin thleng mai a Pathianin he House-a thut tirna hi engvang nge tih hi tlem ka sawiduh a. Hei tun term chungah chuan Budget Discussion-ah chuan a hnuhnung ber tur a ni a. Kan pu hi lo awm ta lo se, lo piang ta lo se, Mizoramah hian remna leh muanna hi a awm ka ring lo va. A chhan chu kan pu Chief Minister a nih khan MNF a a dumpawl ho zawng zawngte kha an lo let ta a. Khatia an lo let a, sawti laiah Arakan lama an awm tak loh hnuah kha chuan, mithiam ho an awm tak lo-ah kha chuan anni pawh an lo zam a ni ang e. Tin, chubakah India sorkarin hmanruaa a hman tumna ang zawng zawng te, heti laia lo let dumpawl ho khan khami daikhalh a PC Party atanga Mizoram kal siam tur an han duan takah khan Central pawh khan a duh angin kalpui thei ta lovin, chumi inhnawh tawng a chu a credit kha vawiina kan Chief Minister zahawm takte pawh hian a la niin ka hria a. Tin, chumi piah lam pangah a story thui tak mai keimahni UDA Legislature Leader Pu Duhoma hian a sawi thei baw a, a credit hi tu ber hian nge nei ta tih pawh a bula thu han ngaihthlak hi chuan kan hrethiam pha lo a ni. Chuvangin kan puin chutiang taka Mizorama remna leh muanna a rawn thlen dan te, amah an puh chhiatna a mizo leh mizo indo tirtu an han tihate hi han chhut chian hi chuan vawiinah hian chutiang ang zawng zawng chu he House kal tlang hian Zoram mipui leh vawiina thangtharte pawh hi ka'n hrilh duh chu, Brig.T.Sailo vanga Zoramah hian remna leh muanna lo awm a ni a. Tin, Mizoram economic-ah kan thangharhna atana vawiinah hian Pathianin ani hi a rawn hun chhuah a ni a. Chu a economic plan, 6 basic needs a tih, Zoram dinchhuahna tur atana rangkachak anga tui ek thei lo policy-te pawh a rawn duan chhuah, chumi chu Zoram thangtharte hian hriat zelna tur atana vawiinah hian ani hi rawn hun chhuah niin ka hria a.

Tin, hemi demand No.39 na Power & Electricity-hi, hemi hi Zoram dinchhuahna tur atana a hmalakna a ni a. Tlangchhip atanga tui chhuk luan tira, chutiang chuan vawiinah Zoram thlai chingtu zawng zawngte leh thar duh leh hna thawk duh Industry leh vawiin, he thangthar khawvel kan tih, computer age pawha kan ramri buai lohna tur atana hmalakna vawiinah kan bawhzui a, party-ah inchihrthehna a tam em em mai a, forest clearance a awmlo tih velte hi a tam em em mai hi vawiinah hian mak kati a, mahsela ka lawmna em em chu, vawiina kan party lian pahnihte heti tak maia Hydel Project lampang Electric siam chhuahna lam tura an tui ta hi a lawmawmin ka hria a.

Tin hmannah Assembly Annex khu kan tlawh a, kan zuk kal dun a, chutah chuan he Assembly Annex hi ka pu engtia lo awm nge i hria em? ka ti a, hre nang a tia,

Aizawl Capital extension atana i tih khan project atanga pawisa lokal a sanction hnukung bera hei hi an sak anih hi ka ti a, a va tha ve hei thil kan lo nei ropui tawh e, a tia ni. Chuvang chuan han sawi ve dawn ila sawi tur hi a tam khawp mai a kan pu achievement vanga vawiina Zoram kalsiamna tam tak te. Tin, hmannah khan khitilaiah bye-election kan han nei a, bye election kan han neihnaah khanin kan neih lai khan Tuiriza khuap tur khan hma kha anrawn la ringawt mai a ni, Mini Hydel Project kha, engtzia nge kan ti a, a hmaa kan tih daih tawh alawm hei hi chu nuai 100 vel a awm a an ti a, hetiangte chu election puan tawh anih chuan kan ti a, election conduct rule chhung kha arawn violate titih a, tin khatianga anrawn ti anih vang khanin Phullen 33 Sub-Station chu kan en ve leh a, a Sub-Station te lah chu pawisa hman, RGGVY atanga an hman leh a hnathawh han en khianin, hetilai hi chu, kan House Leader zahawm tak, kan Chief Minister ni bawk a department neitu hi chuan a hmunah hi chuan en thleng ve se chu a lung chu a si zan lovang mawle, hmalak tur ava tam em tih hi ka ring a ni kati hial a. Khitiang te khi a pawisa sen nena han en chuan a nasa em em mai a. Tin hei PWD ah hian ka bial concerned-ah hianin a tam em em mai a, hei a vai phei chuanin nuai 1830 vel lai District Road-ah te, Major District Road-ah te leh hemi other District Road-ah te min han dah sak hi a lawmawm a. Hei North Vanlaiphai Chekkawn, North Vanlaiphai Artahkawn, Bawktlang an ni leh a ni, Artahkawn hi a sawi tel loh theih loh mai a, hetiang atan ringawt pawh hian tun kan sorkar hian nuai 350 lai te min han dah sak hi kan lawm em em a, tin internal road-ah engemaw zah min dah bawka, tin Serchhip, Keitum, Khawbung, Champhai, Champhai Mualkawi, Biate, hemi Biate-Khawbung ti hian an dah a, hetilai East Lungdar, Khawzawl, Biate han tih lai hi East Lungdar khi, khimi road khi, Biate atanga Km hnih dawn vel khi Khawzawl division-in a huam si a, a bak khi Serchhip District a nia a laklawh em em mai a, khitilai tih dan tur khi department hian an hrethiamlo khawp mai a, hetia population base a delimitation an han siamah khian, keini hi District 3 lai huama awm kan nih avang khian a buaithlak em em mai a, hetah Lunglei District-ah Bungtlang chanve vel khi chu Lunglei District a ni a, tichuan khitah Biate khi Champhai District alo ni a, hetah Serchhip District. Khi khi an buaina lai deuh te pawh alo ni a, khitilai buainate pawh khi min han chinfel sak thei se tite pawh kha ka'n sawi duh a. Nichina demand a kan han sawi tawh ang khan khumi Maicham atanga Thenzawl kalna hi kawng tawi, thui vaklo a ni a, Km. thui vak lovin Km. 10, 15 vel emawin thlen phei theih mai kha a ni a, tin kal pawh a awl a hetia han kal hian, tunah chuan Lunglei road-ah kan lo kala hetah Keitum-ah kan ti a kan let leh ta, hetia kal theih mai na tur ang pawh hian khiti laiah khian awlsam te in, hetah englo lama kal lo hianin a kal theih a, khitilai te pawh khi ngaihtuahnaah min han neih sak ve se tih te pawh kha kan duh a. Tin Khawlailung atanga Hmunzawl khi an buaithlak em em mai a, khi khi nichin khan min chhang chiahlo naa demand-ah kan sawi nawn leh teh ang kati a. Tin PMGSY a kawng la laih loh tihah hian Hriangtlang hi kan nei ve a, hei kan Chief Minister zahawm tak bial hlui hi a ni a, ani pawh hianin a kawng khi ke ten alo kal tawhnate a ni a, Hriangtlang khua khi, khitilaiah an inbawk ve a, engtin emaw tun aia nuamsa zawka an kal dan khi min ngaihtuah sak ve se tih hi ka duh a.

Tin Minor Irrigation-ah hian hei Project 400 chuang vel kan ti tawh a, A hna hi a chhe em em mai a ni, Sub standard deuh vek hi a ni a. Chuvang chuan, Minor Irrigation-ah hian hemi a maintenance tur hi a fund hi dah dan a awm ang em? a thar kan lak zel a, a hma mi a chhiat zel kha chuan a buaithlak em em mai a ni. Zuvazau pawh kha nikum hmasa

kei ngei pawh a hmunah ka kal a, khatiang khan a tihna tur hi a awmlo reng reng a ni. RKVY atangten kan ngaihtuah ang, an ti a, Pu Speaker, RKVY hi hei department 7-ah leh district 3-ah then a ni a, Vaibelchhe 131 chuang a awmin, chutiang chuan an then a.

Tichuan, Agriculture hian a chang hnem deuh ber a, kan kai leh anga, Agriculture a khimi N. Vanlaiphai a tlak-al kawng tih ringawt pawh hi vawi engemaw zah hi kan sawi a, pawisa kan neilo tih hi a ni ringawt mai a. RKVY ah khanin lion share an nei a. Hei, tunah hianin Vaibelchhe 300 vel kan nei leh dawn a ni a, hetah pawh hian engtin nge niang tih kan hre duh a.

Tin, Horticulture-ah hian purun supply-te hi tukinah khanin kan Chief Minister zahawm tak khan MLA te puhchhiatna tur a awm lo, tihte kha an sawi deuh a. Purun supply hi kg1 hi ₹ 5500/- khan an ti a, tichuan, a dang price leh chu ₹ 2500/- te kha a ni a. Purun chi supply-na kg1 man kha a to em em mai kha a ni a. A supply tura an han tihte Mahila President hluite pawh kha an ti thei talo emaw ni. Engtin nge ni a supply a, khami kha enga ti em em nge a rate kha ava to ve? Company a kan zu zawhin ₹ 600/- vel bawr, ₹ 700/- vel bawr khanin purun chi te pawh kha tih theih tur awm lek lek khan a awm si a, khang kha enge awmzia ni ang. Tin, nichinah khan vermy compose pawh kha a production kha a tam hle mai a, 10,100 tih kha a ni a. Chumi rual chuanin a rate kha a hniam lutuk a, ₹ 8 hi chuan a tih theih loh reng reng a, khatiang tur kha chuanin kal ngaihna hi a awm lo a ni. Chuvang chuanin, preferential purchase hemi board-in a alo tih tawh 1994 ang khanin keimahni state chhunga product anih chuanin 15% thleng pawha support price anga pek theih tih kha a ni a. Chutiang angte pawh chuanin Pu Speaker, ti ve in ₹ 12 tal hian lei sak se, tichuan, hlawkna chu ala awm chiahlo na a, mahse, a titu tan leh a thawktu tan pawh ngai leh ngai tluk deuhthawin tlem profit awmin an kal thei dawn a ni a. Chuvang chuan, hei pawh hi ngaihtuah chian a ngai a, kan sawi tawh angin R.D. atangte pawhin tih a ni a, Agriculture atangte pawn, Horticulture atang ten. Chutiang chuanin, wawiinah organic state kan intih tawh lai a, organic manual hi kan encourage loa, kan discourage leh si chuan leh chemical fertilizer hi hmun hrang hrang atanga kan laklul a nasa tih pawh wawiinah kan sawi a. Khang zawng zawng alo tawp theih a, keimahni thangtharte leh khatiang kha wawiinah kan ngaihtuah chian a ngai a. Tin, Horticulture bikah hianin hemi farmer register ho kha engeni an tlai tawh e, an registration tih hun a tlai tawh tiha ₹ 1000 a anva in register turte pawh kha, kha kha engtin emaw late fee-te nena register leh dan a awm ang em? tih kha kan sawi tel veleh a ni a. Hei, sawitur a tam hle mai. Kan Legislative Assembly-te wawiinah an thawk hah a, anni te pawh hi lawmman engemaw pek tha hlein ka ring tihte ka sawi duh a.

Tin, Planning-ah hian Pu Speaker, lawkin ka pu chan ai, minute1 vel chu min pek belh mai teh a tawpna ber a ni bawk a. (SPEAKER : Awle) Planning-ah hian District Planning Committee kha din a ni a. District Planning Committee kha din a ni a, MLA te pawh kha member kan ni ve a. Wawiinah kan la thu chuang lova, kan hmalakna tur hi hre ve lawk thei ila, enge niang tih hi inrawn ve ila tih hi ka sawi nasa a. Chuvang chuan, Planning hi khati khan an ti a, a hming hi chuan a awm mai a, kan ti alawm han tih mai tur hian. Mahse, a tak ram hi a awmlo lutuk hi a buaithlak hle mai a, chu chu kan sawi duh a.

Tin, hemi GAD ka zawhna kha hmannah khanin Helicopter service chungchang minrawn ti a. Vawinah hianin Helicopter service-ah hianin hei helipad siamna tur pawhin Vaibelchhe 300 velah khanin Vaibelchhe 280 leh tih minrawn pe a ni a. Chuvang chuanin, hei hi kan carry on dawn te pawh a ang viau a. Amaherawhchu, Home Ministry-in a minrawn chhutsak dan khami a expenditure zawng zawng pawisa atang khanin a fare deduct leh si a, chumi a fare deduct hnua chuta tang chuanin kan tum ve tur 25% anga hetia a kalchhoh zel si chuan kum1 ah hianin kan pawisa hi vaibelchhe 2,3 vel hi thawh ziah a ngai mai dawn a. Chutiang reng chuan kan kal thei dawn lova, kan sawi tawh ang khanin electric-ah te, buhfai ah te ang khanin, Electric-ah te, Buhfai-ah te, tui-ah te khatianga min subsidy-na zawng zawngah khan kan Budget tel mang lova, a kal rual khan kumtin cheng vaibelchhia 2, 3 vel he Helicopter service ah hian kan hmang chho leh a nih hi chuanin a pawidawn a. Chuvangin 75.25 ang lo hianin 90.10 ang te emaw hianin kan House Leader zahawm tak hian ama portfolio a ni bawk a, nawr teh se tih kha ka han sawi duh a ni e. Hun min pek belh avangin ka lawm e.

**SPEAKER** : Le, i hmang rei vak love, mi pahnih aiawhah chuan. Tunah chuan Pu P.P. Thawla.

**Pu P.P. THAWLA** : Pu Speaker, ka lawm e. Good Friday dawn zan anih avanga kan thahnemngaihnhate hre reng siin, vawinah hian Demand sawina ni hnunung ber a nih mai bakah, kan hotu lian ber berte pahnih Finance Minister leh kan House Leader Demand sawi ni a nih avangin, MDF aiawh leh Saiha District aiawhin han sawi ve talh kha a tul si a. Pu Speaker, ka han sawi hmasak ber duh pakhat chu, Demand 47-na, Minor Irrigation chungchang thu a ni a. Mizoram District pathum kan lo neih thin zingah Saiha District kha Headquarters senior ber zinga mi kha a ni ve a. Minor Irrigation, Sub-Division kan ni rei ta hle mai a. Hmanniah zawhna, chhanna pakhat ka hmuhah khan Irrigation Department tihlen tum a ni, tih a nih avangin Saihaah hian Minor Irrigation Division min dah sak ve ngei ngei tawh turin kan House Leader ka han ngen a ni.

Demand No. 47-naah sawi kai leh ta ila. Hei Aizawl khawpui kawng pawimawh laite chei that mek lai a ni a, Aizawl West lampanga mi cheng te, Taxi emaw, motor emaw neitu zawng zawng leh, a hmangtu zawng zawng aiawha ka han sawi duh em em chu, Vaivakawn atanga Bazar Bungkawin inkar kawng pawimawh tak mai hi tunlai metal road black topping an tih mek lai hian min telh sak ngei ngei turin P.W.D Minister ni bawk, House Leader ni bawk hi ka han ngen duh a ni. A chhan chu he kalkawng hi a pawimawh angreng khawp mai a, a short cut angreng si a. Dam lo tam takten hmanhmawh taka Civil Hospital kan panpuina kawng a ni a, a kawng a mawi tawh lova, a khawkrawk nasa tawh a, chuvang chuan helai kawng pawimawh tak hi tunlaia PWD Department ten kawngpui an chei that mek rual hian min telh sak ngei ngei turin ka han sawi duh a ni.

A dawt lehah chuan, sawmi Colodyne River, Kawlchaw Leilawn bula Kawlchaw luein arawn finna atanga khawthlang bial lampang kalkawng pawimawh tak mai, kawng pawimawh takah sawn leilawn kan nei thin a, mahse, kum hnih khat kaltaah khan tuilianin a hnawl ta tlat mai a. Chuvang chuan kum hnih thum lai chu khawthlang mipui

zawng zawng hian fur chhung zawng hian leilawn neih loh avangin hrehawm kan lo tuar a. Ei leh in leh thildang, engkimah harsatna kan tawk a, hei hi kan sorkar kal lai, kan House Leader leh a changtu Minister ni bawk hian engang nge helai thilah hian hmalaknate a lo nei tawh em ? House-ah hian min hrilh theih se, tih a chakawm hlein ka hria a, chu chu ka han ngen duh bawk a ni.

Saiha khawpuite a thang chho mek zel a, maintenance sumte hi a awm tawh lo nge maw ni, kan khawpui chei thatte hi a awm mang lova, a khu ve hle tawh a. Mipui kan pung chho mek zel dawn a, hengte hi han siam that dante a awm em ? Hemi khu zualna tur, hritlang a tam bawk si, hriselna tichhe thei thil hi a dolet dan tur te, sum leh pai a awm thei angem ? min ngaihpaawimawh sak hram turin hengte pawh hi ka han sawi tel duh hram a ni.

Tin, hemi chungchang thuah Pilot Project kan tih thin, Phura phaizawl leh a chhehvel zawng zawng hi 1975 atanga tan a ni tawh a. Amaherawhchu, 28 lai a kal tawh a, mahse, kawng tha kan neih loh avangin khawthlang bial kuthnathawktute, leilet siamtute tha a thum tlat mai a, ram hmasawna a dal tlat a ni. Chuvang chuan, hemi kalkawng hi PWD hmalakna tur a ni emaw, BRTF a ni emaw kan House Leader-in khawngaihtakin he hna hi pressure nasa tak min neih sak sela, a hma lama kawng tha kan neih theih ngeina turin tih kha ka han sawi duh a ni e.

Tin, Power and Electricity Department-ah hian hei, Saiha District chhunga tui pump pawimawh tak mai, Tuipang Hydel Project kan tih thin kha 1994 atanga tan a ni a. Amaherawhchu, vanduaithlak tak maiin 2011 September ni 22 khan tui lianin a tichhia a. Zawnha, chhannaah hemi siamthat lehna atana ruahmanna hi nuai 160 vel sanction hi nawr mek a ni tih ka hmu a, a lawmawm ka ti hle. Hei hi heti mai hian tawk lo sela chak taka hma min lo nawr sak a helai project pawimawh tak nisi kum 20 dawn lai mai hman tangkai theih loha awm ta reng mai hi a ngaihpaawimawh hle a, helamah hian chak taka kan Sorkarin hma min min lak sak ngei atan ka'n sawi lang duh a. Tin, Tuipang inkar atanga hemi Hydro panna inkar kawngte pawh tunah chuan ngaihsak lohina awm ta a, black topping hmabakin a awm a, hengte pawh hi han tuaitar leha han ngaihpaawimawh thar leh atan a tul hlein ka hria a, chu chu ka'n sawi duh a ni.

Tin, Saiha District chhungah hei khaw tam takah chuan, khawtinah transformer hi dah a ni tawh a. Amaherawhchu a enkawltu tur leh a viltu tur hi MR pakhatin khaw thumte a han vil ta hi kan buaina lai tak niin ka hria a. Chuvang chuan MR 5 vel tal hi chu hemi Tuipang Block emaw Saiha Division chhungah emaw thawktu atan min han sanction sak ve thei ta ula tih hi a pawimawh hlein ka hria a, chu chu ka'n sawi duh bawk a. Tin, Tuipang bial bikah khawthlang lamah hian RGGVY hmalakna chak lo lutuk avang hian khaw tam takah transformer pawh nei lovin, eng pawh nei lovin tun thlengin kan awm a. ZEDA lampangin solar lighting system man tlawm taka min pek thin hi kan tangkaipui khawp a, amaherawhchu, kan duh a khawp lo lutuk a, tun kum kal chhovah pawh hian ZEDA lam atang hian solar tam zawkin tih in, tihen tawh khua kan lo nih pawn a tak takah

chuan chhun lama eng, zan lama thim hi a nih avangin zan lam atana kan lo hman atan solar system hi kan mamawh hle a ni. Chuvang chuan ZEDA lampangin hemi supply hi tam zawk min lo tih sak thei ngei sela tih hi a tul hlein ka hria a, chu chu ka'n sawi bawka ni e. Pu Speaker, khati chin kha ni mai rawh se. Tam tak ka inkhek mai ang. Ka lawm e.

**SPEAKER** : E, i sawi thiam hle mai. Tunah Pu Lalrinmawia Ralte ilo ko ang.

**Pu LALRINMAWIA RALTE** : Pu Speaker, hun min pek avangin ka lawm e. Lawmthu sawinain hman zawh deuh vek theih ka inbeisei. Kan Minister-te Demand-ah hian tumkhat chiah ka la ding a, wawinain hian din loh leh hram dan ngaihtuah ila ka tih rualin ding lo thei lo niin ka inhria a. Lawmthu sawina chang hriat hi Pathian lawm zawng an ti a, mihring lawm zawng pawh a ni tho a, lawmna chang hre lo leh sawina chang hre lo nih ai chuan han din ve ka duh a ni.

Khawthlang lam, Mizoram khawthlang lam hi kan kawngpui dinhmun a tha vak lo tlangpui a. Hei Pu S. Laldingliana, Parliamentary Secretary zahawm tak hian Lunglei atangin Vaisam lamah PMGSY kawngpui laih tur an neih bik thute min sawi khum thin a. Tin, Pu Zodintluanga, Minister zahawm takin Phairuang, Thenhlum, Bunglei road pavement tur an neih bik thute min hrih a, chhuang tak leh lawm takin a sawi thin a. Tin, Pu H. Zothangliana'n, BRTF road atanga Lungtian kawng, i hriat kha, 'kilkhawr takte pawh kha min pavement sak dawn a sin,' tih te a sawi a. Lawmthu an sawi nak nak thin a, nei ve lo angin ka awm thin a. Amaherawhchu, he House zahawm tak atang hian ka'n barakhaih let ve duh deuh a ni. Keini pawh khu lamah, Mamit khawthlang lamah khuan Pu Speaker, kan kawng dinhmun a chhe em em. Kum 2006 chho velah Congress sorkar hmasak lain kawngpui min black-top sak ve a, a zim a zimin. Chu chu enkawltu nei ta lovin a awma MNF sorkar lai khan West Bunglei khua MNF VC President phei chuan Vanglainiah a rawn ziak a. "Tuihleuh thiam lo deuh hlek tan phei chuan kal mai mai chi a ni love," a rawn tih te kha kan la hriain ka ring a. Khatiang kha a nih avangin kan Sorkar hotute hnenah kan Chief Minister zahawm tak pawhin tum 3 lai min rawn tlawh tawh a, mit ngei pawn a rawn hmu a kan din hmunte. Ngenna ngenngawl takin kan thlen thin a, chungte chu ngaipawimawhin tunah hian NEC ah siamthat turin hma min laksak a, Mizoram leh Assam inrina Medili atanga Tuilutkawn thleng KM 88 leh meter 400 a thui, chumi atan chuan tunah hian cheng vaibelchhe 134 leh nuai 70 hmuh niin tender tura buatsaih mek a ni tihte kan han hria hi kan lawm tak meuh a. Thuziak emaw sms emaw "Fakselna" tih velah te rawn lang vak lo mahse he House zahawmtak, Mizorama rorelna sang ber atang hian Pu Speaker, lawmthu ka han sawi a ni.

Chumai chu a ni lova, khawthlang lam Tripura nena kan intlawhpawhna turin tun kan Sorkar kan Sorkar thar hian PMGSY hnuaiah kawngpui Km 20 leh a chanve min laih sak a, chuta tan chuan cheng vaibelchhe 12 dawn lai senral tawh a ni a, khawi maw lai ah a grade te tha tawklo ni a an hriat avangin tunah pawh hian siam that



lehna tura hmalak a ni te hi kan lawm hle a. Heng ti tur hian a hranpain kan nawr hauh lova. Department Official-ten taima taka an enna leh hnathawkte an vil/ven taimakna a zarah a tul lai siam that lehngal tura an han ti leh zel te hi kan lawm em em a. Tin, Teirei dungah Lungmawi atanga Sihthiang kawng km 11 laia thui tunah kan Sorkar thar hian NLCPR fund hmangin min laih sak tawh bawk a, lawmthu kan sawi bawk a. Kawngpui la nei ngailote'n kawngpui tharte kan nei a, a vaibel sawm tel, a za chuang, za hnih dawn telin tlang dung khat leh area khat zau vakloah pawh Sorkar hmalakna kan han hmu Tate hi hun thar kan chuangkai a, min ngaihsaktu, min hmangaihtu hmel thar kan hmu leh ta a ni tih kan inhria a, thinslung takin lawmthu kan sawi a ni.

Tin, Power lamah hian kan dinhmun a tha lo em em thin a, World Cup kal ta final zanah khan kan Chief Minister zahawmtak leh P & E Department Engineer-in-Chief te hmalaknain Mizoram hmun tinah World Cup final en theilo an awm tur a nilo an tih lai khan Mamit District-ah kan en theilova, a pawh hle a. Tu sual emaw vang a ni lova, kan khaw awmdanten a zirlo va, kan hrethiam a, mahse, a thlang leh tlangdung Hachhek tlang dungangahte chuan a line kalna kha ngaw karte a ni a, kan buai hle thin a. Sorkar tirh khan kan hotute hnenah hian kan thlen a, Kolasib atangin transmission line Zamuangah minrawn thlun chhuah sak a, mipui tam tak chuan thil ni ve tur rengah hian an ngai mai a. Luangmual Sub-Station atangin West Phailengah, Mamitah, Zamuangah chuta tanga darh leh thin kha a ni a, a chhiat theihna kawng a tam lutuk a, tunah hian Kolasib lam atangin min thlun chhuah sak vek tawh a, harsatna tam tak karah. Aizawl ai mah mahin khawthlang ber tlangdung Hachhek bialah te khuan Power supply hi a regular zawk tawh a ni. Hei hi tun sorkar tharah kan Chief Minister zahawmtak hmalakna a ni tih hi kan hria a, lawmthu kan sawi a. Tin, Teireiah khuan Hydrel Project ni mai lo deuh flood control atan leh irrigation purpose atan leh Power Generation atan te, compensation awmlodeuh thak thei tur khawpa ngaih hmun tha kan nei a ni tih thu hi kan Chief Minister hnenah hian kan thlen a. Chu pawh chu kan hotute, a thlentute awm lai la lain P&E Department hnenah survey ni rawh se a ti a, hengte pawh hi minrawn tihsak leh nghal dawnin ka hria a, lawmthu kan sawi leh nghal bawk a ni. Kha kha kan Chief Minister zahawmtak, kan House Leader demand-ah lawmthu sawi tur tam tak awm karah ka sawi theih chhun ni mai sela hun a tlem avangin, Pu Speaker.

Tunah, hian kan Minister zahawmtak Agriculture te, Horticulture te, Planning & Programme Implementation te, Finance-te, P & AR te changtu demand-ah hian a bika demand mal zuk sawi lovin he House zahawmtak kal tlanga ka sawi duh chu, Mizorama political party zawng zawng hnenah lawmthu ka sawi duh a. Thingtlang mite hi min hmangaih thin. Inthlan dawna mipui hnena kan thutiam hi Pu Speaker hei ka kawl teuh mai a, a ropui thin a ni. Hei hi inhuatna avanga lo chhuak niin kan hre lova inhmangaihna avang a ni ang tih kan ring. Loan hmang tal pawha kut hnathawktute dinchhuahna tura hmalak an chak thu te an sawi thin a. Thinslung taka tih a ni vek ang tih ka ring. Tin, hetia ral atanga ngaih mai chuan kut hnathawktute dawmkan leh chhanchhuah hi thilawl te niin a lang thin a ni, awm khawp mai ka ti a. Mahse, a tak taka kal dawn hian a har viau a ni, sorkar hmasa MNF sorkar lai khan kum 2001 ah Guideline for Mizoram Intodelh Projects tih hi a lo chhuak a, kan mithiamte kutchhuak a ni a, a tha em em a, ka chhiar ka chhiar thin a. Pu Speaker tunah pawh hian ka kawl reng a, chu chu kum 5 vel lai an han kalpui hnuah khan

26/July/2006 ah zirtawpni chawhnuah Chaltlang Tourist Lodge-ah Chief Minister hova MNF Party O.B thukhawm chuan MIP hi kal dan thar, mipuiin an chhawr tangkai theih dan tur ngaihtuah nise, tiin an rel a ni. Heti khawpa Guidelines tha anga kalpui chho ni anga kan lo hmuh lai khan sum zawn thuah te, ruahmanna a tak taka han kalpui turten a harsa hle a ni ang tih ka ring a. Hei hi sual vang lamin ka rawn sawi lova, thil reng reng hi kaa sawi mai aia a taka tih a harzia tilangtuah ka ngai a ni. Pu Speaker, hmannah kan hotute kiangah ka sawi a, rethei chhanchhuahna hi chu hmeichhe kawr hnuai ang deuh hi a ni ang ka ti a. Hmeichhe 'bra' hi thuamnaw zawng zawng zinga inbel regular ber si mawl ber anga lang, design har ber a ni tih a ni. Engineer-te chuan an hria anga "finite element analysis" an tih hi rocket science-ah te, car design nan te hman a ni. Chutiang engineering leh mathematics level sang lutuk thiamten an design thin a ni; bra hi. Tin, hmeichheho zawng zawng hian an ha sup sup a, mahse hman kum khan India ramah an survey a, India hmeichhia 100 a 80 hian an bra size an hre lo, UK-ah an survey leh a 100-a 70-in an hre dik thei lo tih a ni. Kuthnathawktute harsatna pawh hi hetu hian hriain kan inhria a chhanchhuah pawh hi thiamin kan inhria. Mahse chunglam ruat bikte tan lo chuan a theih loh em ni ang aw tihte hi ka ngaihtuah rum rum a. Tumna kan neih leh kan beih hi a demawm lova, ka fak vek a. Amaherawhchu, lehkha thiam ber an ni e kan tih vang te, tawngkam thiam ber an ni kan tih vangte ni miah lovin, waviina kan hotu, kan House Leader zahawm tak leh a thawhpui Minister rinawm tak takte Pathianin NLUP hmanga mirethei tak takte chhanchhuak tura a tum hnih nana a'n hmang leh tlat mai hi Pathian hnenah pawh lawmthu kan sawi a ni. Hengte avang hian Mizoram mipuiten he Sorkarah hian, a bikin kuthnathawktuten rorelna dik kan hmu a. Rorelna dik chu Amosa a kan hmuh ang te, Amosa hunah chiah Chhimlam Lalrama Isaian a aupui angin, rorelna dik Bible-in a tih chu rethei ngaihtuah a ni, rethei ngaihsak a ni tih hi chiang takin a lang a. Chutiang ti tura hei waviina he House zahawm tak kan thutkhawmnaa Demand rawn neitu, NLUP Nodal Minister zahawm tak demand 5 te leh kan House Leader zahawm tak demand 10 laite hi thinlung leh tihtakzetin ka support a ni tih ka'n sawi ve a ni e, ka lawm e.

**SPEAKER** : Awle, tunge sawi leh dawn? Kan chawl rih phawt dawn em ni? Pu T.T. Zothansanga.

**Pu T.T. ZOTHANSANGA** : Pu Speaker ka lawm e. Tawi thei ang bera rawn sawi ka duh a. Demand 26-na Information & Public Relation tih a ni a, District a kan officer-ten motor an han nei lo hi ka ngaimawh khawp mai a, hei hi min lo hriat sak se ka duh a. Tin, Demand 45-na, Public Works Department chungchangah khanin hei Champhai khi tun sorkarah hianin hmasawna tam takin min han hrut chho mek zel a, hemi a quality control lamah hian leh building lamah khian harsatna kan nei a, Project Division level angin SDO ang tal khi min rawn pe se ka duh khawp mai a, kan duh dan tak khi chuan Building Division kan duh a, amaherawhchu, ala harsa anih kan ring a, khi laia sorkarina hnathawh ropui tak tak a rawn tih thin hei Polytechnic kan han tih te, Champhai College kan han tih te leh

sorkar building pawimawh tam tak khi mumal taka enkawl thei turin SDO level Engineer hi nei thei ila a tha awm mange kan ti a.

Tin, kan kal deuh duat duat anga Pu Speaker, hun a rei lova Demand 39 na P & E Department-ah khanin hei kan vannei khawp mai a tun tum kan sorkarah hianin 132 KV Sub-Station Champhai, Keifang Tlangah khianin kan sorkar tirh atanga ruahmanna kan neih angin kan sorkar chak takin hma an la chhova vaibelchhe 12.32 ang velin ruahmanna kan han la a ni a, tunah khian kan puanngo zawh tawh a Company lamin an tih tur tul ang angte an tih tur hmabak tih loh chu Champhaia kan officer-te an chak a, kan zo ti tih ta deuh mai a chutihruala ka'n sawi duh chu keini khi Zuangtui atangin Bukpui-ah a lo kal kual thin, Bukpui atangin Lungdar-ah chumi zawhah Biate atangin Champhai a la thin kan ni a. Khimi kan han zawh takah chuanin Zuangtui atangin Champhai-in Khawzawl leh Saitual kaltlangin kan lak hi a lo ngai dawn ta a, tunah Khawzawl leh Champhai chu kan tha khat tawh khawp mai a, chutih rualin Saitual leh Khawzawl lai khi tan lehzual deuh hlek ngai a ni a, khilai khi tunah pawh hma an la mek a, amaherawhchu an chak loh vaih chuanin khilaia kan chakna khian awmzia a nei dawn lovin kan hria a, kan Minister a changtu zahawm tak pawhin min lo hriat sak kha ka duh a, ka sawi ni sela.

Tin, Champhai khi District Headquarters kan ni ve a, electric power-ah hianin hmun hma kan nei tha a, kan office lian lian mai khi luah hawh vek mai a la ni a, engatinge henglaiah hian quarters ang zawng pawha hma kan lak loh aw te kan ti a. Hmun tha deuh mai kan nei a, tunah khian E.E in SDO quarters thin kha a luah a, SDO in a hnuailama mite quarter thin kha a luah a khiti khian indaihlo takin tunah khian kan awm a ni. Kan dam ang a, hun thate a lo la thleng ang a, khilayah khian a quarter ang zawng leh office building ang zawnga hma kan lakna tur hmun tha deuh kha a awm a ni tih kha min lo hriatsak se ka duh baw k a.

Tin, Tuipui dungah khian current kan mamawh khawp mai. Champhai chu Leilet-ah khian kan inngat nasa a, leileta kan inngah nasat em em rual khian tui duh angin kan nei tha lova ni. Tui kan neih that loh avang kian tunhma khan kan sorkar hmasa lamte khanin Tuipui tui hi hip a ngai a ni tiin Tuipui dungah khian electric kan mamawh zia hriain ban min phun thlak sak thliah thliah a, amaherawhchu, zo mang silo khian tikhian a tawl leh ti tih deuh mai a, khilai Tuipui dung thlaah khianin nasa thei ang bera electric ban min pek leh kha kan duh a, kha kha ka'n sawi leh ni sela.

Nikumah khanin Mizoram chhungah Office atana mimal In kan luah zawng zawng hi engzatnge ni tiin ka zawt a, ka zawhnaah khan kimchang takin min rawn chhang a, thlatin nuai 20 vel zet mai inluahman ringawtah khan Mizoram hian kan lo seng reng mai kha a lo ni a. Chuvangin, Champhai mai nilo, hmundangah pawh hianin kan sorkar hianin mimal In kan luah tihlem theih dan kawng zawng hian hma a lak chhoh zel hi thain ka hria a. Entirnan, Champhai angah te chuan PWD in hmun kan nei tha a, P & E in kan nei tha lova, PHE-in kan nei tha a, hetianga hmun kan

neih thatnaah hi chuanin mimal In luah hi a tlem thei ang bera hma kan lak chhoh zel kha a thain ka hria a, ka'n sawi bawk ni sela.

Tin, Pu Speaker, MI ah khanin Champhai lam khi kan vannei a, kut hnathawka eizawng kan thahnem a, MI lamah nasa takin min rawn tuam a khawchhak tlangdung kan lawm khawp mai a, kan bialchhungte pawh tunah hian hma lak tharna tur tam tak a awm a, kan lawm takmeuh a ni tih ka'n sawi duh a. Chutih rualin MI hnuaiah hian project pakhat anti-erosion scheme kan tih hi a awm ve a, chumiin a tum chu lui len chang hian a sir a lo min thin a, khatiang ang venhim hna kha a awm thei a ni. Khatiang hnuaiah khan Champhai dung tluana kan lui khi a ngai khawp mai a, ngaihtuahna thar neiin min rawn tihsak leh thei sela a tha awm mange, ka ti a anti-erosion scheme in. Heta a rawn ziah danah pheii chuan Pu Speaker, anti-erosion scheme hi tuilianin leilet a hrut chhiat venna atana ruahman a ni, Mizoramin hmun zawl leileta siam theih kan neihte hi luikam hrula awm an nih avangin fur laiin tuilianin nasa takin a hrut chhe thin a, a rawn ti a. Hei hi Champhai zawlah khian a dik khawp mai a, kan lui kuang khi a hek bei bui mai a, khimi a hma la thei tur khianin kan MI pawh hianin hma min lak sak theih chuanin a tha awm mang e tih kha kan sawi tel bawk a ni.

Tin, Pu Speaker, Horticulture lamah khanin nursery Mizoramin kan uar khawp mai a, register nursery chutiang khatiang kan nei tawh tih te pawh kan sawi nasa a, ka rilrua thil lo lut pakhatatah chuanin keimahni nursery chhuak ngei atang hian Serthlum-te pawh hi a rah kan seng ve tawh em ? a hlawk reng em ? tih te kha ngaihtuahnaah khan a rawn awm a. Private nursery te, sorkar angin hma an lakna chite a awm a. Tin, chutih rualin nursery hi a department a thawkte hian an ngah riain ka hria a, hengte pawh hi enchian deuh a tha lo maw ? a department a thawkten an hralh zawh hma hianin mimal hian an hralh ve hlei thei lo tih sawite hi a awm a, khangte kha rilruah an awm bawk a. Pu Speaker, ka zo tep e. Grape chungchangah khan, Bangalore Variety hi tunah kan ti mek a. Ka bial chhung Champhai khi kan tih nasatna ber hmun a ni a. Helaia department-in a tihchhuahnaah hian, 'Mizorama chin lai mek hi Bangalore Blue Variety a ni a, hei hi wine atana variety tha vaka hriat a ni lova', a rawn ti a. Tha vaklo a hriat a nih chuan ICAR leh Pusa an ti a ni awm e, khangte khan variety tha turin hma an la mek ni ten an han sawi a. Thil tha zawk a awm a nih kha chuan tih vat vat ni se, khilalaiah a thalo zawk chin reng a kan tha a dul hma hian, a tha hi min lo hriih se thain ka hria. Grape hi khawchhak tlang dungah khian kan thatna ve a ni a, mi tam takin eizawnnan leh in leh lo siam that nan leh intunun nana kan hman a ni a. A hmanrua thil tam tak wire kan tih ang chiah te pawh hian nasa lehzuala tan min lo lak sak turin ka duh a.

Tin, Pu Speaker, hei, Green House kan ti a, hei hi 75% sorkarin min tum sak thin niin ka hria a, eizawna tha tak a ni a. Nikum khan hotute pawh ka han zawt a, 25% in tum chuan a theih mai a lawm, an rawn ti a. Khatiang an lo thei reng a nih kha chuan publicize deuh hlek thain ka hria. Green House nei duh kan tam si a, 25% leka mipuiin kan nei thei zel dawn a nih chuan a wide-publication hi department in an neilo em ni aw, ka ti a, kha kha ka ngai pawimawh khawp bawk a. Horticulture hi sorkar hmasa pawh khan Mizoram

chhanchhuahna tura an ngaih, 'kum-3 hnu-a Mizoram chhanchhuahna'n kan la chat a ni' an tih ber mai kha a ni a. Chu chu, khawchhak lamah a lei leh a hmun-hma a tha a, khalaiah khan ngaihtuahna thui tak neia minrawn ngaihsak kha ka han duh a ni.

Hei, vawiin ah hian sawi tur a tam viau naa kha kha ka sawi theih ni mai se la, kan hotute'na demand anrawn pharh hi lawm takin ka support e. Ka lawm e.

**SPEAKER** : Aw le, kan hun a tawp a, kan chawl rih ang a, 2:00 PM ah kan chhonzawm leh dawn nia. Chawl rih ang u.

## **2 : 00 PM**

**SPEAKER** : Sawihona kan chhonzawm anga, sawi turin Pu K.Liangtlinga ilo ko ang. A hnuah Pu C.Ramhluna.

**Pu K. LIANTLINGA** : Pu Speaker, ka lawm e, nia hei vawiinah hianin kan Minister senior te pahnih Demand kan han sawi dawn a ni a, Department 15 lai a ni a, sawi vek sen chu a ni lo anga. Engpawh nisela, Demand No-14-na hi han sawi ka duh a, cheng nuai sing kua (₹ 900,00,00,000/-) lai mai hi evaluation and monitoring ah hian an dah a ni a, Department hrang hrangte pawhin an dawt tlan tur a ni phawt ang chu. Tin, MLA fund atan nuai 1200 te dah a ni a, a lawmawm, tin Planning Department atang hian scheme leh DPR siam that hi a ngai hlein ka hria a, 12<sup>th</sup> Plan ah kan lut chho a, 11<sup>th</sup> Plan chung khan Pi Sonia Gandhi khan, Mizoram tan hian cheng 20, 000/- crore year mark a awm a ni tih a sawi kha. Congress Press Release ngei pawh khan, Pi Sonia Gandhi'n cheng vaibelchhe singnih min pe tih khan an chhuah a. Dik chu a dik a, year mark a ni a. Amaherawh chu heti laiah hian 1/3 pawh hi kan hnuk chhuak lo mai thei a. Chuvang chuan Pu Speaker, ngaihtuah ngun a ngai khawp mai a. Kan Governor Pu Lakhera khan, DPR siam in thiamlo a ni te a ti a, kan Chief Minister ngei pawh khan a han sawi chho a. tichuan, tuna 11<sup>th</sup> Plan chung khan JNNURM ah khan cheng vaibelchhe sangnih sawm pakhat (₹ 2011 crores) vel kan nei a, kum 7 chung atan. 1/3 pawh kha kan hnuk chhuak lo a ni. Chutiang ang chu a nih avangin, Plan & Scheme siamah hian tan kan lak a ngai a. 12<sup>th</sup> Five Years Plan kan kal chho leh a, heta tana thil pawimawh deuh chu, Consultancy Firm tha kan neih a, chungte chuan hna hi an thawh a ngai a. Sum kan han hmuh pawh hi, party induhsakna chu a tul rual rualin, a tha vek kher lova, Firm tha kan rawih a ngai a ni. Amaherawhchu, consultancy firm te hi vai rama mi ni ngawt lovin, kan Mizo tlangval thiamte Business Management a Master Degree nei te mithiam tam tak kan awm a, entiran; SSA a kan hotu Pu Robert-a te ang te kha an tha a ni. Mithiam bik leh engemaw kha. Khatiang khan firm tam tak hi National Level-a consultancy firm-te nen tang ho sela, hnate thawk sela chuan, kan ramah hian cheng vaibelchhe sing tel, 12<sup>th</sup> Year Plan a awm leh turte pawh hi an hnuk chhuah theih ka ring a. Tun tuma Central Finance Minister Pu Chitambaram-a'n Budget a pharhah pawh khan CSS alo kal tur kha cheng vaibelchhe nuai khat leh singnga vel kha a awm a ni. Khatiang ang kha tunah hian kan hnuk chhuak thei a ngem tih te pawh kha ngaihtuah a ngai a. Chung atan chuan Firm tha a ngai a, heng hi uluk taka ngaihtuahin ruahmanna siam nise, State dang angin Chief Minister thate pawh kan neih theih kha a beisei awm a.

Demand No. 32, Horticulture Department Budget chungchanghian, Minor works leh Major works-ah hian 72 lakhs vel an nei a. An budget 22.03 crore vel hi chu hlawha kal tur a ni a. Helaiah hian hmanna tur/hnathawhna tur chu an nei lova. Amaherawhchu, Technology Mission hi an neih avangin an ngaihtuahawm lova, amaherawhchu, he sum hi ngaihtuah ngun a ngai a. MSFAC, Mizoram Small Farmers Agriculture Business Consortium a cheng vaibelchhe zahnih sawm sarih vela an hmanna kha ka dil a, board minute te leh board member te, sanctioning order te leh release order te, tin, an bank account te, khang angte kha ka han en a, a tam tham em a member dang kha an pe lova, keimah chauh kha minrawn pe a, kha kha mamberte pawhin kan hriatthiam a ngaiin ka hria, Document chu ka dawngkim file chhah tak tak ... lai a ni a, nimin lamte khan chiang deuh takin ka han thlir a. MSFAC hian account panga an hawna ah hian, balance hi ₹ 1.58 crore vel a awm a. Amaherawhchu, ka hriatthiamloh chu Pu Speaker, kan Minister pawhin min hrilhfiyah ka duh a. Dt.7.6.2012 khan 21 crore a lut a, Dt. 9.7.2012 khan crore 21 kha withdraw leh a ni a. Tin, Dt.16.10.2012 ah khan crore 12 a lo lut leh a, Ni 14.11.2012 ah khan withdraw a ni a. A interest ringawt pawh kha cheng nuai 13.88 vel a tling a ni. Helaiah hianin a Bank balance chu a chiang mai a. An Bank Account 4 a kha han en khan an pawisa hmanna lai kha a lang si lova. An cash withdraw hi khawiah nge deposit lehna a lang miahlo mai a, tin, hei hi nikum June atanga kumin March ni 1 inkarah khan khawiah nge a awm a, engtingge an dah, private account a awm nge ? fix deposit-in an dah ? tihlan chian a ngaiin ka hria a. Minrawn hrilh theih chuan ka lawm khawp ang a.

Tin, thil pakhat awm chu Technology Mission-ah hian ti zat hi sum leh pai kan hmu a, tin, technical Mission chungchanga ka sawi duh chu tissues culture chungchang a ni. Kan thalai rual University chhuak thiam tak tak hi an tam tawh a. Kan rama thlai tharte hi single crop vek an ni a. Tunah hian vairam atanga thlai kan lak hi a tam em em a, kan vengah ringawt pawh hian kar tin cheng nuai 3 nuai 4 man vegetables kan lalut a ni. Kan ramah hian kan thalai mithiamte hi nursery te, green house te, laboratory te siam sakin double crop-te, triple crop angte pawhin thlai hi kan thar thei ve tawh lawm ni. MSC (Bio-Tech)-te, M.Phil te Doctorate tuna research bei lai mek te te tam tak an awm a. State danga mi thiamte nen thawk hovin, kan thlai mamawh thar chhuak tur hian heng Technology Mission sum tam tak hmang hian ruahmanna a siam theih lawm mi ? Tunah puitling lo mahsela tun atanga kum 5 kum 10-ah chuan a that theih a rinawm a, Kan Sorkar hian hma a la thei lawm ni tih kha ka'n sawi duh a.

Tin, Pu Speaker, Demand 39-na, Power chungchang thuah khan an performance budget leh thil dang chu a tha khawp mai a. Nuai 110650 lai hmanna tur te an han tarlang a. Helaia ka'n sawi duh pakhat chu, privatization process a thil a kalnaah hian JERC khan Eternity partners hi license an pe niin ka hria a. Heng angte pawh hi ka hriatsual loh chuan, chhui chian chuan kum 3 vela upa chauh a ni. Khang khan Mizoram Electric zawng zawng hirawn laka, ruahmanna Mizoram sorkar-te nena siam beisei anih chuan, an mahni pe mai loin keimahni thalaite leh ti theite hnenah hianin Mizo ta ngei siam a, khamite nen khan partner ang te, collorabration leh join venture ang te chuan ti ta sela a lawmawmin ka ring a, A chhan chu khang eternity partner-te kha mi pahnhih khatin emaw

an lo tuipui a, an tih mai a, kan rama electric zawng zawng-te an control a nih pheii chuan harsatna awm thei turah ka'n ngai deuh a.

Demand No. 27-na District Council hi an work programme a tha em em mai a, Lai, Mara leh Chakma te hi. Amaherawhchu, District Council Affairs-a kan sawifiah chungchang direct funding chungchang sawi sawi lo hian, Central atanga Fund lo kal NLCPR emaw, SPA emaw, SCA emaw lo kal kha, kan sawrkar hian rang tak takin transfer mai nisela harsatna an neih loh ka ring a. Tuna an boruak-te pawh hi an ziaawm ka ring.

PWD Demand No. 45 na hi kan sawi leh lawk a nge. Work programme hi a tha khawp mai a, cheng vaibelchhe 400.10 vel hi an siam chhuak a, a lawmawm ka ti a. Tah hian 13<sup>th</sup> Finance Commission te ACA te SCA leh CRF atangte NABARD atangtea an pawisa hmuh dan tur ruahmanin an siam a. Department dangte pawh hian 13<sup>th</sup> Finance Commission leh thildanga an hmuh tur hi work programme siamtha ve se chuan Budget-hi thlir a nuam deuh tur a ni. Hetiang ang work programme hi chu a lo thlirtu tante, han sawi dawn pawhin nuam tak a ni a. Vawiinniah sawi vek seng lo mah ila, Work programme a that thu kha ka'n sawi duh a, tin lawmthu sawi pawh ka duh pah a. Ka bial Bethlehem Vengthlang leh World Bank Road by pass road-ah khuanin CRF atangin nuai 160 in kawng tha takin min siamsak a, Chite Bridge hi NABARD atanga loan lain nuai 275 velin an siam bawka. Tin, kum 3 chhung kan nawr tawh Venghlui to Republic via Hmawngkai, Black topping nimpiniah lawk khan kan zo bawka, a lawmawm ka ti a. Republic Vengthlang to College Veng te, Republic Vengthlang to ITI in kal pawhnate zawh anih avangin a lawmawm ka ti a. PWD, PHE leh Power Department-te nen tun kan term chhunga kan thawhhona tha tak maiah hian chungte chu lawmthu han sawi pawh kan duh pah a.

Pu Speaker, a tawp ber atan chuan Demand No 47-na hi Minor irrigation kha a ni a, tunhma kha chuan work programme kha an siam tha viau va mahse tun tum hi chu an inthlahdul tawh deuh emaw ni, midangin an tihthat thin loh vang hi emaw ni performance budget-ah chuan a lang tha viau a, cheng nuai 13795 lai a lo lang a. Kan sawi duh pakhat chu minor irrigation hi leilet leh thil danga kan inngahna a nih avangin a chhia ang tih hi a hlauhawm a, kumhnih kum thum maia chhe thei a nih avangin fimkhur taka thawh a thain ka hria a, company thaten uluk deuh leh efficient zawka thawh theih dan hi a awm a ngem aw ? tih ka rilruah a awm a, chulaiah chuan kan mithiam tak takte leh kan company thate thawhtir mimal mal hnena semdarh vak mai hian work quality-te pawh hi a tha tawka lo deuh pahin a lang a, central-in min rawn pe nawn leh dawn silova. A chhan chu, min pe tawh a; engemaw chenah min pek nawn leh kha thil harsa a nih avangin rinawm taka kan thawh a ngai a ni. Heng Demand hrang hrangte hi ka support ve a ni e. Pu Speaker, ka lawm e.

**SPEAKER** : Pu C.Ramhluna.

**Pu C.RAMHLUNA** : Pu Speaker, ka lawm e. Hun a tlem si a, point in han sawi thuak thuak kan tum ang a. Demand no.9, Finance Department-ah khan ka ngaihpawimawh pahnih a awm a, pakhat chu pensionery charges kha a ni a, kum 2013 ah khan nuai 5214 kha an

hman lai khan kuminah khan nuai 5124 a tlem ta zawk a, khalai tak kha ka hrethiamlo deuh hlek a. Pension hlawhte chu pung ve hret hret awm tak kha a ni a, a hniam zawnga an han kal ta kha min han hriattir thei sela wind up naah khan. Tin, Non-plan atang leh plan atanga pension hlawh la hi engtin nge ni an classified tu tute nge non-plan-ah la a, tute nge plan-ah la, mimal chuan a har mai thei a, nimahse a procedure a kha chutiangte chu non-plan a hlawh la an ni e, chutiangte chu plan a hlawh la an ni e tih kha sawi theih nise ka duh khawp mai. Tin, DAT-ah hian han sawi ka duh a, government servant ho hi sorkar danah chuan an pension hma kum khatah hian, an pension kha an process fel vek ang a; an pension ruala hlawh la mai thei tura tih kha a ni a, mahse khatiang kha an nilo deuh hlek a, tunah pawh ka bial chhungah pawh khuan pension hlawh la thei lo kum hnih kum thum 2010 a pension tawhte kha an la tang thup mai a, helai hi Pu Speaker, kan Minister zahawm tak khan min lo en sak se thain ka hria a ni.

Tichuan demand no. 13 leh demand no.9 kha kan la kawp mai anga DP&AR leh Vigilance kha. Hmanniah pawh khan PAC ah te pawh kan sawi tawh nghe nghe a, MCS ho BDO leh AO hote vaibelchhe khat leh nuai 96 leh 27,663/- vawiin thlenga an leibat la pe lo hote kha, pek tir dan kha ngaihtuah zung zung a thain ka hria a. Thenkhat chu ban san tawhte an ni a; hna dangte pawh an zawm tawh nghe nghe a, khatiangte kha lo enchian nise. Tin, chubakah chuan Chief Secretary-in 1991 a order a lo chhuah tak ang khan khatiang nei mite kha chu promotion-ah te leh confirmation-ah te pawh khan enchian deuh atan khan a tha a, chu chu ka'n sawi duh a. A dang lehah chuan kan Administrative Institute hi hei ai hian a tihlen theih em aw tihte ka ngaihtuah a. State dang ATI te han kal hian a awhawm riau vin ka hria a, hostel tha tak neiin; Professor tha tak neiin an awm thluah thin a, tin IAS probationery hote leh MCS officer te pawh training-na tlak atana han siam hi thil chakawm tak niin ka hria a, hemi zawng hian engtin nge hma kan lak tihte hriat a chakawmin ka hria a, chu chu Pu Speaker ka han sawi duh a ni. Tin, Pu Speaker ka han sawi duh a chu. Tin, nichina an sawi ang khan Planning board a 900 crores han park vak mai, evaluation atan emaw a han dah leh nghal si hi a tam riauvin ka hria a, evaluation and monitoring tih a ni bawk si a 900 crores hi. Hei hi Pu Speaker, engtianga han hman tur chi nge maw ni ang le ? Chuvang chuan helai hi min hrilhfiah thei sela thain ka hria a. Tin, Pu Speaker MLA Fund hi han sawi ve duh ka nei a, tunah hian 30 lakhs theuh kan nei a, tunah pawh hian kan plan-ah a lang ta a. Hei hi tunhma atanga MNF Party-in a lo tan nuai nga te tea tihpun chhoh kha a ni a. Tun term-ah hian vawikhat chiaa a la pung a nuai nga khan hei hi chu han tihpun deuh a thain ka hria a. Hei tu tute emaw chu kan term tawpna te pawh a ni mai thei a, chuvang chuan a tawpna atana han sem tam ve deuh te pawh hi a chakawmin ka hria, tin, kan hmang tha bawk si a. Chuvangin hei hi chu Pu Speaker Plan an la finalise lo bawk a han tihpun deuh atan a tha in ka hria a chu chu ka han sawi duh a ni.

Agriculture leh Horticulture-ah hian sawi tur chu a tam viau na a, mahse han sawi tam lo ila. A bik takin Horticulture-ah hian sawi ka duh chu nichina an sawi tak ang khan Technological mission-ah hian pawisa hi an ngah viau a, mahse demand for grant-ah te leh work programme-ah te an lang ta vak lova, a hriat theih vak lova, mahse han kal kual hian a lang tam viau a, ka appreciate na em em chu nursery an siam a, an siam tha viau a



department pawhin an siam a, private pawhin an siam a. Private hovin an siam hi tlema enpui a thain ka hria a, a chhan chu engte nge an chin a, engnge chin tur tih te hi department hian an enpui lo deuh hlek ni a hriatna ka nei, hei hi Pu Speaker, lo enchianpui se a thain ka hre bawk.

Tin, Pu Speaker demand no. 27 District Council Affairs hi saawi tam lo mai ila. Ka sawi duh lai tak chu post hi an lo ngah viau mai a, hmannia ka sawi ang khan, post hi 8578 an nei a. Chumi zinga post 6182 hi an fill up tawh a post, 2396 hi la fill up loh kha a ni a. Ka ngaihtuahna hrim hrimah chuan he an post neih hi a tam tham viauin ka hria a, kan ram a zau vak lova, chuvang chuanin helai hi tlema han rationalize theih a ni angem aw ka ti a. Tin, an post la fill up loh te hi engtia han tih chhoh tur nge ni ang tih te hi han enchian atan a thain ka hria a. Tin, an contract hna insem dan hi Pu Speaker, kan House Leader department a ni bawk a enpui atan a tha hle bawkin ka hria a. Tam takah hi chuanin an mahni C.E.M leh E.M ten an insem ta maw tih mai tur a nia. C.E.M an ni bawk a, contractor an ni bawk a, khatiang te khan thil a kal deuhin ka hria a. Hetiang em em hi chu enchianpui deuh atan tlema hetiang hian kal rawh u han tih te pawh hi a tha lawm ni aw tih ngaihdan te a awm a. Kan Dist. Council Area-ah pawh sawn mipui ngaihdan a ni a, chuvang chuan helai hi min lo enpui atan a thain ka hria a ni.

Tin, demand 39-naah khan han sawi ka duh chu light kan nei tha lutuk si lova ka vei lam ami sawi ang khan solar light hi kan hman tangkai khawp mai a. Chuvang chuan solar light hi a tam thei ang bera khua electric-in a tihen pawh hi a eng tak tak thei mang chuang si lova, chuvang chuan chungte pawhin an hman theihna tur atana arrangement siam saw a tha lawm ni aw tihte ka ngaihtuah a. Tin, transformer hi duhthusam an nei lo tawp mai a kan buai thin a. Chuvang chuan transformer-te pawh hi tam deuh nei thei ta sela tunah pawh hian hei kan demand min pe hlei thei lova pawi ka ti a, sub-station te pawh hi Bungtlang South-ah khan dah in tum tih te pawh kan hria a chungte pawh chu enge a an tak tihte ka zawt duh bawk a ni.

Tin, Pu Speaker PWD-ah khan tukin zingah khan chhanna ka hmu tawh a ka lawm hle a, Vathuampui kawng estimate siam a ni tawh a, a tih theih mai awm a sawi te kha ka lawm hle a, hma min lak chak sak tur pawhin ka request duh a. Chumi rual chuan Bungtlang atanga Hruitezawl kawng tunhma a NEC laih tuna kan hman saw a chhe em em tawh mai a, saw saw a tihthat deuh dan min ngaihtuahpui ula, saw kawng saw kawng pawimawh tak a ni bawk si a, sawngte pawh saw min han tihphuisui sak deuh atan a thain ka hria a. Hei SPA 200 crores lo chhuak mai tur atan khan kan thlir a, a lang ve bawk si lova. Hengte hi min tihhlawhtlinn sak thei se a thain ka hria a, mipuiin kan hman nasa bawk si a. Tin Chawngte atanga Vaseikai PMGSY road tuna an laih mek hi, hei aia chak deuh hlekin hma a lak theih lawm ni tih ka ngaihtuah a ni. A hla vak si lova 40kms vel a ni mai a, ka hriatsual loh chuan. Khatiang kha a ni a. Chuvang chuan helai kawngte pawh hi potential area a ni bawk si a. Chuvang chuan tul ka ti hle a, ka'n sawi kual duh a ni.

Tin, GAD ah hian han sawi ka duh chu kan airport hman man hi Air India leh Jet Airways hianin engzatnge leibat an neih tih te hi hriat a chakawm viauin ka hria a. Tin,

chubakah chuan Airport hi AAI ah hian hlan tumna a awm em, an hlan dawn anih chuan eng condition-in nge an hlan dawn tihte hi hriat a chakawm ve hrim hrimin ka hria a, chu chu ka'n sawi ve a ni e. Ka lawm e.

**SPEAKER** : Awle Pu RL Pianmawia.

**Pu RL PIANMAWIA** : Pu Speaker ka lawm e. Demand no 15-na GAD-ah hian ka'n sawi tan anga. Hei ka bial Sakawrdai khi SHDC Council Headquarter anih mai bakah inremna avangin SDO Civil dahna a ni a. Thawktu indaihlohna avangin BDO nena kawp tir a nih avangin mipuite tan duh ang hun hunah a dawr theih loh a. Chuvang chuan tunah hian MCS kaisang turte hemi luah thei tur kha an awm thei awm mange aw tih ngaihtuahna ka lo hmang a. Kha kha a remchang anih chuan min ngaihtuah sak turin ka duh a. Tin Lengpui Airport tihchangtlunna tur leh helicopter service chungchanga hmasawna tur demand a lo lang kha, a lawmawm hlein ka hria a. Tin, chutih rualin helicopter service hi tun maiah la tihtheih loh mahse Darlawn khian helipad kan nei ve a, tunhma pawha a tumna thin. Chu chu a cheithatna tur ruahmanah khan a la tel lo na a, plan la final lehna turah khan a remchang thei anih chuan Darlawn leh Sakawrdai a te min tihsak se. Tin, Sakawrdai pheih chu tun inthlan dawn khan BJP President lian ber kha a rawn tum a ni.

Tin, demand no 39 Power & Electricity-ah hian, Congress kan sorkar hmasak a Pu CL Ruala P&E Minister anih term tawp dawn cabinet meeting-ah Darlawn a sub station dah turin mi an pawmsak a. Chu chu kan chawlh tak avangin sorkar kalta khan a chhonzawm a. Mahse an sorkar chhung khan tihpuitlin theih lohin mumal lo deuhin a awm a. Tun sorkara tihhlawhtlin an ni ta hi a lawmawm hlein ka hri a. Darlawn mai bakah Sakawrdai-ah sub-station min buatsaih sak leh a. Hei hi hawn theih mai tura ruahman a ni hi lawmawm ka ti a. Tin RGGVY hmalakna a khua la tihen loh te an khawngaih thlakawm hle tawh a. ZEDA atangin solar-te an han pe ve thin tak na a, duhthu a sam lo em em mai a. Heng la hmabakna Chhanchhuahnakhawpui te, Sunhluchhip te, Zokhawthiang te, Mauchar te, Palsang te ah hian la tihen loh a ni a. Heng hmalakna hi theihtawpin kan han ngaihven ve thin a. District level a DC hova hma kan laknaah pawh hian a sawt lo hle a. Chuvang chuan kan sorkar hian thapui thawhin electric la en lohna te hi eng thei tura hma min laksak turin ka ngen duh bawk a.

Demand 45-na PWD ah. Hei kan bial hi kan vannei hle a, kawngpui tha chungchangah pawh session hmasaah kan Chief Minister khan a sawichhuak nghe nghe a, kawng chhia sawi sawi chu Darlawn kawngah kal mai tur a ti a. Tiang khawpa kan House Leader-in a chhuan leh a hriat a kan awm thei hi vannei kan inti a kan lawm a. Chuvangin kan PWD te hian bul min khuarsak nasa em em a kan lawm hle a ni. Sakawrdai to Zohmun kawng black top hna thawh mek a ni a. An thawhdan en chuan a nghahhle a awm hle mai a, chak zawka an thawh theihna turin an bukhuarnaah hian a lal chin CE te pawh hi han awm se hna pawh a chak zawk kan ring a ni. Tin, black top la hmabak North Serzawl leh North Tinghmun te hmabak a ni a. Tin, Silchar pawh theihna tur hma min lak sak mek niin kan hria a kawng survey-na pawh an nei tawhin kan hria a lawmawm hle a ni. Tin, Tuivai Lei dawh leh tura rem min ruat saknaah kan House Leader chungah lawmthu ka sawi a. Central Sorkarin annual plan-ah min telh

sak duh tawh lo kha tunah min telh sak leh hi tihpuitlin leh thuai ni sela, Manipur nena kan inkalpawhna kawng pawimawh tak anih avangin min hriat sak leh se ka duh a. Supply Inspector quarter tur Sakawrdai min sak saka SDAO quarter Darlawn-ah min sak sak bawka, an sa zo tep tawh a kan lawm takzet a ni tih ka'n sawi duh a ni.

Tin, Demand No.47 MI ah hian, ka bialah hian hmalakna a la tlem khawp mai a, Pehlawn kan tih leh Tuiphu E.Phaileng ami khi a ni mai a, chuvang chuan bial changkang lo kan la ni tih a hriat mai a. Chuvangin changkan lehzualna turin Kaniphai leh Ruangvaphai Darlawn ramah te hian hmachhawp min neih sak turin ka rawn ngen duh bawka a ni.

Demand No.13-ah hian, tunlai chanchinbuah pawh kan hriat tam ber chu sorkar hnathawkte an awmna turah an awm tha tur a ni ti hi a tam em em mai. Hemi sutkianna tur hian ngaihtuahna kan hman a tulin ka hria a, District headquarter hi chuan hetiang hi an chhuah ngai pawhin ka hre lova. Kan bial hi Aizawl district changkang tak hnuaiyah changkang lo takin kan la awm avang hian ngaihtuahna min hman sak ka duh a ni. Darlawn hi chu notified town a lo ni tawh a, a ziaawm deuhva, Sakawrdai leh a chhehvelah hian ke penna tur ala tam em em mai a. Chuvangin Sakawrdai hi notified town a min puan saka hma chak zawka lak theih tura tan lak dan a awm theih chuan pawimawh hlein ka hria a. Chumi atang chuan hmasawmna tam tak alo kal thei dawn a ni. District headquarter hi Darlawnah kan beisei ve a hei hi hun remchang hmasa ah sorkarin ngaihtuahna min neih sak se ka duh a. A chhan chu tunah hian chhim lamah a awm a, khawthlangah a awm a, khawchhakah a awm a; pakhat a la kim tlat lo mai a ni. Hmarlama district headquarter kan dah ve loh chuan kan lam thiam dawn lova, kan lam bai reng dawn avangin kan hotuten min hriatsak se ka duh a. Khi lai area hrim hrim hi Manipur depa awm a, hel tawmkuk Khualbuk Vengtu ang mai khan sualin min bawm reng an tih ang deuhvin hel hovin a bawm reng theiha awm kan ni a. Chuvang chuan vengtu lamah pawh hian tan kan lak a ngai hlein ka hria a ni. Sorkar kal taah khan police battalion hmun turin Darlawn ram Khumlohawzawl chu endik a ni tawh a, hei hi Mizorama an endikah pawh an duh ber a ni tawh a, a hmun tur pawh kan khawthlang hruaituten tun thlengin an zuah reng a, BRTF camp hmun hlui a ni a, Helicopter pawh tum dawn se tum theihna, tuiah pawh harsatna a awm lo a ni. Chuvang chuan khilai khi Police Battalion headquarter-ah awm sela, company headquarter hi Sakawrdai-ah dahin Vaitin, Zohmun leh New Vervek kan tih te saw sipai tam zawk an dah khan khilai mipuite ralmuanna tur atan leh Mizoram pum ralmuanna tur khan tangkaina tam tak a nei dawn a. Chuvang chuanin, Administrative Reforms hi kan mamawh hle niin a hriat a. Chutiang chuan kan hotuten ngaihtuahna min lo hman sak a, a theih hunah chuan District Hqtr ngaihtuah niah pawh hawrawp kim lo, Chhim, Khawthlang, Khawchhak a awm tawh si Hmar tih awm lo kha min lo hriat sak se ka duh a.

Tin, Demand No. 31, Agriculture-ah hian ka'n sawi duh chu NLUP hnuaiyah hmalakna hrang hrangah hian fakna tur hlir a ni a. Mirethei zawk-ten an lei theihna turin Power Tiller subsidy te pawh eng Sorkar mahin an tih ngai loh a hniamin min tih sak a.

Hetianga hma min lak sak hi lawmawm hlein ka hria a. Ka'n ngen duh erawh chu SDAO hmun Darlawnah a awm ve a. Tahkhian a thawktute awm tha rawh u pawh ti dawn ila, quarter khi luahtlak a awm tawh lova, Office te pawh luahtlak a ni tawh lova. Chuvang chuan, khi mi siamna tur chu ngaihtuah ni thei se a thain ka hria a. Khatianga a mal te tea ngaihtuah a harsa a nih pawhin, District Hqtr. dah a nih chuanin khang zawng zawng kha sawi nawn a ngaih ka ring lo tih ka'n sawi nawn duh baw k a.

Tin, Demand No. 32, Horticulture-ah hian hmalakna Mizorama la awm ngai lo, a hmasa ber atan ka Bial chhung New Vervek-ah Kangdam hriak her chhuahna khawl min han dah sak a, a lawmawm hle a. Hei hi tunah pawh Mizoram tieng turin, hmahruaitu turin kan Department-ten min chhawm nun sak zel a. Nasa zawka hma min lak sak chuan, ka Bial atang khian Ram pum tana economics a kan changkan theihna tur kan rawn thawk chhuak zel dawn a ni tih ka'n sawi duh a. Chuvangin, Sorkar chungah lawmthu ka sawi takmeuh meuh a. Kan Demand te hi a vai hian lawm takin ka support takmeuh meuh a ni tih ka sawi duh a ni. Ka lawm e.

**SPEAKER** : Tunge sawi leh dawn ? Dr. R. Lalthangliana.

**Dr. R. LALTHANGLIANA** : Pu Speaker, ka lawm e. A hmasa bera ka'n sawi duh chu kan Legislative Assembly Demand No. 1-naah hian i kaihhraina hnuaiyah engemaw chen kan harsatnate pawh phuhrukin kan awm niin ka hria a. Kan Dy. Speaker hova Budget Committee kan thut khan ruang phurhna Ambulance lei nise kan ti a. A takin kan lei a, kan hmang tangkai khawp mai a, amaherawhchu, chan a har a ni. Vawithum vel chu ka chang hman bik lova, thi kan tam a nih ka ring a. Term thar lo awm leh turah khian pakhat dang te chu lei leh a tha mai thei a. Tun Term erawh chuan a rei tawh lova, kan hman lo turah ka ngai a. Mahse, lawmthu sawi pahin tangkai ka ti a.

Tin, kan Session a rei ta viau a, kan extend leh dawn te hian kan han hre deuh leh nghal a. Kan staff te an hah a, an thawk nasa em em mai a, zan rei tak tak thlengin. Kum danga kan tih ang baw k a, honorarium kha kan tihsak leh theih chuan tihsak ila thain ka hria a. Anni bakah hian tih dan te awm thei se chuan, kan Session tawpna a ni tawh baw k a, PSO te leh Driver te pawh hi an hah tel ve zel baw k a ni. Garage velah khuanin muthlu lawp lawpin zan dar 8:00, dar 9:00 vel te an thleng ve a ni a. Tichuan, ka duh thu a sam lohna deuhhlekk chu Pu Speaker, nang pawhin i rawn en tawhin ka hria a. Helaiyah hian Recess Room kan nei a, keini MNF MLA te ho awmna hi. Kan PWD hotute pawh an lo kal thin a, mahse, Term tawp thlengin ek in leh zun in nei ta lo hian kan tawp dawn a ang khawp mai a. MLA tharte la awm leh hun atan tal hian hma lak chu a tha khawp mai a. Kan sak dan hi a fuh lo deuh nge ka hre lova. Kan Ruling lampang pawhin inthiarna an nei mumal bik lova, helai hi chu rei tak Session loh chawlh chhung hi chuanin rem hre deuhin en leh chu a tha mang e tihte kha ka'n sawi duh a ni.

Pu Speaker, I&PR ah hianin Journalist Welfare Fund hi Sorkar hmasa hun lai khanin kan chan lam te pawh a lo ni baw k a, Budget-ah allocation fel tak neiin, Budget head-ah kan dah a, a lawm pawh an lawm a. Hamthatna engemaw chen kan chanchinbu miten an

nei kha a lawmawm ka tihpui khawp mai a, chumi rual chuan a kawng hi kan la zawng hmu zo lo nge ka hre lova, a next step tur atana an mamawh ve pakhat chu engemaw Sorkar hnathawk ang pui pui nih loh pawhin pension ve theihna ang deuh kawng hi chu dap sak a tha hlein ka hria a, kan Chief Minister berin I & PR a la baw k a, ka, n sawi sak duh a ni. Tin, Press Tour kan tih hi pawngpaw zin ngawt hian an ti bik tawh lova, Study Tour ang zawng hian an zin tawhin ka hria a, North-East te leh India State hla tak takah te an zuk zin a. Tin, Mizoram chhungah te hian zin tam se a tha ka ti a kan chanchinbumi hi. Heta tana an sum mamawh tur hi awmze nei tham deuh hlek hi lo la kal zel turah hi chuan dah thei se tih hi ka duh sak ve khawp mai a, ka'n tarlang a ni.

Minor Irrigation-ah hian, tukinah chanchin ka dawng a, amaherawchu, a hmuna kal te kan nih loh avangin ka confirm lova. Thil hriat duhawm vak loh, tui thil Minor Irrigation Project, Champhai District-ah khian darkar 350 Land Development hnuaiah hna a awm a, Rulling Party Workers te contract-in pek an ni a, thawk mumal vak lova insem mai mai tur ang deuha innawrna a awm a, a pawl khawp mai a, hei hi enfel thain ka hria a, Tin, MI Staff te hi an indaih lo nasa hle a, tunah hian ka hriatsual loh chuan SA kan tih ang hi 2011 khan 12 an promote a, an hmun ruak hi dah khah ni lovin ka hria a, hei hi a pawimawh khawp mai a. Department hi tunah chuan hei MNF Sorkar laia kan siam kha a ni a, a changtlung chho tawlh tawlh a, mahse a la taw k lo. Ram puam dapa in zar pharh an nih avangin an Staff indaih lohna ang chi hi enfel a thain ka hria a. Tin, SDO post pawh a ruak 3 an la nei niin ka hria a, District tina in zar pharh hi a pawimawh hle mai. An Department hi Agriculture-te, Horticulture-te, Forest, Soil, khang zawng zawng minrawn tiphui suite/minrawn supplement tu anih avang hian a pawimawh riauvin ka hria a, kan Minister-in helai hi engemaw sawi tur a neih theih chuan kan lawm khawp ang.

Electric-ah hian tawite kan sawi duh chu bial lam a hawi loh theih lova. Nikum leh nikum hmasa ka buaipui nasa em em a. RKV tih vel hnuaiah khan generator chhia kha thlak dan kan ngaihtuah a, a thla tel teh meuh mai Company nen kan inbia a, kan ti hlei thei lova, an han vuah thin a, a puak a, a chhe zel a, ka tibuai khawp mai a Electric Department pawh. Mahse, anni khawih a lo ni baw k si lova, helai hian khawngaihtakin full capacity transformer hi Buarpui leh a chhehvel daih tur ang chi hi pechhuak thei tur hi tih kha ka'n sawi duh a.

Tin, chu lo leha chuan Pu Speaker, thil lawmawm vak lo, sawi loh theih loh baw k si, kan DP & AR Minister hriat tur deuh hlek atan te pawh khan ka'n sawi lang duh a. Demand No. 13 denchhen hian han sawi ta ila. Group 'A' te transfer leh posting chungchangah thil serious, pawl tih deuh mai ka neih chu January ni 3, 2011, kumin khanin notification Higher & Technical Education Secretariat lam atang hian a lo chhuak a, No. A 22018/4/12 – Hte 6-ah hian Lunglei J. Buana College kan tih, JB College-a kan Lecturer, kan Assistant Professor an sawna leh kha hi a fel lo ka ti a, sawn a tul ta viau a nih a, loh theih loha kan sawn ta a nih loh chuan, a post nen kher kher maia kan sawn hi hriatthiam a harsa khawp mai a. A lehkhathu a hi nidanga tute emaw attached-a kan han dah ang chi lo deuh mai hian an ti a, In the interest of public service, the Government of Mizoram is pleased to transfer 1 (one) post of Lecturer, Department of Public Administration, Government of J.

Buana College created vide chumi khami MNF Sorkar lai ni 31/10/2008-a Lunglei JB College tana kan siam liau liau kha Hrangbana College-ah sawn a ni a, Hrangbana college-a sawn a kha kan va thik ni miah lovin, a post nen em em a hetiang a tih hi a pawl khawp mai a, hei hi ennawn leh ngei ngei a thain ka hria a, a fel lo ka ti. Tute emaw harsatna nei kan sawn a nih pawhin post nena insawn hi chu a na em em bik a ni. Chuvang chuan Lunglei District tana thil tha tam tak min tih sak tana thil tha tam tak min tihsak thenkhatin kan han sawi lai khan kan lungawina hi a kim lo deuh a ni, tih kha ka sawi duh a ni.

A dang lehah chuan Pu Speaker, hei Hnahtial playground hi kan sawi duh lai chu Planning & Programme Implementation nena inhnawh deuh kha a nihna lai a awm a, NEC atang hianin cheng nuai 90 zet mai an hmu a ni. An hmuhna a rei tawh a, vawiin thleng hian la hman a nilo reng reng a, P & E quarter 4 an thiat tawh bawk si a, a fello khawp maia hei hi enchian a thain ka hria a. Tin, hun hmasa lama kan han sawi zawk, Account & Treasuries trifurcate a tul zia leh a tuah tawh zia hi min lo hriat nawn sak leh sela ka duh a, tin, chumi rual chuan hemi kan Account & Treasuries hianin vawiin thleng hian anmahni puala office an la nei theilo hi pawl ka ti khawp mai a, chu chu ka'n tarlang leh duh a ni.

Tin, hei Finance tih leh Planning chungchangah hianin, DPR te, project te kan siam thin a Department hrang hrangin, amaherawhchu planning an han prioritize hianin, thil tul em em awm a kan hriat a dang tul vaklo, khulamin tam tak kan thehluh lai khan, in ngaihpawimawh dan indawtin rawn ti rawh u, an ti si a, khata in ngaihpawimawh dan indawtin rawn ti rawh u, an tih khan Planning lampang hian engtin nge kan lo tih thin ka hrelo a, hei ka bialah Buarpuiah tui harsatna ka sawi zing em em tawh a, PHE hian thahnemngai takin hei project te min han siamsak a, tah chuanin Planning-ah an han thehluh thin a, a hmu lo pawlah khan an tang zel maia, cheng tam pawh a nilo a, crore 3 emaw a ni a, kan mamawh hi, tikhan kan tang zel maia, chutih lai chuan tul vaklo ka ngaihte khung an ni leh lawi si a, helai hi nakin zela kan kalphung dan turah hian heng hi chu a pawimawh dan tak tak priority kan siam hianin kan en fo hi avan pawimawh em, ka tia, ka'n tarlang leh duh a ni. Hei Planning-ah khanin pawisa kha kan dah teuh maia vaibelchhe sang 9 leh 553 zet mai kha dah a ni a, chutihlaichuan nikum plan size khan kal tur kan han ti chho a, tahchuan kumina kan budget sawi hi Pu Speaker, thiam a har em em mai a ni. Kan plan hi engtik nge kan final dawn tih ala Chiang miahlo a, nikum khanin niminpiaha ka sawi ang khanin, kan plan size min final pui kha kan Chief Minister te leh Deputy Chairman, Planning Commission khanin 6<sup>th</sup> June a nia, State thenkhat te chu July thlaah te plan size kha an hre chauh mai a ni. Tunah hian rin thil thuin kan han pass dawn ta a, amaherawhchu, a tak tak rama kan hman hun tur lai hi kum chawhnu lampangte a nih chhoh a, inthlante min puan hnan chuan vawiina kan sawi tam tak hian awmzia a neilo mai awm mang e aw ka'n ti a. Entirnan, nikum khan 6<sup>th</sup> June khan kan plan size kan han hria a, kan han puang ta a, mahse hei tun hnaiah thil lawmawm vaklo lo awm leh ta chu, vaibelchhe 2300 a nih lai khan tun hnai lawka kan hriatah chuan, road, kawng atana kan lawm em em maia, kut kan ben dur durna, vaibelchhe 200 kha min han cut sak leh ta a, tunah tak hi chuan kan hmang thei tlat lo. Amaherawhchu, kan Chief Minister ten hmalak leh chu an tum tih chu kan hre tho a, khatiang an han paih kha chuan tuna, naktuk tuk leh lawka kan budget kan Financial year tawp mai turah khian kan allocation dik tak Financial year tuna ral mai tur thleng kan han neih chu

vaibelchhe 2300 niloin vaibelchhe 2100 tihna alo ni a, sawisual kha a awl em em mai a, chuangchuan, heng hi a pawimawhin ka hria a, kawng lehlamah chuan sawithiam pawh a harsa khawpin ka hria a. Kan department tam tak hian nikum te, nikum hmasa budget an pha lo kan tih kan tih a, helamin kan han sawi hi huatah lo neilo ula, an phalo tak tak a, nikum hmasa phei kha chuan department 40 bawr vel khanin Mizorama department 48 awmah khan 40 khan an phalo tak tak a ni. Kuminah hian tun a tentative deuh maia budget kan han siam leh hian, Budget kan han siam leh hian Department 20 bawr hian nasa takin an han pha lo leh a, Department in hna han thawh a hma han lakna tur hi a har em em ringawt mai a ni. Chumiin effect tam tak a neih kan sawi fo thin hi kawng lehlamah chuan plan holiday an puang ngam lo naa an nei a ni ringawt tak tak. Chutiang harsatna chuan vawiinah hian Mizorama Department tam tak hi a khawih tih hi ka'n sawi nawn leh duh a. Hei kum 2013-2014 a kan kal chhoh leh dan turah pawh hian sawi lawk thiam a har ta em em mai a, nichina kan han sawi ang khan. Chuang chuan Session hi kan nei leh dawn ta si lo va, engtin nge ni helaiah hian kan kal zel dawn tih hi ngaihtuah tham tak a niin ka hria a.

Hei M.R, Work-charge a thawk te hi, a bikin vawiina kan Chief Minister portfolio, a department chanah hian a tam em em mai a. Nimpiniah vela kan hnena han sawi phei chu kum 20 kan thawk tawh te an ti a, Elctric department-ah te, PHE-ah te, PWD-ah te an tam em em a ni. Khang ho kum 20 tel lo thawk tawh regularize hlei thei lo khawpa kan han awm te pawh hi a mangan thlak hlein ka hria a.

Tin, ECCE Teacher kan han ti mai a SSA hnuaiyah hian, sorkar hmasa hunlaia lak kha District tinah 50 theuh an awm a, tunah hian a vaiin 400 vel an ni a. Tunah hian pawisa a awm tawh lo ti a ban mai tur angin thawm ri vate a awm a, an khawngaihthlak em em a ni. Nupui pasal an nei tawh si, kum 7 kum 8 vel an lo thawk tawh si. Kawng lehlamah chuan zirtirtu indaih loh kan sawi kan sawi laia an thawhna hmun pawimawh bawk si, a thawk tha hlei hlei an nihna lai kha a awm bawk si a. Chutih karah chuan khangte kha heng hian a nghawng ni te hian ka hria a. Chuang chuan vawiinah hian heng hi kan en tel a pawimawh hlein ka hria a. Ka biala thil pakhat ka'n sawi lawk duh chu, ka bialah hian khua 20 dawn lai a awm a, Buarpui khua khaw pawimawh berte zinga khawthlang lama kan ngaihah chuan kawng khu a chhe rapthlak lutuk a. A khawpui kawnglai chauh tal khu chu Thenzawl atanga Buarpui kawng, tukina zawhna ami kha December thla kuminah kan tan ve theih kan beisei tih kha chu kan nghak thei tawh lovin ka hria a. Hei hi kan Chief Minister-in khawngaih takin heta tan hian sum tam tak kan mamawh em em pawh a ni lo bawk a, a hma lamah min tih sak sela ka duh khawp mai a. Khami Project-in a ken em em loh te pawh khan tih dan kawng a awm turah ka ngai a ni.

Chuan hei Pu Speaker, kum li leh a chanve dawn lai helaiah hun kan lo hmang chho mek ta a, kan Assembly Secretariat-te hi an fakawm a, an proceeding kan thusawi ang chi reng reng hi correction of speech kan han pelut anih ngat chuan tunhma ang lo tak mai khan reilo te teah a buin minrawn chhawp chhoh sak thei te hi a lawmawm ka ti a. Hmanni chu kan keu a, kan en thin a, a bik takin tun kan term chhungah hian i dinglama miten an thusawi tam ber an sawi deuh vek ni a ka hriat chu, sorkar hmasa han pir deuh at chi hi a tam em em mai a, ka underline a Pu Speaker, ka underline vek a ni a senin, a lo tam viau mai a.

Kawng lehlamah chuan sorkar leh mai turah hian an hmu ve mai ta nge ni a tir atang phat khan heti tak mai a tawngkam a va tam em ka ti a, ka hmu a. Kawng lehlamah chuan ka haw miah lo va, amaherawhchu, kan thil sawi thenkhatah hian sorkar hmasain engmah a ti lo, a tichhe vek tih vel tawngkam kan hmang te pawh kha ka lai a na ve deuh hlek a. Sawi tur tam tak a awm a. Tin, House-a thu ve tawh lem lote kan hotu hluite an lo nihna kawngah dema sawi chhiat, khatiang thil tam tak lutuk hi hun lo la kal zel turah hi chuan ching em em tawh lo ila chuan a tha awm mange aw tihna ka nei a. In dem hman kan ni lo ve, ni a lo kiam sawt em e tih ang deuh khan hun tlem te kan nei a, a indem zawng hian hei tun Session-ah phei chuan khatiang zawng boruak kan nei em em lovin ka hria a, han ti leh zeuh zeuh phei chu kan awm a. Inthlan dawna kan Manifesto neih te, tuna kan sorkarna chelh mektute pawh hian enchian fo hi a tul. Hei hi inbeihna lam a ni miah lo, dik tak chuan kan Session hmasa deuh berah khan Mega-park te pawh kha sawirik a ni a, vaibelchhe 60 kha, a van lawmawm e kan ti a, opposition mah ni ila kut kan lo beng ve a nia. Mahse wawiinah chuan khang zawng zawngte kha a lang leh ta mang lo va. Chhim lama Airport kan neihna tur atana Resolution meuh kan han pass ang pawh boruak engmah wawiin thlenga la awm thei lote. Tin, thingtlang inkalpawhna chhe lutuk wawiin thlenga harsatna lian tak mai kan tawh, sorkar hmasain kan laih tlang deuh vek tawh, black-topping leh metalling leh hetiang mechanize lampang wawiina hnufum lutuka min la kalpui ang chi te. Tin, kan Mizo thalaite pawnlawi mai mai a tihlawm tumna ang chi nilo, a tak ram Mizo thalaite hi kan future asset an ni tih hriatna tak tak nen a, Sport lamah a ni emaw, kawng hrang hrangah, a tak tak rama ramin a chhawr theih tur, nu leh pa tam tak pawhin an nghahfak, an lo beisei, sorkar anga kan lo tih theih tur ang kawng hi kan ngaihtuah tak tak a pawimawhin ka hria a ni.

Pu Speaker, a tawp berah chuan hei kan demand hnuhnung ber a pawimawh lai ber te pawh a ni kan Chief Minister-te leh kan Finance Minister chan te kan han sawi a, helaia ka'n sawi duh chu, political will hi a tak tak ram hian i hmang ang u tih hi ka duh khawp mai, political will, Zoram mipuite hian wawiina kan session hi min en a ni, kan tih tak tak leh tih tak tak loh hi min thlir a ni tih hi kan hriat nawn leh hi a pawimawh khawpin ka hria a. Chuvang chuan mipuiten min thlir a, chik takin kan budget kan pass-ah hian ram thil tak tak khawih awm ? Chhenfak awm enge awm tih hi wawiinah hianin min thlir a ni. Chuvang chuan a rulling kan ni emaw, opposition kan ni emaw, chumi min thlirna zawn chu kan hmuhfiah thiam a pawimawh hlein ka hria a, chuvang chuan kan sum wawiinah engzat nge kan hmuh dawn chiah chianglo rih mahsela, kan hmuh ang ang kan hman tur lo awm tur hi tha tak leh awmze nei tak leh tangkai taka hman hi ni thei se tiin duh thu kan sawi ve a ni. Ka lawm e.

**SPEAKER** : Le, sawi leh tur kan awm tawh lo maw ? Kan awm tawh loh chuan kan sawihona kan duhtawk tawh mai anga, Minister zahawm tak Pu H.Liansailova a demand te wind-up turin kan sawm hmasa anga, tin, pass rawn dil nghal bawk sela, ilo ko ang.

**Pu H. LIANSILOVA, MINISTER** : Pu Speaker ka lawm e. Pu Speaker zahawm tak hei, Pathian leh kan hruaitute duhsaknain kan ram rorelna sang berah hetiang mawhphurhna chelh hian kan awm ve thei hi ka lawm hle a, wawiin hi budget session



hnuhnung ber, kan sorkar kal mekah hian a nih dawn mai bakah, keima tan pawh ka hun hnuhnung lam te pawh ni thei tawhin kan ring deuhva. Chuvang chuan a wind-up-na thu han sawi rual hian lawmthute han sawi ka duh a. Hei tlinglo leh chaklo takin, insit tak chungin mawhphurhna ka han la ve a, kan Chief Minister zahawm tak duhsakna leh kaihhruaina te, kan Minister leh, Parliametary Secretary leh, kan thawhpui MLA zahawm tak tak te, dawmkanna leh tanpuina nasa tak ka hmu chho zel a. Tin department kan thawhpui officer leh staff zawngte atang pawhin thahnemngai taka duhsakna leh tanpuina ka dawng thin a, chuvang chuan lawmthu han sawi lo theilo niin ka in hria a, ka'n sawi hmasa a ni. Tin, ram rorelna hi Pathian ruat a ni, tin a reltu tur pawh Pathian ruat a ni tih hi ka pawm a, vawiinah hian heng kan hotu, hruaitu zahawm tak takte zinga kalo tel ve pawh hi anmahni ho zinga tel ve turin Pathianin min ruat a ni tih hi ka ringa, Pathian leh mipuite hmuhin ro kan rel a, kan thusawi zawng zawng pawh chutianga hriat theih leh hmuh theih vek a ni a, he ram rorelna mawhphurhna kan hotute duhsakna kan thawh ve lawp lawp chhung hianin tihdikloh leh tihfuhloh tihsual tam tak ka nei tih ka hria a, chungte pawh chu rilruah a riak khawp mai a, ngaihdam leh ngaihnhathiamna dilna ka rawn dinpui nghal bawk a ni.

Hei vawiin hi kan hriat theuh angin Good Friday hun pawimawh takin min hnaih chilh avangin kan member zahawm tak takte pawhin in thahnem ngaihna thu heng kan chanpualah kan tihfuhloh te, kan tihdikloh te leh min fuihna tur thute pawh in duh ang tawkin in sawi thei lo a, a pawi khawpin ka hria a. Amaherawhchu, hun pawimawh tha taka kan hman theihna tur atana in insumkar theih avang erawh chuan zanin pawh hun tha tak kan hmang thei dawn niin ka hria a. Kan member zahawm takte thil han sawi tam tak ka react seng vek lovanga, ka sawifiah thiam lo pawh a ni thei a. Chutih hma erawh chuan kan finance dinhmun erawh hi chu kan hotuten min hriat nawnpui leh hi thain ka hria a. Hei kan revenue receipt atana kan han chhawpchhuah kha Vaibelchhe 5039.42 a ni a. Khamiah khan kan state in kan state on-tax leh non-tax atanga kan hmuh tura beisei belhkhawm kha Vaibelchhe 488.50 chauh kha a ni a. Chuti anih chuan kan revenue receipt atana kan beiseiah hian 10% che che kan tum ve tihna ala ni a, tan a ngai hle. Tin, kan receipt budget-ah khanin department tinte thawk chhuak tura kan beisei leh kan estimate-a kha a awm vek mai a. Kha kha kan tihhlawhtlin loh chuan kan budget-ah hian gap, kan thawhchhuah loh ang ang kha, a awm dawn a ni tih kha hre sa ta ilangin. Kan Minister leh kan hotute zawng zawngin mahni Department theuh revenue thawhchhuah tur ang kha hlen chhuak tura tan kan lak tlan a ngai hle dawn a ni. Tin, chutih rual erawh chuanin revenue-ah hian keimahniina kan hmuhchhuah tur atana kan estimate a hi, hei tun kum 2, kum 3 chhung hi chu kan khum chho zel a. Hei, nikum lam aiin kuminah hianin kan budget-ah pawh kan revenue hmuh tur hi kan chhawp sang a. 100-a 30 lai niin ka hria a punna hi. Chutiang kan tihhlawhtlin theih chuan lehlamah chuan plan lama kan pawisa hmuh tura hi kan zu dila, plan kan siamthiam viau avanga min lo pek a ni mai lova. Kan scheme of financing min enpui a, chumi atang chuan kan revenue hmuhchhuah ve tur atangte tehin kan hmuh tur hi Planning Commission-in official-in min fix tlangpui a ni. Chumi chungu chuang chuanin kan Chief Minister leh Planning Commission Vice Chairman te nena an inbiaka ngaihpawimawh azirin min belhchhah hlek leh thin zawk a ni a. Chuvang chuan, tuna kan scheme of financing theh thlak pawh hi tuna kan revenue assessment behchhana ti kan ni a. Official level-ah chuan plan fund a kan hmuh theih tur awm tawkte pawh rilruah a ruangam chu alang sa ruau a ni. Chu chu ka'n sawi duh a.

Tin, non-plan-ah hian ka sawi duh leh chu kumina Central atanga kan hmuh tura kan estimate kha Vaibelchhe 3097 vel a ni a. Chu chu nikum budget estimate aia a tamna hi a percentage-in 7.7% chauh a ni. Hei hi Finance Commission- in min recommend ang Central Budget-ah pawh tuna an reflect hmanga kan non-plan budget hi rawn chhawpchuak kan ni a. Hetah hian ka sawiduh chu sorkar hnathawk hlawh zawng zawng deuhthaw 80% zet heta tang hian ..... a, office in enkawl na leh sorkar hnathawk ho facilities atangte, pension te nen, chuang chuan, a bikin sorkar hnathawk hlawah hianin harsatna kan tawh deuh thin hi kan hriat tlan thain ka hria a. Kum1-ah sorkar hnathawk hlawh hi annual increment 3% in a pung ngei ngei a. Tin, DA 7+7% anih loh pawn 7+8% in a pung a. Chuti anih chuan tuna kan han chhawpchuah kan non-plan budget atang pawh hian 17% vel pawisa mamawh belh tur a awm sa a ni. Chuang chuan, kan sorkar hnathawkte pawh kan duat tur ang leh kan ngaih pawimawh angin an hlawh chungchangah kan enkawl tha theih lo ang tluk a nihna lai te pawh awmna chungin kan Chief Minister-in hlawh hi chu kan inpe kim tur a ni, a tih avangin hlawh hi in ba lovin kan awm thei hram hram a ni a. Hei, hlawh lak theih loh, ba eng emaw chanchinbuah te, kan hotute helaiah in han sawi pawh kha pek theih loh a awm love. Amaherawhchu, mi rawih thenkhat a bika an hlawh specific emaw, designated fund-a a lokal Central Sponsored Scheme a lokal thin atanga hlawh la te CSS Fund-a lokal thlen hma a lo la thei lo te a ni tlangpui zawk a. Tin, Department thenkhatah engemaw lo tihsual palh leh an hlawh tur estimate aia lo inpek tam a awm a, chuang chuan hlawh la thei lo khawilaiah emaw an lo awm palh a ni.

Tin, D.A. pung hi kan ba deuh reng zel a, chutah pawh chuan kan sorkar hnathawkte hianin neitu chan chang tak leh sorkar hi an ta a ni tih hriain, Federation a kan hotute leh Association a kan hotute nena kan Chief Minister an han dawrnaah te tin, ka hnena an lokal pawhin a harsat thu hi keini aia hre zawk an nih avangin kan Non-Plan Budget pun dante pawh keini aiin an hre zawk a. Chuang chuan a theih ang anga sorkarin hma a lakna ngaichangin tiang hianin tha takin kan indawr a, vawiinah hian kan sorkar hnathawkte chungah pawh lawmthu sawi a tulin ka hria a. Ram tana an thahnemngaihna leh sorkar tha taka a kal theihna tur atana an inpekna te, an facility thenkhat, travelling concession tih te, Medical re-imburement te pawh hospitalized loh chu, la lovin ti hian kan awm a, chutianga kan tan hona avang chuan mualpho chhe lutuk lovin kan kal chho zel thei a, a lawmawm takzet a ni.

Tin, sorkar hnathawk hlawh chungchang leh han siamthat ngai chungchang erawh chuan, kan Federation & Association hotute nen pawh indawrin keimahnite nen pawh kan sawiho a. Cabinet hian theih tawka kan inpawhfan chin chu thutawp siam thawkhat tawhin a lang a. Chuang chuan tunah chuan, kan sorkar hnathawkahte pawh kan dinhmun hria a, an tlawmngaihna leh an thahnemngaihna ang taka tuna awmna ang theuh hi kan kalpui ve zel tawh a hun tawh niin a lang a. Tin, hmun dangah, sorkar dangah hian sorkar hnathawk nuar buai hi an awm tawh loin ka hria a. Keini hi vawiinah hian han tarlang ilangin, kan nih ang angah hi chuan State dang zawng zawng aiin kan sorkar hnathawkte hlawh kan pe tha ti ila, kan tihsual lovin ka ring a. La hmaih palh leh tihsual palh te chu a lo awm thei a, chungte erawh chu enzui zel theih pawh a ni ang a.

Tichuan, kan Financial Health indicator-ah hian hmannah kan Budget speech ah te kan tarlang tawh a, Budget buah te, Revenue Surplus nei zela kan la kal thei hi a lawmawm takzetin ka hria a. Hei pawh hi sorkara kan Officer lian ho leh kan Minister hote nena kan tanhona rah zel a ni a.

Tin, kan Fiscal Deficit pawh hi kan nawr hniam thla zel a, tunah hi chuan 13<sup>th</sup> Finance Commission-in kan dinhmun tur anga bituk chhungah kan inkhung mai pawh nilovin chu aia hniam deuh chuan kan indah thei a. Chungte chu a tlangpuiin ka han sawi lang duh a. Tin, kan outstanding liability pawh hi GSDP atanga tehin 49, 50% hnuai lamah GSDP atanga chhutin kan awm thei hi, leh lamah chuan kan inhrekna leh kan in sacrifice avangin tun dinhmun hi kan thleng thei hram hram a ni. Hetihruah hian tan lak ngaihna lian tak kawng hnih, kawng thum awmin ka hria a. Buhfai hi tuna kan tih ang hi chuan thlatin crore 10 vel hi kan hmuh let tawh loh tur kan inpe chhuak ziah tihna a ni a. Chuvang chuan kan rationing system emaw, kan tih dan kan kalphung hi kan ennawn emaw kan tihdan kan ennawn loh chuan tun kum 3/4 chhung pawh hian kan finance gap hi 400 cores aia a tam tawh a, in manage a har tawlh tawlh dawn a, chu chu kan hriatsa a thain ka hria a. Tin, Electric leh Tui man pawh hian tun aia kan tan lak nasat lehzuah a ngai. Tin, kan Tui mante, Electric Bill te pawh hi tihsan deuh a, mimal pawhin kan tawrh lutuk loh deuh va, rate te hi tuk that tura ngaihtuahna kan hman thiam a tul hle in ka ring a. State Corporations ho leh Undertakings ho hi hun rei tak atanga lo ngaihtuah tawh a ni a, heng hi siam that thuai a ngai a, thawktute hlawn neiin an awm a, tin, an tih tur tak ti tha thei lovin an awm ting tawh si a, chutih rual chuan heng ZIDCO te, Khadi & Village Board ang te hi kan thalaite leh Industries din duh ten Loan an lak theihna tura Sorkarin Fund pe leh quarantine alo pek tawhna a ni a. Hmanni khan kan member zahawmtak Pu K.Liantlinga khan thalaite hmakhua ngaihna rilru khan hemi kan State Quarantee Act pawh kha thiat danglam te pawh a tul hial a ni e tiin a rawn pulut a. Kan sawiho tawh ang khan, a rilrua thalai lam mamawhna leh duhsakna a rawn pulut a nihna laiah kha chuan kan appreciate khawp tlangin ka hria. Mahse, India ..... khanga siam, kan GFR ah hian Private Sector ah hian Sorkarin guarantee a pe tur a ni lo tih Chiang taka zia a nih avang leh keini dinhmunah hian hmannah kan member-ten an sawi angin heng kan Financial Co-operation te kaltlang hian thalaite leh anni lo pawh, midangin tha taka industry-te din tur a an inbuatsaih phawt chuan Loan hi lak theih a ni a. Chulam zawk chu a kawng awmthei leh kawng inkawhnmuh theih tuna kan tlin tawkah chuan a ni rih a. Tin, tunah hian heng ZIDCO tih te, leh kan Board dangte pawh hi che thei lova kan siamna chhan hi chu Loan la hmasatuten kan rulh that loh avanga che thei lo tangkai lova siam hi kan ni ber zawk a. Chuvangin State-in mimalah khan quarantine lo pe ta zel dun sela chu kan chhiatpui theih ka ring a. Chutiang deuh bawh chuan thalaiah pawh khan mi rinawm awm tak tak awm mahse, mitha thlan bikte leh a tithei bikte tana guarantees State Sorkarin a lo pek bik kha chu a rem chang lo, tha ber lo bawkin ka hria a. Chuvang chuan kha Act kan tihtlang tak loh avang khan thalai lamte hi kan ngaihsaklo a nilo; dan chhungah leh Sorkarin a tlin tawh chhungah hian kan induhsaka kan dah pawimawh hle a ni. Tin, kan hruaituten an rawn sawi kan re-act hma khan thil tlemte kan sawi leh hlek a nga, DP&R ah hian ai kal system eng emaw chin atanga nghet deuh tak a kan lo neih deuh tawh kha, thil khirh tak a ni nain kan Chief Minister-in dan hi chu danin i kal pui ang u, hei hi chu in ngaihnathiamnaah kan kal zel chuan a chin tawh pawh a awm dawn lova tiin, hei hi titawp

turin hma kan la a, Sorkar hnathawk ai kal la emaw lo chhawr a zat chiah ka hre mai lo na a, ai kal la hi 500 aia tam an awm a ni. A thente phei chu promotion khatia ai kal an lak chhung khan an hmuthei ni awmin ka hria. Chutiang khawp chuanin dan palzutna tute emaw kan khawngaihna a zarah tuten emaw remchangah an lo la a, ti hian in kalphung pangngai ang maiah kan neih ti tih deuh va, Sorkar a tizahawm lova, dan zawm thlap thlap thintute rilru pawh a tichiaiiin kan hria a; chuvang chuan ai kal hi titawp turin hmalak nghal a niin, tunah chuan kan titawp fel thei niin ka hria a. Khawilaiah emaw a ruka lo ti emaw, a bika lo inhrethiama lo ti an lo awm palh a nih pawhin kan umzui zel a ni.

Tin, chulovah chuanin Combined Civil Service kan siam hi kan sorkar hun chhunga thil thar niin han sawilan ve pawh thain ka hria a. Hei hi kan thalaite IAS emaw Central service emaw exam inbuatsaihna remchang turin a hun pawh hi MPSC te nen inrawnin kan hotute nen an fixed a, April thlaah hian combined exam an nei anga tin, May thlaah Central-ah combined civil service exam kha a lo ni ve leh chiah a. Combined civil service a kan syllabus hi Central civil service a an syllabus zulzui veka siam anih avangin kan thalai te ngaihtuahna a heng hi siam a ni a. Tin, MPS-ah te, MCS-ah te, hnaruak tunhma kha chuan kumkhat a 40 te 30 te kan lak buaih buaih kha a awm a, a thatna chin awm mahsela sorkar mamawhah thangthar zel tan chona tha zawk leh a carrier tha deuh central State Sorkar piah lamah sorkara hna pawimawh chelh tur chherchhuahna atan tala kan hriat avangin kan Chief Minister kaihhruainain kum khatah post tunah hian service thenkhat post ruak 30 vel kan nei chung pawhin 10 emaw zelin kan kal a, ti hian kum tin sawm leh a plus deuhin, chutiang chuan kan kal a, tun atanga in set fuh a kan kalpui zel hi chuan MCS leh hemi combined exam hi kum tin routine-in kan kalpui theih kan beisei a ni.

Tin, ATI kha sawi lan a ni a, Pu C. Ramhluna te pawh khan in ngaih pawimawh thu, a lawmawm khawpin ka hria a. Kan ATI hi tihchangtlun deuh deuh tum a ni a, chutiang chuan step pawh kan la zel a. Tin, a faculty member tur pawh mi thiam bikte kan tlin ang tawkin hna pahnih pathum siam belhin ti hian kan dah a, Training module pawh hi phuahchawp lo deuhin kumtluana zawm turin training course 72 duan felse neiin, officer grade/level hran hrana mite training theihna turin siam a ni.

Tin, ka'n sawi leh duh chu contract leh M.R. hnathawk tihngheh chungchangah hian, scheme 2008 ah khan lo siam tawh a ni a, hei hi tha takin kan implement a. Chuvang chuan muster roll-ah te mi kum sawmhnih chuang chuangte an lo thawk tawh, tihngheh turin mi tute emaw thil tithei deuhin inkalh an awm thin anga sawi awm hi kan phal tawh lova. Chuvang chuan department tinah seniority maintain tura tih vek an ni a. Chumi zulzui chuan anmahni luh theihna tura ngheta an luhna tur quota-ah kha chuanin by seniority khan an lut mai a, he kan kalphung thar hre lo hian tunhma engemaw an hriat thin rilruah ala cham deuh te pawh a nia nge, kan hotute rawn nawr leh rawn sawi thinte pawh an awm thin a, tunah hi chuan a seniority zelin kalpui a ni a. Tin, chutiang bawkin compassionate appointment pawh hi ti thei chhungkua deuhina han luh nghal vat mai, a ti theilo chhungkua zawk tena lut thei

reng reng lo a nghah ngar ngar ang kha a awm tawh lohna turin sorkar hnathawk thih dan seniority leh need base-in kan inkalpui tlangpui a, hei hi kan kalphuang thar a ni. Tin, chu lovah chuanin, hei kan sorkar hnathawk te tunah hi chuan kan hna kalhmang hrim hrim hi a process oriented vekin kan kal a, amaherawhchu, tun atang hi chuanin Result Framework Document siamin, chutianga kal tur chuanin kan han inruahman a. Hei hi kan member tena in han sawi tawh kha hriatsual palh deuh a ni maithei kum 2007-2008 a 2<sup>nd</sup> Administrative Reform Commission-in a recommend a kha 2009 khan a copy keima kutah pawh a awm a. Tin, Hetiang hian lo tih rawh u, lo zawm vat rawh u ti a hei hi State-ah an rawn impose lova. State sorkarten tha an ti ve anih chuan, a duhin tih a, tih loh theih a ni a. Keini hian ngun taka ngaihtuahin hei hi chu a tha ang administrative reform lama kan pen ve theihna tur a ni tiin kan Chief Minister duh danin Cabinet approval nikum August thla khan lak a ni a. Chutiang atan chuan kan officer leh Heads of Department-te Cabinet Secretariat a an Secretary-te hova rawn kalin January 2013 khan workshop buatsaih a, train an ni hnuah hmang tur chuan kan inbuatsaih a. Tunah Department-te RFD hmang tur hian an inpeih thawkhatin ka hria a; vawiin lama file lo lut kha chu a hnuhnung tawh lam niin ka hria a, chutiang chuan ka'n sawi duat duat a ni.

Agriculture-ah hian kan hmasawna hi tun NLUP kan han implement tak chinah hian NLUP hlawhtlinna langsar tak pakhat chu kan thingtlang lo neih hi 50% aia sangin a tlakhniam ta a ni, chu chu thil lawmawm tak niin ka hria a. WRC-I kan tih leh WRC-II terrace kan tihah kan loneitute an phur thar a. Tun kum hnih chung hianin hma an sawn viau a, an laih kumah pawh buh an ching nghal thei a. Tin, thingtlang lamah pawh lo neih a tlakhniam tak avangin kan buh thar a tlakhniam kan hlau a, improved Jhuming method te, technology tharte leh fertilizer tam zawk hmangtein hmalak a ni a. Tin, leiletah pawh technology thar leh kan power tiller-te hmang tangkaia hma kan lakna hian kan tharchhuah hi a tipung hle a. Nikum hmasa khan 10% aia sang deuhin kan pung a, kuminah hian chutiang aia sang mah chuan kan pung leh ta a, chutiang chuan hmasawna kan nei chho ve hret hret a.

Tin, Oil Palm Plantation-ah hian NLUP-ah pawh a tel a, nikum September thla khan kan Chief Minister-in a factory tur Foundation pawh Bukvannei hmunah a zuk phum a, tun June thla hi chuan commission hman ngei an tum a. Tin, Oil Palm seng tur hi tunah hian quintal 2000/3000, 4000 pawh a tling thei tawh mai awm e, an ti a chutianga hmasawnin an thar chho zel a ni.

NLUP hi chu sawi tamlo ila, kan member zahawm tak Pu Duhoma te leh member dangte pawhin min ngaimawhpui angin NLUP hi tihtakzeta kalpui zel tum a ni a. NLUP Exit Protocol tur atan hian kan Chief Minister-in May thla lamah hi chuanin Brain Storm Session-te pawh neih ni sela a ti a. FAO kan han tih pawh kha Delhi-a an representative khan chung hun lai chu remchangah hmangin amah pawh lo kal tur hialin a rawn ngaihven zui zel a, a kawng a awm theih chuan NLUP hi chu sawi nawn pawh ngaiin ka hre lova, kan thatpui tur niin ka ring. Mi an rinawm a, thawh tak tak an tum phawt chuan tunah pawh thawk tak tak chu an hlawhtling

nghal mai a ni. Chuvang chuan NLUP avang hian kan ram economy hi kan siamtha ngei ang tih pawh kan beisei a.

Tin, Horticulture lamah hian pakhat chauh ka'n sawi ang a. Horticulture College hi kumin session-ah hian min tan sak hman mai awm mang e tih khawpin beiseina kan nei a. Hei pawh hi kan Chief Minister-in Union Agriculture Minister a hmuh tuma a thlen bawhzuina zel a ni a. Hmanni khan a Site Selection Committee Vice Chancellor hovin an lo kal a. Tuna min enpui dan ni a kan hriat tak ber chu Vety College-ah khianin class tan phawt mai ila, tiin ngaihtuahna min siamsak niin kan hria a. Hei hi kan ram tan thil pawimawh leh thil thar tur niin kan hria a. Hetah hian Horticulture leh Agriculture chu tihhran tak tak theih a ni lova; amaherawhchu, Food processing erawh chu min telh sak ngei ang che u, ti a kan Chief Minister-in kan Union Minister a hmuh tuma a sawi pawh kha an lo la hre reng a, chumi tel chuan a ni dawn a. Chutiang chu a tlangpuia ka chan min han sawisakah hian kan sawi nawn ve leh duh a ni a. Kan hotuten an sawi thenkhat kha ka chhang kim vek thei emaw ka hre lova. Pu Lalthansanga'n Purun chi a rawn sawi kha ka Chiang chiah lova, hybrid seed anih chuan a to thin a, chuvang chuan a Hybrid seed a nih ka ring a, engpawh nise a to kan lo la a nih pawhin Purchase Board kaltlang a lak a nih avangin Purchase Board pawhin a awm an lo tihpui a nih ka ring.

Tin Nursery siam thuah hian englaipawha a duh apiangin Register ringawt theih chu a ni lova; hawn hun a awm ve thin a, Indian Nursery Act bakah Mizoram State Nursery Act hi siam kan nih avangin, khami Rules kalhmang zawh kha a ngai ve a; chu chu hrethiam lote lo vuivai palh an awm a nih pawhin a department lam hotute nen lo indawrse thil harsa lutuk a nih ka ring lo. Amaherawhchu, tih tak tak kan duh deuh zel tawh avangin tute pawhin sum han hmuhna remchangah Burma ram ami emaw khawi i laiah emaw han phun lek luk a Nursery siam ang a han kalpui mai kha rem chang tawh lo turah kan ngai a. Hemi a planting material-in han sawi tlang law law ila. Kan NLUP-ah hian kan fimkhur viau na a, ram chhunga thlai chi awm ang chi hi chu a lo neituten an mahni duh thlanin a leina tur hmun kawhmmuhin tih ni se tih thlan a ni a, chu chu kalpui a ni a. Pawn lam atanga lak ngaiah erawh chuan ICAR emaw in a recognized atangin kan la tlangpui a. Tin keimahnin Nursery an enkawlpui leh kan Department Nursery atangtea la tura tih a ni. Kan Department Nursery lam hi a that leh a hlutna an la hrethiam vak lo a ni mai thei a, chuvang chuan lak hmasakah a tang lo fo thin a. Kan pek tur awm loh zawk tlema a ti thei deuh tihhlawhtlin ngei duh si ten an la tlangpui a. Mahsela hei pawh hi tunah hian hma kan la a, engemaw sawiselna te a awm deuh thin avangin hmania ka sawi tawh ang khan kan private Nursery-in Register ho NLUP emaw planting material supply tur atan a rawn inreport ho hi chu tunah hian an report pawh kan nei vek a, April thla chhung hian kan Parliamentary Secretary kaihhruaina hnuaiah NLUP Implementing Board Member-ten a hmunah an tlawh chhuak vek ang, a chhiat a that an en vek ang kan ti a ni. Tin pawnlam atanga rawn supply chak te pawh an awm thina chungte pawh chu kan Officer ten ang fang a, an sawi ang hi a lo ni meuh lo thin a hriat a ni a. Engpawhnise, chung pawh chu kan Officer-te mai ni lovin kan NLUP Implementing Board-a kan mi rintlak te ngeiin a hmunah min enfiah sak a, pawm tlak a nih leh nih loh min certified sak hnuah chauh pek nise kan ti tawh deuh a ni. Planting material hi

sumdawna atan kan lo hman rei avangin kan in tichiai rei lutuk a kan hlawh chhamna chhan pawh hi a nih avngin a theih ang chin chinah chuan kan fimkhur a, kan fimkhur senlohna lai pawh a awm ang tih ka ring a kan tan ho ngaiin ka hria.

Tin tunhnaiah Nagpur-ah ICAR in conference a ko a, kan Director-te leh kan officer te an kal a. Nagpur-ah khaun Nursery an mahnin an lo recognized tha tak tak an awm an ti a. Hei pawh hi kan officer-te report mai nilovin NLUP a kan Member zahawmtan an zu enpui a, an zu chian ve phawt kha mimal tak pawhin thain ka hria a, chutiang chuan hma lak kan tum a ni. A planting material lam kan fimkhur dan leh hmalak tum dan tlangpui ka'n sawi a ni e.

Tin Pu Duha'n Zathropha a han sawi kha member zahawm tak Pu Piana'n a rawn sawi tawh a, hmannah Secretariat-ah sawn kan en chhin a, darkar chanve chhung alh tur khan Kg chanve niin ka hria, tin hemi a rah ro kheh loh an han hal khan kg khat khan darkar hnih a daih a ni an ti a. Keini awm chhung khan kg khat leh chanve darkar chanve daih tur chauh kha tuah a ni a, a alh pawh a na a, tin a khu dum kha a awm vak lova, tha hle dawnin kan hria a. Rev. Lalthanmawia'n experiment a bei a, a bei nasa hle mai a, kan hlawhtlin pawh kan ring a, hlawhtling turah pawh kan ngai a, hei hi an bei nasa hle mai a, kan hlawhtling ang tih pawh kan ring a, beiseiawm tak tur pawh a ni a ni. Tin, Vermi compost chungchang Pu Lalduhoma, Member zahawm takin a rawn sawi kha, vermi compost kha, khami a rawn sawi tak a kha kan mithiamte pawh hian chuti takin an lo la hmel hriat lem lova, hma kan lo la ang a, kan lo ngaihven zui ang e an ti a, bawngkek hmang lemlova tih theih kha. Tin bawngkek hmanga kan tih a hi introduction ang deuh chauh a la ni a, churang chuan kan han ti tan a, kan lo nei tute an phur hle mai a. Hmanni khan ka sawi tawh a, Biate-ah phei chuan tlangval rual ho an intel khawm a, an tichhuak tha hle a ni. Mahse he scheme hi sumdawna commercial scale atana tih a ni lova, anmahni hman tur, anmahni consumption tura tih a ni ber a. Tuna kan leisak hi chu khatiang a lo ti hmasate encourage-na atan tih a ni ber a. Fertilizer erawh hi chu a kawng a dang a, Crop Husbandry atang hianin India sorkarin allotment min pek kan productivity kan tih theih nan, kan State fertilizer consumption hi India ram average chanve ang deuh chauh kan ni a. Kan fertilizer consumption han san ve deuh chuan tunah pawh kan production hi a sang a. Churang chuan tunah pawh production enhancement atan hei kan la a. Tin, kan Oil palm atan phei chuan Scientist hovin an prescribed anga hmang kal kan ni tih ka sawi duh a ni. Tin, Pu K.Liantlinga'n MSFAC a han sawi kha hei hi Channelizing Agent a ni a, Soceity in register a ni a, MSFAC atanga sum lokal hi Sorkar Account-ah a lo lut lova, Central atangin NSFAC kaltlangin Ministry-in Fund hi a pe a, tikhan anmahni channelah a kal mai a. Amaherawhchu, Technology Mission a hman turte, District a hman tur te kha chu kha society leh a department-ah khan a scheme ang khan pek chhawn a ni a. Churang chuan crore 21 lokal pawh kha MSFAC (Society) Account-ah direct-in a lo lut a, tichuan an draw chhuak leh a, department Director Account-ah a lut a, khatah khan interest a awm anih pawhin a interest kha chu central-ah pek luh leh tur a ni awm e. Chu chu Accounting System kal hmang a ni a. Hmannia pawisa crore 20 lut a crore 20 draw chhuah leh a ni tih pawh kha khami system hnuaiia kum khat chhunga pawisa lokal kha a ni a. Tin Tissue culture kha tunah khuan hei

Anthurium te hi an han ti ve a, Banghla an ti tan ve leh a. Amaherawhchu apparatus-te a hautak a, mimal ti duh an awm anih pawhin a scheme private-ten an duh chuan back ended subsidy, National Horticulture Board atangin hmuh theih a ni a. A tui tak tak tak an awm a ti duh tak tak an awm chuan eizawna tham pawh niin ka ring. Kan ram mamawh tur pawh hi a ni a, in bengvar chhuah zel ni ta selangin. Pu B.Lalthlengliana kha a awm ta lova, RKVY hnuai a land development thawh tur chungchang a han sawi kha. RKVY NLUP azar kan dawn malsawmna kan dawn belhchhah ti ila a sual awm love, NLUP kan neih tak avangin Agriculture Sector a kan budget allocation kha a lo sang ta a, chuang chuan, RKVY hi avail thei ta kan ni a. Tin, NLUP a kan allotment a san zel avang khan Agriculture & allied sector-ah allocation khan a tawng sang zel a, chuang chuan kan hmu tam tial tial a. Tin, RKVY hi State Level Sanctioning Authority a awm a, Chief Secretary hnuai, tin, a scheme a hi kum 5 atana lo zu pek thlak tawh a ni a, khami behchhan deuh chung si leh enrem chungin a scheme a hi kalpui a ni a, Land Development te leh a Sector dangte thawh turte hi, hemi Directorate hi Nodal Department a nih angin a Sanctioning authority-in an ngaihtuah turin a chhawpchuak a, approved scheme ang chuan Agriculture allied sector-ah zawng zawng an sem vek a ni, Fisheries-te leh Soil Conservation Department-te thlengin. Chubakah chuan Shinlung Hills Development leh District Council pathumte pawh chanvo pek ve an ni baw a, NLUP zarzotu kan tam khawp mai RKVY atang hian in. Tichuan directorate atangin an District-ah anmahni District plan implement tur khan kha sanction ang khan pawisa hi pek chhuah a ni a, tunah hian pawisa hi kan hmuh tlai deuh avangin scheme hi la final vek loh deuh, la en mek a nih avangin implementation pawh kan tlai deuh hlek dawn niin kan hria a; chu chu a kalphung chu a ni.

Aw le, thil tam tak han re-act vek dawnin hun ka la tam dawn lutukin ka hria a vawiina kan hotu tam taktein sumna chhan pawh kha zanin kan programme pawimawh tak hman tur anih avangin lo duhtawk dawn mai ilangin. J.B College transfer chungchang kha chu DP&AR lam atanga ngaihtuah a nihloh avang leh department lam atangin sorkar in tul nia a hria a lo tih a ni a, kei chuan chhan tur ka nei lovin ka hria a. Tin, Pu Lalduhoman MPS ho chungchang a han sawi kha, kan Chief Minister pawhin a hria a, tin an case kha a theih ang tul ngaihtuah turin DP&AR ah arawn refer thla a, la enzui tur a ni a. Kan Chief Minister pawhin tihtur awmchin a hria a. IPS cadre erawh kha chu kan ngaihtuah fo tawh a, IAS thleng hian, tun tumah mai pawh nilovin tunhma deuh pawh khan lo ngaihtuah tawh thin a ni. A cadre kan neih hi a te dawn lutuk a, IAS ah pawh duhawm deuha a tam thei ang ber kan tih pawhin post 40 pawh kan pha thei mang lova, tin khatiang a kan ti dawn a nih chuan tuna kan MCS cadre post tam tak hi kan eisak a ngai a, chutiang baw chuan IPS pawh kha tunah hian 19 emaw ni cadre post kan nei a. Cadre hranpa han siam dawn khanin kha ngawt kha chu a ni si lova, tilian dawn ila MPS cadre post a kha kan eisak teuh dawn baw a. Tin, mi 19 lek a cadre officer kha nei ta ila mihring kan inang vek lova, mihring kan nin deuh kha tihkual tih kual a Mizoram chhunga kual kual turte kha an lo ni dawn a, khatiang kan dinhmun a nih dawn avang khan IPS cadre hranpa hi chu ngaihtuahna a awm lova, hetia kal zel hi a tha zawkin kan hria a, chung chu ka chan lam atanga ka react tlangpui chu a ni a.



Pension chungchang thu Pu Ramhluna khan nikum aiin kuminah in dah tlem a tih kha, nikumah khan pension an settle nasa a, tin chubakah chuan increment pek leh engemawte a lo tam avangin mamawh tam dan anga dah a ni a, kuminah erawh chuan chu aia hniam deuh a lo nih tak avangin a awm tawh ni a hriat a kha dah a ni a, a lo hniam ta deuh a ni awm e.

Tin, pension settle har chungchangah hian Accounts & Treasuries hi mawhphurtu ber chu nimah selangin a bulrawn tumtu ber chu an pension-na Department-te hi an ni ber zawk a. Tunah pawh case thenkhat keima hnenah pawh kan han chhui hian a department amiten an service bu leh document tulte an lo tihkim loh te, tin demand certificate chungchang an lo tihfel sak loh te, khatiang lehkha kal then vel te kha alo ni a. Amaherawhchu, kan officer-ten theih tawp chhuahin chutianga miten harsatna an tawh thinte hriain tan an la a, kan indailo hle chungin hma sawn hret hret chuan kan awm a, a mimal harsatna bik neite kan hotuten in hnenrawn thlenga lokal an awm phawt chuan kan secretary-te leh kan CCA-te pawh an in hawng reng tih kha ka sawifiah dan ni mai selangin min hrethiam ang a mai ang a. Planning a pawisa park teuh tih kha SPA-te SCA-te pawisa lokal tur, tin, NLUP te pawh a ni bawh a, budget a a department a kan pek la remchang si lo kan park khawm ta a, vaibelchhe 900 chuang a ni. Chu chu kan plan min approve sak hunah a eng hi nge SCA a min dah sak ang, a eng hi nge ACA minrawn book sak dawn kan la chiang bawh si lova. Tikhan kan dah khawm a chu chu kan hmuh vele department-ah reallocation siam tur a ni ang. (Dr.R.Lalthangliana : Pu Speaker, min chhan theih nghal chuan nichina ka han sawi kha tuna Financial year naktuk tuk leh lawka tawp mai turah khan kan Plan allocation kha 2300 vaibelchhia a ni ta a, vaibelchhe 200 khami Road Project kha a tel khan a lang a, min pe hman ta lo ang sela hmulo hlen dawn ta ang ila engtinge a kal zel dan tur kha min hrihfiyah theih chuan a tha khawp ang) Pu Speaker, hemi chungchangah hian India sorkar hian pawisa harsatan an neih current deficit an neih avangin hmulo mai thei dinhmunah dingin kan in ring deuh a. Amaherawhchu kan Chief Minister-in a sawi avangin an ngai pawimawh em a Prime Minister thlengin hmuh beisei reng chuan kan awm na a Planning Commission a a member leh N.E adviser te nena kan sawihonaah pawh engpawh nise, in hmuh pawhin in hmuh loh pawhinrawn khung ve phawt mai rawh u an tih avangin tun Annual Plan-ah hian kan khung tho a, kan Draft Annual Plan kan theh luhah hian.

Tin, kan beisei dan leh min thlamuan danin min pek hmasakah hmang mai thei turah kan inbeisei pawh an ti deuh a. Chuvang chuan kan bahlah phah lutuk loh kan inbeisei a. Amaherawhchu, a sum kha kan duh duha ti thei leh kan kuta awm a ni lova, nghak tur kan nih erawh chu kan inhria a, chu chu a dinhmun a ni a. Tin, kan Plan kha a tak taka kan hman chuan vaibelchhe 2300 a ni mai lova 2400 a pha thuak dawn reng reng a ni kan hmuh belh leh hlek hlek nen. Chutiang chu a ni a, tunah hian kan Finance account tak tak hi kanrawn nei thei rih lova, a chhan chu sanction lo kal reng lo kal mai thei hmulo mai thei dinhmunah khuta kan Central lam Finance-te an harsat ve avangin an awm a. Chuvang chuan wawiina kan budget pass zawng zawng hi a awm sa ni lovin hmuh kan beisei 'Estimate' a ni tih pawh kan hriatrawn atan ka sawi chiang bawh ni selangin. Department-in an chanvo nikum lam an phalo tih kha chu ka sawifiah zing a, ka thu pawm duh chuan a pawm theih tawhin ka ring

a, tawh mai tawh sela a thain ka hria. Amaherawhchu, kuminah pawh hian kan Annual Plan siam lehah pawh hian department zawng zawngin NCA (Normal Central Assistance) kan tih normal plan atan chuan hlawh leh office inenkawlina tur pangngaiin, an normal activity tur kha chu indaih turin dah vek rawh u tih kha Planning atanga an kawh hmuh dan a ni. Chu instruction hmang chuan tunah pawh an Annual Plan hlawh leh an mamawh hmasa tur normal plan-a pawisa an mamawh ang chin tur kha chu, an needbase kha an rawn project tur a ni. Chumi hmang chuan tuna kan budget pawh hi han dah a ni a.....

**Dr. R. LALTHANGLIANA** : Chumi piaha ka question tak chu Pu Speaker, khalai kha chu kan hrethiam lutuk a. Hlawh kha chu an la tur a ni. Amaherawhchu ka'n sawi duh lai tak chu tunhma zawng zawnga Department-in hma an lak ve zawng zawngna neuh neuh ang chi hmalakna tawp deuh ta thup lai a kha a ni ka rawn question chu.

**Pu H. LIANSILOVA, MINISTER** : Kha kha a crore programme a kan dah chu a ni ta a. Pahnihnaah chuan pawimawh ta chu ongoing an nei em, kha kha rawn thun rawh se, ongoing an neih phawt chuan an rawn thun ang. Tin, khami piah lamah khanin normal plan a lut lo tur Planning Commission-in a ngaih pawimawh hemi kan 12<sup>th</sup> Plan a an priority zuia kan kalna tur infrastructure atan te, capital asset atan te khati zawnga Programme kal thei tur chi an neih phawt chuan SPA emaw SCA, ACA emaw Addl. SPA atan emaw, Programme/scheme nei thei tur chuan crore 1 aia tlem lo project rawn nei thei theuh ulangin, chu chu kan Plan-ah hian kan incorporate ang tih a ni. Chuvang chuanin, nikuma building a lo sak tawh a zawh chuan khami building a sak zawh tawh kha level-a Annual plan a hmuh leh kha, pek a tul tawh lo tih a ni a. Chuvang chuan a hmu hniam tam takte kha chu khatiang an project lo kalpui emaw programme an kalpui emaw an zawh tawh chuan ongoing an neih tawh baw si loh chuan an Annual Plan-ah khanin pekna tur chhan an rawn siam rih loh chuan, an tlakhniam kha a tul ve tihna a ni a, chu chu a tlangpui a kan kal dan a ni a. Tunah pawh hian SCA emaw, ACA, SPA- ah pawh hian united leh tied Fund a awm leh a. United chu keimahni mamawh ang zela hemi state matching share-ah te kan lo hman ve theih tur leh khatiang tur kha a ni a. Chu lo chu project based vek anih tawh avangin, tunhmaa kei pawhin Planning te kan lo siam ve thin Department atanga kan siam, nikumah 10%, kuminah 10% a pung khatiang khan a lo ni lo ta ngawt lo niin a lang a. Chuvang chuan Department-hi a then an hniam a, a then an lo pawng deuh te pawh a ni. Chutih rual chuanin CSS atanga kan hmuh tur tam tak hi min book sak leh avangin tunah hian NLUP implement ho hianin an activity pangngai a kha, NLUP activities-ah kan laksak vek baw si a. Chuvang chuanin, hmuh double a tul lo hrim hrim a. NLUP hian kan reallocate leh anga a pawng leh tho anga. Chutah chuan ka ngaimawh chu, Sport in han sawi khanin anmahni pawh an lo kal a. engeni a chhan ka hre chiah lova an hmuh hniam chhan a kha. Hengte hi chu kan Chief Minister ngei pawhin kan thalaite tan a ngaihpawimawh thin avangin tuna kan plan kan han sawi felah hian 10% te chuan pung ngei turah kan ngai a. Khatiang khanin inpek chhoh leh theih dan a awm anga. Hei Pu Rohluna pawhin hmanni khanin khimi Sialkal tlang dung Development Committee Fund allotment a kha in rawn tilang lo a ti a. A lan kher kher a ngai lo, helai kan park-ah hian a awmsa avangin, pek belh tur lam erawh chu nakina Plan Final hunah a ni dawn a. Khang kha chu Cabinet decision a

thil kal vek tawh a ni a, kal zel tur a ni a, hei hi ka lo hrilhfiah a tul a ni. Chu chu vawiinah pawh hian midang lo hriat ve atan pawh thain ka hria a, ka'n sawi belh ve leh ta mai anih chu. Pu Speaker, hun ka la rei ta hle mai a kum 2013-2014 chhunga ka Department chante Finance, tan crore 372, lakh 93 , 48000 thousand, Personal and Administrative Reforms 2crore, 29 lakhs, 66000 thousand, Planning and Programme Implementation 955crore, 31 lakhs, 75000 thousand, Agriculture Dept. 175 crore, 29 lakhs, 25700 thousand, Horticulture Department 22 crore 75 lakhs 70000 thousand, a vaiin 1528 crore 59 lakhs 86000 thousand hi he House hian min passpui turin, min pass sak turin ka han ngen e.

**S P E A K E R** : Demand No.9-na 3,72,93,48,000, Demand No.13-na Personnel & Administrative Reforms 2,29,66,000, Demand no.14-na Planning & Programme & Implementation 9,55,31,75,000, Demand no.-31 na Agriculture 1,75,29,27,000, Demand No.32 Horticulture 22,75,70,000, Total ₹ 15,28,59,86,000 hi pass remti apiangin 'remti' ti rawh u le, remti lo kan awm chuan 'remti lo' ti ula. Awle, Pu H.Liansailova, Minister demand zawng te chu House-in lungrual takin a passed e. Pu Lal Thanhawla, Chief Minister i lo sawm ang.

**Pu LAL THANHAWLA, CHIEF MINISTER** : Pu Speaker ka lawm e. Tun hi he House zahawm takiah tum 8 ka thutna a ni a, a changin member zahawm Dr.R.Lalthangliana thutnaah sawn ka thu a, a changin helamah ka thu a, hemi chhung zawng hian Pu Speaker, a chang chuan House-te kan hman thin a kuttum han lek te leh mike inpawhchhiat sakte kan tawng a, Pathian khawngaihna ini keini lamah chuan chutiang chu ala chhuak ngai lova, lawmawm ka ti a ni. Tun tumah erawh hi chuan tum 4 kan sorkarnaah hian tling lo ber mah ila kan hotuten hruaituah min dah thin a tun ang reng reng sorkar nuam hi ka la tawng ngai lo a ni. A chhan ber chu kan MLA-te, Minister-te ngaihtlawmna, Pathian an tihna leh mihringte chu inchawimawi tawn a, kan tling lo chung pawh kal hram hram mai chauh a ni tih hriain inchawimawi tawnin kan kal a, chungte avang chuan kan sorkar pawh a changkang hle a, sum harsa chung pawhin kan hotuten hman an la chak hle a ni. Tin, eptu lamah pawh tun ang reng reng a constructive opposition a awm hi ka lo hmu zen zen lova, opposition a kan awm ve thin lai pawhin tuna mi ai hian a constructive chuan pawh ka hre hranpa lova. Chutiang chu tuna kan House awmdan hi a ni a. Member zawng zawng chungah hian lawmthu ka sawi a. Kan House a zahawm chauh a ni lova, Mizo hnam in a zahawm phah niin ka hria a, a lawmawm ka ti takzet a. Pathian kaihhruaina duhawm tak kan dawng a ni tih a chiang hle a ni. Tin, heng zawng zawng hi thahnemngai taka min tawngtai sak thin zawng zawngte Pathian nungin a chhanna a ni a. Kan zavaiin Member 40 te kan thawhhona a tha hle a. Keini a hminga Ruling Party te chauh inkawmngaih lovin kan zavai hian kan inkawmngaih hle a. Chuvang chuan, lawmthu sawina tur tam tak a awm a. Tun tumah hian ka'n sawi nghal a ni.

Tin, kan Sorkarah pawh Officer te, kan luh hlim kha chuan ka bei a dawng deuh a, Work culture a awm lovin ka hria a. Work Ethics a awm lovin ka hria a. Mahni hna-a tui te pawh an tlemin ka hria a. Tin, kut tling lova sum lak pawisak lohna te pawh kha a la cham bangin ka hria a. Mahselangin, theihpatawpin kan hotuten hman an han la a, Ethics

Committee-te nena tangrualin leh thu sawina apiangah kan sumte hi renchem takin min petuten min peknaah dik taka hman tur a ni a. Mipuite chan ai, a bik takin mi hnuaihnuung zawkte leh miretheite chan ai ei ruk pheih hi chu Pathian ta ei ruk tluka pawl a ni. Chuvangin, pawisa sen khat pawh hi a kawng bo tur a ni lo kan inti chamchi a. A sawtna chin thui tak a awm a, sawt rih lohna lai a la awm a, chungte pawh chu kan siam tha chho mek zel a. Mahse, kan luh hlim ai chuan tunah hi chuan kan Sorkar a pumpuiin, a hnathawk eng category ah pawh tha tak tawh a ni tih hi chu ka hmuh dan a ni a. Duh thusam erawh hi chu kan hmu lawkin ka ring lova, chutiang khawp chu kan ni. Chuvangin, helai House a Member zahawmtakte piah lamah a dawmkangtu Sorkar hnathawkte chungah hian lawmthu sawi lo thei lo dinhmunah kan ding a. Chuvangin, tun hun hnuhnungah hian lawmthu ka'n sawi nghal a ni.

Sum thawh chhuah nei lo, dil chawpa nung khawsa kan nih avangin, kan luh hlim atangin sum renchem hi kan thupui pakhat a ni a, Pu Speaker. Chawng chen ang mai a kan awm hi dik kan ti lova. Tin, beng muka liam zawih zawih sum kan neih ve loh avangin renchem thei ang bera inrenchem tur a ni tih hi kan au hla ber a ni. Tunhma chuan, kan hun hmasa lamah chuan tui te hi filter atangin kan la a, Meeting eng anga lian pawh ni ilangin kan kham tho a. Filter ami kha kan in mai thin a. Tun tumah chuan hetiang bottled water kher te hi kan in a. Kan luh hlim chuan a lian pui pui, um lian hian kan inchhawp a, in mang lo te pawhin an han thuai hawng ringawt a. Tikhan, a pum pui kha kan ban kha chuan waste a ni mai a. Khata tang ringawt pawh khan Sorkar hian sum tam tak a seng ang tih ka ring a. Chuvangin, kan Chief Secretary hnenah a rang thei ang berin, hetiang sum waste tur nei hi kan ni lova, chuvangin, order siam la a tha ang, a um te thei ang ber kan hmang tur a ni. Chutiang thleng chuan kan inrenchem tur a ni kawng tinrengin tih hi ka ngaihdan a ni a. Tin, mahni in-ah chaw puar el eu ei a pisa kai kan ni a. Kan ril a tam chuan duh hun hunah ei theih a ni a, kan inkhuahkhirh lova. Chuvangin, Meeting nikhua a insenso nasa lutuk pawh hi khap turin Chief Secretary hmasa ber atangin ka hrilh tawh thin a. Tin, Sorkar sum a nih avanga Dinner buatsaih velah te, chaw leh sa duh tawh hnianghnar chitinreng inchhawpte pawh hi tul ka ti lova, chungte thleng chuan kan Chief Secretary te hnenah ka hrilh thin a ni. Heng zawng zawng hi a tulna chhan chu uikawm vang a ni lova, sum hnar kan nei lova, kan mamawh kan in phuhruk zo lova, kan means piah lama kan khawsak hian tanpui kan chakawm thin lo a ni. Chuvangin, min tanpuituten chak zawka min tanpui theihna turin kan theihpatawpin economy measures kan la a, mahse chuti chungin kan tlin ngang lo a ni tih an hriat hi a thain ka hria a, chuvangin chutiang chu kan kalphung a ni. Tunah pawh hian nasa zawka kan inhrek a ngai ang tih ka ring.

Tin, Pu Speaker, kan Home Minister hi mi huaisen, a tul hunah chuan tlawm thei a ni a, Home Minister a nih hnu hian kan ramah Law and Order kawng tinrengin

**SPEAKER** : Lawkin aw, kan hun khi a tawp a, engtinng e kan tih ang ? ti tlang law law rawh se aw ? hun a hmang rei lo thiam tho ang.

**Pu LAL THANHAWLA, CHIEF MINISTER** : Inkhawm kha dar 7:00 P.M. a nia Pu Speaker. Chuvangin, darkar hnih vel chu ka neiin ka in hria a. Engpawhnisela, a zawng a za khan ka sawi thiam dawn lova, kan hriat sa vek a ni a Member zahawmtakten, a hre lo in hrilh ang a inhrih kher kha a ngai lova, a tlangpui erawh chu sawi tur a awm chuan ka sawi dawn a ni. Hun hmasaah pawh Pu Speaker, hel chungchangah hian a sawi huai ber a ni a, a sawi huai vanga tan tir tum te pawh a ni, thudik hi he House-ah hian kan sawi tur a ni a, hmui dawthei pu mite hi Bible-in a duh lova, chuvangin thudik kan sawi hi a pawimawh ber a. Mi zawng zawng tan a ngaihthlak a nuam lo ber mai thei mahse, thudik hi a tawpah a lal thin a, dawt hian ke a nei lova, a tlu leh mai thin a ni. Vawiinah pawh hian ka, n sawina chhan chu hmanni lawkah Party thalai, mi thahnemngaia inhriaten tawngkam chhe deuh deuhin an puh a, inrukbo chungchangah te dawta puh a ni a.

Tin, hun hmasa lamah chuan Police engemaw zat inlambunnaah te thah an nihin kan Chief Minister te leh kan Home Minister te khan an thlavang hauhna emaw, thu an sawi ngai reng reng lo a ni tih te a sawi a, thudik a ni, Mizoram mipuiin kan hria a ni. Chung angah te pawh chuan dawt sawia puhin anni chuan chutiang chuan an sawi a ni tiha chhuah tur leh sawi chhawn tur hre chuang si lovin, an bei nasa a, a paw ka ti a. Chung chu kan sawi chhuah duhna chhan chu vawiinah hian khati laia rukbo ang zat leh an chhan chhuah dan, sumdawn nana hmangtute an tanpui dan pawh kan hria a. Tin, Kohhran hruaitute pawh bumin, chhan chhuah an tum dan Mizo mipuiin kan la hre vek a, heng ang zawng zawng ka sawi duhna chhan hi chu a fiah zawk nan a ni. Tun tumah hian inrukbo a awm zauh zauh a, mahse huaisen takin, a tul hunah chuan Police-te pawh tirin chhan chhuah te pawh an ni tawh a, kan hria a ni. Vawiinah hian vanduaithlak takin mi engemaw zat rukbo leh an ni a, a rutute pawh kan Home Minister zahawmtakin anmahni khawi hel nge an nih tih te pawh a sawi tawh thin a, tin, chumi piah lamah chuan an rukbote hming pawh a sawi tawh thin a, tin, chungho chu thlamuanna thute pawh a sawi a. Tin, a tul chuan ha aiah ha, mit aiah mit tiin thuthlung hlui hunah te pawh kan kir leh ang tih a sawi a, chung ang zawng zawng chu heng rukbote hi an khawih vaih chuan emaw, harsatna an siam sak vaih chuan hma a lak dan turte Mizo mipui hriatah a puang a ni. Tin, sum an ngiat a, Mizote min ruboa sumdawnngtute hi encourage kan tum lova, chuvangin suma tlanhhuah a tum loh zia te pawh wavi duai lo he House-ah ngei te pawh a sawi a ni. Chung ang chu, hetiang mite vanduaina chung political advantage lak tumtuten nasa takin an rawn bei a, mahse vawiinah chuan kan Home Minister thahnemngaihna, tharum thawha vau an nih hnuah an hlau pawh a ni maithei. Tin, Home Ministry-ah, Foreign Ministry-ah a tul chuan kan sipaite kan tir thla dawn tih te pawh kan hrilh a, tin, tunah hian Bangladesh tualchhung an buai hle a, chuvangin helampang hi chu kan ngaihsak hman lo ang tih te pawh kan hria a, chuvangin kan Police-te chhanchhuak turin kan tir thla mai dawn a ni, a tul hunah chuan tih te pawh kan hrilh vek a ni. Tichuan anni ho a rutu te pawh hi, hmannah helaiyah hian keini leh an chhunte ai chuan an mangang tawh zawk a tih kha alo thleng dik meka, heng mi 5 ruk bote hi kan Home Minister-in a chhanchhuak tawh a ni, engmah hliam, na emaw harsa emaw awm lovin tunah hian chhanchhuah an ni tawh a. Zaninah te kan han beisei deuh nain, naktuk chhunah hian Aizawl lo thleng turin kan beisei a ni. Chu chu Pu Speaker, khatianga sawi a tulna chhan chu, vawiinah hian mite vanduaina chung political advantage lo lak tumte hi thil tha a ni lova, a hminga ringtu inti te chuan kan tum tur leh kan tih dan tur te pawh a ni lo a ni tih kan hriat ka duh a. Tin, chumi piah lamah

chuan a engamah hmaa inpawng puh vak vakte leh in au khum vak vakte hi thil tangkai lo a ni, tih alo langa. Tin, ka sawi tak ang khan heng mite hi chhanchhuah an nih theihna turin a hma pawhin a tul chuan sipaite tharum thawha lachhuak turte pawhin kan tir tawh a, wawiinah pawh kan Home Minister in chutiang chuan a zuk vau a, a ti dawn a ni tih a hriattir chuan tiang hian chhuahin an awm a ni. Tin, Mizote hi helten sumdawn nana an hman hi kan phal ngai reng reng dawn lova, amaherawhchu, a tul a nih chuan chutianga sumdawn nana hman tum an mante chu tharum pawhin kan chhanchhuak ang tih erawh chu ka, n Home Minister thusawi thlawpin kan puang nawn leh a ni.

Pu Speaker, tunah hian 12<sup>th</sup> Five year Plan kan approach meka, chuta India sawrkar laipui focus chu, 'Faster sustainable and more inclusive growth,' 'chak zawk, ngelnghet zawk leh huap zo lehzuala than', tih a ni a. Mizoramah pawh hmasawna atan theihtawp kan chhuah meka, a bik takin kan tlakchham lehzual infrastructure, kawng, power, India sawrkar laipui pawhin a ngaihpawimawh, keini pawhin a ngaihpawimawh tur education leh health-ah te hian nasa lehzualin hma kan la a ni. Chungte avang chuan rel kawngte pawh Bairabi atanga Sairang rawn thleng turin tunah hian compensation te chuan su buai lo se, 2014 a lo thleng tur, 2015 a thlen tir theih kan tum meka, tin chutiang zelin Lawngtlai thlengin, sawta sumdawn na chhuah ka kan nei tur lo va dawngsawng turin thlentir kan tum a. A ram leh a felna kan zawng hmasa tawh a, engkim a fel tawh a ni. Chutiang chuan kawngpui pawh, tuna world bank kawng kan neih mek piah lamah hian khawthlang lampangte tana zangkhaia siam turin World Bank atang vekin tanpuina kan beisei a, tunah hian tihfel tep a ni tawh a, Rawpuichhip atanga pheiin sawtah Lawngtlaiah a chhuak dawn a ni. Chutiang chuan infrastructure lamah pawh kan hotuten hma an la a, sum leh pai India laipuiin min pek theih loh pawhin hmun hrang hrang atangin kan dap mek zel a ni, chutiang chu kan hotuten hma an lak dan a ni a. Wawiinah hian kan ngaihtla tawh a. Thalaite tana khawvel thar buatsaih turin kan inpuahchah a, chu chu kan Manifesto-ah pawh kan uar pawl a ni. Hmanniah ka sawi tawhin ka hria a, khawvel hi tunah chuan thalaite khawvel a ni tawh a. India ramah hian thalai 140-145 inkar kan nei a ni. Chungte chu kan ram hausaknate an ni a, anni hi kan enkawl that a tul a.

Chuan kawng hrang hrangin Sports Minister-in Welfare Minister a nihna angin hma a la a, kan hre tawh thin a, kan sawi nawn dawn lo va. Tin, tunlaih chuan Skill Development kan uar a ngai a. Central sorkara National Research Development Council-te nen pawha indawrin, wawiinah chuan chak zawka kalpui a tul avangin kan State Planning Board Member Secretary, Pu Haukhuma Hauzel hoin chak zawka hmalak dan tur ngaihtuahin kan kaltir mek a, chutah chuan Department concerned-te, Education Department-te, Department dang dangte nena tuhoin hma an la mek zel a ni. Chutiang chu thalaite khawvela ngaihtuahna thar a ni a.

Sipai lamahte tam zawk an luh theihna turin hma kan la mek a. Tun kum li leh a chanve vel chhung hian 3,000 chuang, sipai chi hrang hrangah kan hotuten an nawr lut tawh a. Tin, a recruiting Officer-te Aizawlah chauh pawh nilo Assam Rifles-ahte thleng pawh quota min siam sak turin kan ngen a, chutiang chuan hmalak a ni.

Tin, height, an san lam pawh hman deuh khan an han san a, mahse, Home Ministry-ah pawh rang takin kan kalpui avangin Home Ministry-in a rawn tihnam leh a, chutiang chuan thalaite tan theihpatawp kan chhuah a, harsatna siam lo turin.

Tin, Zirna chungchangah pawh tunah hian Institute kan la neih ngai reng reng loh, kan nei thluah tawh a, kan sawi kan sawi tawh a, sawi nawn sawi nawn a ngai lo va, hun a hek loh nan, chutiang chu a ni. Chuvangin thalaite tan khawvel thar siamna kawngah, chutiang chuan hma kan la a. Tuna kan ngaihpawimawh deuh ber chu Skill Development a ni a. Sorkar hna kher loah pawh Self Employment-ah pawh kal dan an thiam theihna turin tiang chuan hma lak a ni.

Tin, nichinah khan kan Finance Minister-in a rawn sawi thuak a, member zahawm tak Dr. R. Lalthangliana'n Memorial J. Buana college a tih kha, hetiang hi zirlaite awm dan a nih avangin sorkarin a bik takin Education Department-in tul a ti a ni. Government J. Buana College-ah hian Public Administration subject bikah Second Semester zirlai- 35, fourth Semester zirlai-14, Third Year Honours zirlai Nil, Third Year General zirlai 46-te nen an vaiin 95 an ni a. Heti lai hian Regular Zirtirtu -3 Part Time zirtirtu -1, a Vaiin=4 an awm a. Public Administration-ah hian kar khatah a vaiin period -15 chauh a awm a, chawh rualin zirirtu pakhat hian a vaiin 3.75 chauh an nei a ni kar khatah. Chuvangin Zirtirtu hi an indaih tih hriat a ni a. hetih lai hian Hrangbana College-ah chuan, Public Administration bikah chuan 2<sup>nd</sup> Semester zirlai 487, 4<sup>th</sup> Semester zirlai 320, 3<sup>rd</sup> yrs. Hon. Zirlai 120 leh 3<sup>rd</sup> yrs. Gen. zirlai exam bei mek 336 te nen zirlai 1043 an awm laiin zirtirtu pakhat an sawn tak pakhat nen regular zirtirtu 5 an awm a, attached zirtirtu 1 leh part-time zirtirtu , a vaiin zirtirtu 7 an awm ani. Tin, 2<sup>nd</sup> Semester zirlai te chu section 6-ah A,B,C,D,E,F, a then sawm in 4<sup>th</sup> Semester zirlaite pawh section 2-ah then hran an ni bawk a. Heti chung hian tha hmemngaihna leh zirtirtu indaihlo chung hian indaih ang in hah takin an zirtir hram hram a ni. Hengte avang hian rationalization, chawhrual a tul a. Chungte avanga (interruption)

**Dr. R.LALTHANGLIANA** : Pu Speaker, kan sawi zawk lai tak kha tu emaw kan va sawn phei lai a kha chu kawng dang ni se. A post tak mai, saw mi College post, a nghet post helama han transfer lai a kha a ni a kan sawi lai tak a kha, a mihring indaih leh daih loh lam pang ai mahin. Khalai taka kha a ennawn leh theih lo em maw ni le.

**Pu LAL THANHAWLA, CHIEF MINISTER** : Pu Speaker, a tul chuan ennawn ila. Mahsela hetia han sawi atang khan vantlang lo hriat dan chuan fair lo lutuk a an avang khan a fair zia ka rawn sawilang mai a ni, a fair zia kha an hriat theihna turin, chu zawk chu ka rawn sawina chhan kha a ni.

Awle, Pu Speaker, Minor Irrigation hi a pawimawh a, an hna hi tunhma atang tawh khan a chhe hle a ni tih hi ka hriatna a rei tawh a. Chuvangin siamthat theih dante a awm takin tiin kan enchhin teh ang ka ti a, tunah hian siamthat kan tum mek a. Tin, an hna a chhia chauh pawh ni lovin Engineer thenkhatte chuan thamnate pawh an demand a ni tih ka hria a, chung chu tunah hian CID ten an man dan ka dap mek a ni. Chutiang chu kan ramah hian a la awm a, chungte avang chuan tihbo tumin ngaihtuahna ka hmang mek a. Pastor

pakhat a nau in Minor Irrigation a hnathawk a rawn kalpui a, bill engineer-ten an pe duh lo va phut an neih avangin, chu chu an rawn zual ko a. Chuta tang chuan thil awmzia ka man Chiang leh zual a. Tunah hian chutiang kuttlingloa sum lak pawisa lo va, kan ramin a tawrhna tur khawpa hnathawktute hi kan hnam hmelma, kan ram hmelmate an nih avangin zawnehhuah dan kan la ngaihtuah mek a ni. Tin, tunah hian tihchangtlun a tul hle a, khang kan Member zahawm tak takten Leilet ram tha tak tak tur an rawn sawi te, tui lak a that loh avanga Agriculture emaw, Horticulture emaw khatiang huan thlai thatna tur atana kan hmang thei lo hi ram tam tak ala awm a. Chung ang zawng zawng chu reclaim kan duh a ni, saw lamah Chamdur te nen lam. Agriculture Minister-te nen pawh hmana an lo zin tumin kan sawiho tawh a. Va kal ve ngei pawh a duh nghe nghe a, lokal lehah chuan kan va en dawn nia te pawh a ti a ni. Amaherawhchu, keimahni lam atang zawk hian thil practical lo deuh a DPR siam te a lo awm leh zauh thin a, chuvangin uluk zawka dik zawk leh anni pawhin an rawn ngaihpawimawh ngei ngei tlak atana siam kan tum a, chuvang chuan duh angin a chak thei lo va. Minor Irrigation tih hi administrative District tinah division pakhat tal awm thei turin ruahmanna siam a ni a, chumi hnuah chuan supplement engemaw zat alo awm anga, tin Chief Engineer in direct a enkawl lovin, PWD te kan tih angin SE level te leh khatiangte kha siam kan tuma, amaherawhchu, sum a awm leh awm loh hi a pawimawh ber thin a, tichuan SDO office hi a lo berah Serchhip, Champhai, Khawzawl, Kolasib, Zawlnuam, Lunglei, Saiha, Chawngte te, Lawngtlai-ah te hian awm se kan duh hle a, chutiang chuan ruahmanna chu kan han siam a, sorkarin a pawm thei angem tih chu nakinah kan la hre chauh dawn a ni.

Tin, thalaite tana khawvel thar kan buatsaih kan sawi laiah khan Medical College hi kan sual dan hi alo ziktluak teh chiam lova, tunah hian awmze nei takin kan kal tawh a tin, Central lampang pawhin nei ve turin min duhsaka, hman deuh lawkah khan an Director, Central Health Service mite lokal in helaiah inkawmna tha tak kan nei a, min phurpui hle. Tunah hian Medical College atan DPR peih fel vek tawhin bawhzui mek a ni a, kan beisei dan chuan tun fiscally tharah hi chuan Ist year te, IInd year te kan tan thei mai dawn lawm ni kan ti deuh a, chu chu a hmun tur chu Referral Hospital, Falkawn saw a ni anga, sawlai Hospital tam zawk, Department kan sawn phei tawh leh kan sawn phei mek hi a base Hospital kha a ni nghal dawn a ni. Tin cancer ngah ram kan ni a, chuvangin cancer Hospital hi kan neih ngei a tul a, cancer patient-te avang hian an vanduai aleiah sum sorkarin a seng tam hle a ni. Hengte hi engemawti kawng zawng tala reduce dan a awm dah lawm maw tiin cancer Hospital atan hian 100 bedded cancer Hospital kan buatsaih a, chumi atan DPR pawh chu peih fel tawh niin tunah hian Central lama bawhzui chak zawk dan tur ngaihtuah mek a ni.

Tin, hun hmasa lam atanga an lo tan chhoh tawh Journalist Welfare fund-te pawh hi kan la kalpui chho zel a, tunah hian ex gratia grant Journalist te an boral chuan nuaikhat pek an ni a, tin, damlo enkawl na senso hi nuaikhat thlengin tanpuina pek theih anni a, tin, an chhungte pawh an nat dan azirin tanpui theih an ni. Chutiang chuan Journalist-te an thatna turin hemi classified advertisement-te leh display advertisement-te pawh hi tihpun chhoh mek zel a ni a. Tin Press Tour-te pawh an conduct zeuh zeuh a, tin, ram chhunga side visit te, hengte pawh hi an conduct ve zeuh zeuh a ni. Tin, Mizoram Press Accreditation Rule 1984 hman mek hi revise turin tunah hian an draft tha mek a ni. Tin,



pension-te pawh hi sawi rik zeuh zeuh a ni tawh a hman atangin, amaherawhchu, kan sorkar sum dinhmunah hianin tunah chuan sorkar hnathawk pension-te pawh kan pe thei tawh tawh chauh a ni a, helampang pawn lampang hi chu va dap thei turah kan inngai rih lo a ni. Engpawhniselangin, a tha tih kan hria a, a duh an awm tih kan hre bawka, kan rilru chuan a hre reng a ni tih erawh chu sawi hmaih chi niin ka hrelo a ni. Tin GAD ah hian, Mizoram House hi hmun tinah kan mamawh tawh a tun dinhmunah hian, hmuntinah Mizo thahnem tawh tak kan awm tawh avangin. Tin, hmun thenkhatah erawh hi chuan sorkarin a mamawh vang ni lovin, damloten an mamawh vangin kan lo siam tawh thin a. Bombay Tata Cancer Institute bula mi Mizoram House kan tihte khu official-te tan ani lova, Minister-te tan a ni lova, damlote tan liau liau a kan tih a ni a. Tin, damlo ke a kal nan chuan a thui deuh sia, taxi a kal dawnin a tawi si a, chuvangin motor hire tur an hmuh thin loh avangin damlo hovin a tul anga an hman atan car te chi kan dah a, chutiang chu a ni a. Minister-te leh officer lian deuh kalte hian an va thlen a, an va awmna tur emaw an ti thin a. Mizoram House tih chuan ni awm tak a ni. Mahselangin, Bombay a kan L.O. khuan thla1-ah file 1 pawh khawih tur a neih ka ring lova, a file te chu damlote khu an ni mai a, cancer te khu. Chutiang atana dah chu a ni. Mahse, tunah chuan a chep ta lutuk a, chuvangin, hmanni lawk khan a lung kan phum a, kum2 chhunga sak zawh tura ruahman a ni. Chutiang chu, khulai Mizoram House kan buatsaih dan a ni. Tin, Calcutta-ah khuan pa hnih kan nei tawh a, kan hriat angin pa khat tunah khuan Rajarhar-ah kan sa mek a, tun May thla chhung hian zawh theih an inbeisei a, an zo thei angemaw ka hre lova. Chutiang chuan, chungte pawh chu a bik takin officer-te leh Minister, VIP ten an mamawh hranpa lo. Damloin an mamawh vang a ni a. Mizoram House awmna apiangah hian kan L.O. te leh kan R.C. te leh Jt.R.C. te, Deputy R.C. te hi an khawngaih thlak em em a. MLA te inti milian tak tak kan tam a, kan zavai hian kan chhungte chhung leh chhawng te thlengin thlentir kan duh a. Room tha kan hauhsak a, kan timangang thei hle a ni. Tin, room min allot anga awm mai a, tha taka inngaitlawm taka awm mai lova, han an khum te pawh hi kan awm thin a. Chuvangin, kan R.C. te, Jt.R.C. te, Dy.R.C. te hi an khawngaih thlak takzet a. House-in a daih silo, Mizo rim kan nam tawh chuan thlen kan tum vek si a, a damlo hlei hlei kan intilal bawk si a, an khawngaih thlak hle a ni.

**Pu LALDUHOMA** : Pu Speaker, khawngaih Navi Mumbai a kan House tur kha Committee-in a hmunah kan zuk endik a, Floor 1 chauh kha kan chan tur anih avangin kan lungawi lova. Mizoram House han tiha koh chiah pawh kan ngai lova. Chu chu kan House Leader zahawm tak hnenah hian Committee-in kan thlen a, kan zavaiin. Tuna a dinhmun thar tur hi enge ni a ziaawm ta viau dawn em? khata tang khan.

**Pu LAL THANHAWLA, CHIEF MINISTER** : Floor 2 kan chang anga Pu Speaker, tin, parking lot te kan chang ang a, tin, tuna sorkarin decision a siam angin kan Handloom & Handicraft product te kan han display-na turte pawh room awm tura beisei a ni. Tin, a approach kha a bang zawng nen khan a hrang hlauh tura ruahman a ni bawk, Pu Speaker. Tin, heng hi inbeih nasat a ngai hle a, a builder te nen hian sum kan nei lova, a sakna tur hi. Tunah hian Pune-ah leh Chennai-ah kan dil tawh a, an rawn acknowledge tawh a, Chief Minister ve vein. Engtikah nge hun min pek theih ang ka hre lova. Mumbai a kan in satu pa hian, Pune a In in mamawh tawh hle chuan, Pune a In in neih hunah min sak tir leh ulangin Pune-ah tun atangin

Mizoram House tur ka lo hire sak ang che u ang a, House in neih thlengin chu chu a free a ni ang a, amaherawhchu, a site in neih hunah chuan min sak tir dawn nia, a ti a, kan hotute hnenah kan va thlen hman lo a ni.

Tin, Delhi-ah kan Masanbihar a kan House bakah tunah Chanakyapuri- ah P.C. hunlai atangin, Pu Chhunga hunlai atangin site kan lo hmuh tawh P.C. kha a chhe tawh a, a design te update tawh a, chuvangin sak that a ni a, design that a ni a. Mahselangin, Masanbihar ami ang khuan an chhung ang tih ka hlau a, 2008 kumtir lam 2007 lamah khan, khulai khu sak that leh dawn a ni tih ka hriatin a contractor ka zuk tir a, hei hi lo sa suh, kan sorkar dawn a, kan thlak vek duh ang tha zawkin, ka ti a, tichuan an lo sa lo ve mai a. Kan han sorkar ta a, a design te kan thlak a, mahse a lo thlak vek theih lova, a chhan chu khulalah authority te ka prove zel a ngaih avangin kan thlak nasat chuan kan delay rei dawn a, kan duh ang tawh chuan kan design tha lo nain a hma ami ai chuan tha tawh tak a ni.

Tin, Bangalore, Bangaluru-ah Mizoram House kan hun hmasa khan hmun tha tak mai Indhiranagar-ah ram min pe tawh a, Bangnarapa leh tuna Dilipamwali te hian, tichuan foundation stone kan nei a, contractor te pawh kan ruat tawh a, mahselangin kan uluk loh avangin a lo bo a, tunah hian kan tharthawh leh a, Yadurapa, Chief Commission hnenah ka kal a, a tha lai takah min pek a tiam a. Mahse, min pek hmain an buai em avangin a tla leh a. A thar Sanadana Gowda hnenah khan ka kal leh a, a ni in, 'Ka lo bawhzui ang e,' a ti a, mahse, a tla leh a, tunah pawh Zabir Setar a awm a. Ani chu Delhi ah ka hmu a, 'Ka lo ti em em ang,' a ti a. Hmannia Mourapamoyli hnenah ka lenin Mourapamoyli ka han hrihl laiin min pek hmain a bo daih a, tunah hian kan dil leh mek a, min la tihfel sak theih lova, Mizo an tam si a, kan mamawh tawh khawp mai ka ti a. Chief Minister a zu be nghal a. Chutihlai chuan kan Parliamentary Secretary zahawm tak Pu Lalrinmawia Ralte a awm lai a ni a. Amah kha out of Station a a awm avangin a Principal Secretary lo hmu sela, a ti a, tlai dar 5 velah va hmu turin kan in ti a. Ani pawh chuan lo tihfel ran a tum a, tunah hian a fel tawh em ? a latest position hi ka hre ta mai lo a ni.

Chutiang chuan Mizote hi House kan mamawhna leh a tulna apiangah neih theih kan duh. Tin, Vlore-ah khuan Mizo cancer damlo kalten an mamawh tih kan hriat avangin Rev. Chanchinmawia boral ta khan khulai chaplain a nih laiin thahnemngai takin a rawn sawi thin a, a tirah In kan hire a, hmun chang turin kan ti a, tunah chuan Synod-in min take over sak rih a. Chutiang chuan sorkarin a mamawh loh pawhin Mizoten kan mamawhnaah chuan Mizo kan zahawm theihna turin leh hmun dangah mite zingah pawh hmai uanga kan len ve theihna turin kan sorkar hian a ngaihsak thin a ni.

Chennai-ah pawh tunah kan dil mek a, enge a an dawn ka hre lo. Chutiang chuan House chungchangah kan hotuten Mizo awmna apiangah nasa takin an ngaihtuah thin a ni tih ka hriattir duha he House zahawmtak hi.

Tin, Helicopter service hi hmanni khan zawhna a lo chhuak a, zawhna a awm a, mahse a lo chhuak hmanlo va. Kan hriat angin Ni 11/8/2012 atang khan Helicopter service hi tan a ni a, tun thlenga kan sum sen chu cheng vaibelchhe 104 sangli zakua sawm ruk

pasarih a ni a, tin, Ministry of Home Affairs-in a tum chu cheng vaibelchhe thum maktaduai hnih singkhat sangli leh zakua a ni, hei hi wait list an ti a harsatna kan la tawh chu Zemabawk Helipad saw Sipaiin kan ta a ni an ti a, sawlaih sawn hangarah kan dah an phal lova, tichuan nikhat hna a thawh zawh hian sawlaih sawn passenger arawn hung a, Lengpuiah an thlawh thlakpui leh a, Lengpuiah an dah a tichuan Pilot te kha Aizawlah an lo chho va, a tuk zingah an chhuk leh a ngai a, a buaithlak hle a. Defence Minister ka hmu tawh a, Army Chief hnenah te ka ziaak leh mek a, tin an Corps Commander lokal hnenah ka sawi tawh a, tichuan tunah hian a tihdan an ngaihtuah mek a, luhlul an chhuah chuan sawlai saw Private ram a ni a, sum kan neih hunah sawlai saw acquire dan kan ngaihtuah mai dawn em niang tih ka ngaihtuah a ni. Sipai ho hian luhlul an chhuah chuan, saw ram saw private ram a nih bawh chuan kan acquire mai a ngem ?? sum kan neih chuan tih hi ngaihtuah theih a ni. Chu chu Helicopter service chungchangah chuan nise langin.

Tin, Lengpui Air Port kan Thlawhna tumhmun khu a maintenance khu a hautak khawp mai a, tin, Mizo chu kan inhre hlawm vek a, a luh man khu ₹ 20/30 pawh lo nise langin a duty te khu Mizo an tam a hmel hriat tha an nei a, tin, kan Minister-te leh kan VIP tute pawh a zuitute reng reng hi an lut hum hum mai a, Phai ramah chuan min zuitu te hi a luh theihna permit suma an lei phawt loh chuan an lut thei miah lova, chutiang chu kan ti ve hlei thei lova, tin, parking-ah te pawh khuan harsatna kan tawh a, chuvangin kan lost ti tih deuh reng a. Tin, India ramah hian Sorkarin thlawhna tumhmun a maintain hi a awm zen zen lova, keini hi a awm chhun kan ni, chuvangin hemi chungchangah te pawh harsatna kan tawh zeuh zeuh va, heng hi kan hnathawktute inthlahdah vang ni lovin, Air Port Authority of Indiaten a hun takah an rawn ngaihtuah thin loh avang zawkin harsatna kan tawh a ni. Kan hnathawktute dem tur an awmlo, collaboration-ten a hunah an rawn tih duh loh chuan a license te a hunah an rawn renew loh chuan keini lam atangin tihngaihna a awm lova, chungte avang chuan harsatna kan tawh zeuh zeuh a a ni. Chuvangin Air Port Authority of India ho hnenah pek mai tur a ni kan ti a, tichuan kan hriat ve hrim hrim atan kan sum lak luh dan hi Lengpui hawn tirh 12<sup>th</sup> December, 1998 atangin February 2013 thlenga sum kan lak luh dan chu hetiang hi a ni a : 1998 – 1999 – ah nuai 45.51, 1999 – 2000 ah nuai 19.38, 2000 – 2001 ah nuai 55.43, 2001 – 2002 ah nuai 38.75, 2002 – 2003 ah nuai 50.28 , 2003 – 2004 ah nuai 53.64, 2004 – 2005 ah nuai 83.09, 2005-2006 ah 186.43, 2006-2007 ah 248.27, 2007-2008 ah 296.11, 2008-2009 ah 2020.40, 2009-2010 ah 187.99, 2010-2011 ah 134.46, 2011-2012 ah 88.80, 2012-2013 ah 219.27 a ni a. Heng bakah hian min han bat sak leh hlah thin a Kingfisher pheih hi chuan an ba ral mai dawn nge ni kan hre lova, an bankrupt tawh si a, engpawhnelangin, a theih ang angin kan la inthing chho mek zel ve bawh a, chu chu kan awmdan tlangpui a ni.

Tin, Pu Speaker, power chungchang hi kan hre vek a sawi tur awmin ka hre hranpa lova. Amaherawhchu, Mizoten hria ila ka duh chu hei hi a ni. Power-ah hian puhmawh tur hi kan zawng reng a, puhmawh tur chu an awm nameuh mai thei. P.C. lo sorkar hma khan Pu Chhunga khan Bairabi Hydrel Project khu a lo zuk ngaihven daih tawh a, chutiang chuan bul tan a ni a. P.C. hunah khan survey tan tur ni kha ropui takin lawm a ni a, survey and investigation tan tur ni kha, chu chu a ni leh mai a survey and investigation. Rambuai laiin Engineer lokalte pawh an jacket

an chhuhsak thin lai khan thla 8 chhungin survey & investigation kha zawh a ni a, an DPR ah khan a lang a. Tichuan, Tlawng Lui anga lian khu chu thla 8 chhunga survey & investigation han zawh chi a ni lova, mi pangngai chuan an hre vek a kum 2 kum 3 a duh a ni, chuvangin, khami a kha khawiah mah kaltlangpui theih a ni lova, tichuan, Power Minister lo zinin kan hun hmasa lamah khan hei hi a tha a chhunzawm kan duh a ni kan ti a, chu Power Minister chuan NEEPCO ka rawn tih tir ange a ti a. NEEPCO khan an han ti lauh lauh a mahse sum a duh tam avangin an daih dawn lova sum neih loh avangin an thulh leh ta a ni. Kaltlangpui kan duh a sorkar hmasain a lo tih a nih avangin Brahmaputra Board, Prime Minister-in a chair-na hnuaiyah kan thlen a, anni chuan kan lo take up ange an ti a, chu chu Mizoramah kan han puang a power lama expert inti te pawh khan an awih lo a ni, Brahmaputra Board chu Brahmaputra Lui lian danna tur atana Central sorkarin a siam a ni a hetiang lampang hi chu inbumna a ni an ti a, mahselangin inbumna a nih loh zia chu P.C. leh M.N.F. unaute sorkarna intawm lai khan Brahmaputra Board chuan an DPR kha an theh lut a chumi kal zelah chuan tunah hian khuah theihin a awm a, khuap turin tunah hian kan sorkarin Kolkata Farm te nen inremna neiin a kal chho tawh a ni. Chutiang chu a ni a, hmannah ka sawi tawh a, sawi nawn leh thain ka hria a, hman zan Haulawnga kan va inkhawmnaah sermon thlaktu pawhin a sawi a kan power harsatna a hriatthiam tehchiam loh thu, tin, hmun hrang hrangah lehkhathiam intite pawhin an rawn sawi thin a, hei hi kan hriatchian tur chu ka sawi tawh ang khan kan hun hmasa lamah khan State Sorkar thuneihna hnuaiyah 3mw chiah kalpui theih a ni, 3mw a pelh chuan central sorkar phalna a ngai a. Central sorkar-in kum tam tak a lo kaw l hnu khan a phal anih pawhin tiang khan delay a ni thin a, chuvangin 6mw pe thei tur pawh 3mw ah kan titla thin a, chu chu a kalphung a ni a, chuvangin a kalchak theih loh a ni. Tin, a lian hi tih nachang hrelo sorkar an awm ka ring lova, kan la neih ka ring lova, an tih loh nachhan erawhchu hun a duh tam a, a rei a, central-in a an lo clear chhung, techno economic clearance te, environment clearance te, forest clearance te khatiang clearance kha a tam em em mai a. Tin, ninawm tak an ni, rul chihrang hrang engzatnge awm tih te khatiang chi kha an bei an bei a, zawng eng chi nge awm tih ang chi kha an phuahchawp emaw tih mai tur khan an ti nasa a chungte avang chuan a tih hleih theih loh a ni, hei hi mithiama in ngaite pawh hian an hrelo nia mawle, Pu Speaker. Chuvangin, tunah hian he House zahawm tak kaltlang hian ka hrih nghe nghe a ni. Tu sorkar mah kha power siam duhlo an awm ka ring lova, tu sorkar mah hi power lamah Mizoram hi chawrche reng ila ti an awm ka ring lova, chuvangin he inpuhmawhna hi a tha lova. Amaherawhchu, tute nge tichhia tih erawh hi chu a awm Chiang thung zawk a ni tih hi he House hi hrih ka duh a.

NEEPCO in Tuirial Hydel Project an bansan na chhan pawh hi sawi danglam sawi danglam a ngai lova, agitation siamtuten harsatna an siam a, law and order problem-ah hna a thawh theih lova, chuvangin helai hi bansan lo theilo kan ni ta e, tiin NEEPCO ho khan an ziak a ni. Chuvangin heng hi thu tlinglo fahrah te te a inpuhmawh in puhmawhna tur a ni lo tih he House zahawm tak hi ka hriattir duh a ni. Tunah hian kan tih theih china kha kan khuap teuh a khang kan khuah teuhah

khan kan inseng so vak lo state ang chuan, a chhan chu heng atangte leh hmundang dang atangtein loan leh tanpuina kan hmu a 75% an rawn tum turte kha a awm thin a chung angah chuan. Tin, kan Engineer-ten inzir nan an lo hmang ve a thil tha tak a ni. Amaherawhchu, tunah hian a tam ber kha chu hluihlawn an ni tawh a member zahawm tak Pu Thlenga'n a sawi ang khan. A chhan chu tui te a lo kang tial tial a, tui chawm deuh vek an nih avangin chungte avang chuan tunah hian a tih hleih theih loh a ni, heti zat hi kan hluihlawn a ni, Tuila, Lau, Tuisumpui, Tuidum, Laililui, Vawra Lui, Ramri Lui heng zawng zawng hi a tirah chuan mega watt te, kilo watt te an la vek a ni, mahse hengho hi tunah chuan tui a kam a vang te-in a kal zel thei tawh lo a ni tih kan hria a.

Tin, a hrelote hriat atan Pu Speaker, i phalnain ka han chhiar ang a. NEEPCO ho tawp chhan hetah hian a ziaak a ni. All product activities came to a total stop with effect from 9.6.2004 because of agitation caused by Tuirial Crops Compensation Claimants Association demanding payment against Crops compensation which is illegal. On 13.8.2004, the Agitation had been called off conditionally up to 31 12.2004. In view of the Law & Order situation, an anticipated increasing cost of the project the matter regarding economic viability and continuation of the project is being reviewed in totality in the Ministry of Powers. All construction works had been kept suspended till decision of the Ministry of Power', an tia hei a Chiang hle a, leh kawih ngaihna pawh awmin ka hre lo, chuti khawp a Chiang chu a ni. Tunah hian Pu Speaker, chanchinbu then khatah kan Peak-watt requirement 107 MW a ni e a tihna a rei tawh tihte an ziaak a. Kan Peak-watt requirement hi tunah hian 107 MW vela chhut a ni a, nikum lamah te kha chuan MW 75 te a ni. Kan requirement hi a pung chho ve zel a, tin hei Factory eng eng emaw te kan han nei ve neuh neuh a, kan ram a than ang hian kan requirement hi a pung chho a ni. Chuvangin tunah hian kan Peak-watt requirement chu MW 107 vel in kan mithiamten an chhut a. Chhun lamah MW 50 vel a ni a, hemiah hian kan mamawh phuhruk turin ram pawn lam atangin zan lamah MW 95 leh chhun lamah MW 45 – 50 inkar lak luh belh kan mamawh a ni. Phai lam atanga kan Power lakna Power Station hi Hydel Power Station a ni a, Pu Speaker, tun lai hian India ram hmuntinah tui a tlem a, Maharastra-ah phei chuan khawkheng an tuar nasa hle a ni. Chuvang chuan Power Generation hian nasa takin a tuar a ni. Chutiang chu kan ram dinhmun a ni a, diklo tak taka chhuah ching thalai pawl an awm a, a pawl hle a. Tunah hian India ram hian Power a in daih lohna a mamawh zualpui pawh phuhruk thei lo a indaih lohna chu MW 12,000 chuang a ni, chutih laiah chuan kan State hi hausa hlein a leina pawh lo nei ni ila lei tur a awmlo a ni. Tuih rih chuan heng kan project te a rawn puitlin hma chuan kan inngahna ber chu Tripura a Palatana Hydel Power Project a ni a, hetah hian mega watt 22 kan chan ve tur a awm a, sum kan deposit tur pawh kan deposit zo vek tawh a, chutiang chuan power lama harsatna kan neihte phuhrukna turin theihpatawp chhuah mek a ni a. Tunah hian kan rama lui zawng zawng hi khuah kan tum a ni, mahse chu chu a tha ber angem tih erawh chu ngaihtuah a ngai a, a to piah lamah a tha ber angem tih kha ngaihtuah a ngai Pu Speaker. Pawn lam atanga power kan lakluh hi unit khat kha engzahin nge kan lak luh, mipui hnenah hian engzahin nge min pek tih hi min hrilh thei em, a man a rate kha tunah hian chhawp mek a awm a, megawatt 60 pechhuak thei tur Tuirial kha tihchhiat ni mahsela, tunah hian kan tan tha leh tawh a, 2014/2015 velah chuan min commission sak theih an inbeisei a. Tin, Tuivai megawatt

210 pechhuak thei tur hi tuirial ruala kan kalpui kha a ni a, tichuan Tuirial lung kan phum ni hian Pu Speaker, Fund min petu Japan ho khan nakum tun ang hunah hian tuivai lungphum hi i phum leh thei ang min ti a. Kan awm tak loh avangin kum 10 chhung chu phum lohin a awm a, kan lo haw leh hian phum kan duh avangin kan hotute hian an bei char char a, nichin mai khan Delhi nen kan inbia a, Prime Minister level-ah te kan kala, chuvangin an beisei hle a. Ministry of Finance-ah Economic Affairs Department-ah tunah hian an kawl mek a, Planning Commission-in min nawrpui reng bawk a. Tin, helam atangin tender te chhuah a ni a, India ram a Company lian pui pui 7 velin an rawn chhang a, hemi a fel hi chuan tender-te thlangin kalpui thuai theih beisei a ni. Hmanniah ka sawi tawh a, Tuirini hi megawatt 38 pechhuak thei tur SPML-tenen MoU sign tawh a ni. Tuivawl megawatt 42 pechhuak thei tur SPML Kolkata-te nen Agreement sign tawh a ni a.

Tin, Lungreng megawatt 815 pechhuak thei tur NEEPCO te nen MoU sign tawh a ni a, Chhimtuipui 635 pechhuak thei tur NEEPCO Ltd te nen MoU sign tawh a ni a. Tin, Kolodyne-II hei hi chu kan sawi tawh thin a megawatt 460 pechhuak thei tur MTPC-te tunah hian an bung mek a ni. Tin, Mat megawatt 76 pechhuak thei tur NEEPCO-te nen MoU sign tawh a ni a. Tlawng megawatt 55 pechhuak thei tur, tin, Bairabi hydel project Member zahawm tak Pu Lalduhoman, P.C. Unaute chu an thih pawhin khu khu an tlawh hmasa ziah a ni a tih kha tunah hian Sikary Power Limited-te nen MoU kan signed tawh a chutiang chuan an inchhawp chhova Lungreng hian Burma a chim dawn a hengte avang hian Ambassador kan sawm a, kan han entir a keini aiin a phur zawk a. Hengte hi engpawh nise, tuna proposal kalchho mek a ni a, a taka kalpui zel a ni Pu Speaker. Hman deuhvah Bangladesh a kan zinin an P.M. Sheik Hasina khan kan Prime Minister hnenah khan power alo dil belh a kan Prime Minister chhanna chu, hei i thenawm state kan Chief Minister ka bula hi a thu a, ani hian an lui zawng zawng khuah a tum a chumi hnuah chuan mega watt 4000 lai a hnuk chhuak dawn a chumi hunah chuan i duh thal a pe thei ang che tih ka ring ti khan a chhang a, heng zawng zawng hi min hriatpui avangin a thlamuan thlak hle. Amaherawhchu, kan ram tan hian environmentalist ho hian a tha angem tihte an sawi thin a, chu zawk erawh chu ngaihtuah a tul chuan kan la ngaihtuah turah ka ngai a. Hengte avang tak hian leihnuai hauhsakna hun hmasah theihpa tawp kan chhuah a, ONGC-te pawh kan kochhuak a an rawn intam rup tawh a, Bilkhawthlir-ah Thingdawl daiah an awm tawh, khang boral tate kha tunah hian kan lo kir leh hnu hian kan kochhuak leh vek a, kan sawifo tawh thin angin Bairabi daiah chuan gas deposit tamtawk hmuh a ni tih kan hre tawh a, tin hmanni deuh lawk khan Oil India a chhim lampang hret changtu an lo kal a, Keifangah ramlak an duh a, a neitu pan a remti lova chuvangin ramdang a remchang min ngaihtuahpui rawh an rawn ti a, hei kan Home Minister zahawm tak pawh ka sawipui tawh a. Chungmite chuan khilai a Iran-in oil an neih zat hi a awm kan ring an ti a, a phurawm hle a ni. Chutiang chu a nih avangin kan intodelh hunah chuan hydel project lampangah hian nasa zawk deuhin kan ngaihtuah zawk ang tih te kan hotuten an la ngaihtuah dawn a ni. Chutiang chu Power lamah tuna kan hmalak mek a ni a Pu Speaker. Chuvang chuan thil awm dan a bulte atanga hre mang lova inpuhmawh vak vak hi a tha lova, vawiinah kan mamawh erawh chu inphuhru tawk tawk thei tawh tur kan ni a, min puhru tir lo tu chu an awm chiang tih erawh chu Mizoram mipuite hriat atan ka duh a ni. Kuttling lova sum lak pawisak lohte, sum ngainat te,

duham te hi Bible-in a hua a, khatianga an lo tih avangin Mizoram pumpuini kan lo tuar ta hi a vanduai thlak hle a ni.

Tin, nichina member zahawm tak Pu Lalthansanga zawh kha tunah hian pawmlam atanga kan lakluh hi per unit cost hi ₹ 2.30 a ni a, mahse a thawktu tran... lost khatiang zawng zawngte nen chuan ₹ 5/- per unit vela chhut tur a ni an ti a, tin mipui hnena kan hralh chhuah lehna hi ₹ 3.20 per unit a ni. Hengte hi thil pawimawh tak a ni a, hei Serlui B kan sawi fo pawh hi a hma khan kan abandon tawh a ni tih kha kan hria a, kan abandonna chhan kha a per unit cost a san lutuk dawn avangin fund min petu planning commission a an chairman Prana Mukherji te leh an mithiamte nen sawihovin hei hi chu economical dawn lova kal zel lo mai rawh u min tih avanga kal lo ta kan ni a. Chumi hmun ngeiah chuan engvang tehreng nge ka hre lova thil man a to chhoh tawh hnu daihah khan kan hmaa sorkar khan a rawn bei ve leh ta chat a keini opposition a kan awm lai a ni a, tuna Minister zahawm tak Pu Rina Sailo phei hi chuan a hmunah te kalin a zuk en ngat ngat thin a. A chhan chu khatianga han luhchilh leh ngat kha thil rinhlelhawm tak a awm vang a ni a. Chungte avang chu nge ka hre lova tunah hian a chawrche ta a. Mahse a chawrche hi tihnun kan tum a kan ti vat vat a sum kan seng tam tawh hle a vaibelchhe 25 emaw lai kan sen tawh hnuah tunah hian vaibelchhe 6 hi a thawktu khawl vel siamtu Bell ? company hnenah khuan kan la ba nghe nghe a, kan pe hlei thei lo a ni. Chutiang chu kan dinhmun a ni a, tin, engmah hrelo khan politics taka kan sorkar beih nana hmangin Forest clearance te pawh awmsa vek tawh a ni an rawn ti a, an khawngaihthlak hle mai, an thahnemngaihna a ropui tehluh nen an thil hriat lohna lutuk kha chu an khawngaihthlak a ni. Chuvangin an party puite pawhin zilhhau deuh an thain ka hria. Chutiang chu power lamah chuan kan dinhmun tlangpui a ni.

Tin, kawng kha Pu Speaker, tukin lamah kan sawi tawh a, a vaiin kan chhang seng lo ang a, engpawh niselangin, kawngchhia a tam a ni, a tlangpuiin kum 10 enkawl miah loh hi chu a chhe tur a ni a. Khang zawng zawng kha kum 4 chhungin kan siam tha hman lova, a chhan chu sum leh pai kan kutah awm lova dil chawp zel kal kan ni. Chutiang chu a nih avangin hna a thawh chak theih lova engpawh niselangin, chuti chungin kan sum neih ang angin chak zawka kan kal theihna turin tunah hian kan hotuten hma an la mek a. SPA vaibelchhe 200 tun thlenga kan la hmuh loh pawh kha nichina min rawn phone-tu chuan March 31 thleng hi kan nghak a hemi chhung hian an financial position a that chuan min pek an la tum reng a ni. A chhan chu N.E zawng zawng hian kan nei vek a khatiang kha kan tang hle hlawm a, tin, Prime Minister level-ah leh UPA Chairperson level ah ka take up a, chungte chuan pressure theih ang angin an lo pe ve a. Chungte avang chuan official ho chuan an la beisei hle a ni. Vawiin 28 a nia naktuk 29 ni 30 chung velah chuan a hawina lam tur a hriat theih ang an ti a, mahse chuti chungin Finance Minister-in min rawn phone naah chuan kan ti thei lo ngang a nih pawhin Financial year thar quarter-ah tih theih kan tum ang a la ti ve tan a. Engpawh nise chu chu a awmdan a ni a a dik dawn leh dawn loh chu hunin a hril dawn a ni. Chutiang chu a ni a khami chhungah khan kan member zahawm tak ta ka hrih dawn a ni. Chutiang chu a ni a, khami chhungah khan kan member zahawm tak tak ten an ngaihawh zawng zawng leh an ngaihpawimawh a te kha thuntel a ni a. Tin, chumi loah pawh fund dang kan hmuh atangin hemi kan road network tuna existing road thalo deuh te hi kan sorkar in

siamtha turin hma a la mek a. Tin vawiin ah hian member ten kan hriat tlana ka duh chu, tuna kan kalphung ah hi chuan kawng kan han siam hian ngaw kan thiat zel a. Ngaw ramsa humhalh te kan ti a. Helai pawh hi ngaihtuah a kal chhoh zel a ngai. Hengte avang tak pawh hian sum chu nei ila chuan ngaw thiat lova kawng siam dan te hi ngaihtuah kan duh a chutiang chuan tunah hian ngaihtuahna thar kan hotuten an siam mek a ni. Member zawng zawng ten an ngaihawh kha chu ka chhang seng lo anga, duh chuan pisa hmunah te leh a remchan hun apiangah a in zawh theih zel a. A tlangpuiin kan sawi ang khan kan state plan hnuaiyah a tul ang apiang siamtha turin tunah hian kan sorkar in hma a la chho mek a ni. Chutiang chuan kawng hrang hrangin hma lak chhohna te, helai a ka sawi vek chuan kan inkhawm hman lovang tih ka hlau a. Chuvangin a ziate pawhin kan inpe anga, a mal mala chhan tur hi a tam nasa mai. Ka chhinchhiah baw a, tin, ka chhinchhiah loh te pawh kan official ten minrawn hrilh zel a. Kha kha a tlangpuiin kan awmzia leh kan dinhmun a ni. Chuvangin vawiinah hian tukin lama ka sawi ang khan a chhe lai a awm chuan kan siamtha tur a ni mai a. A chhiat loh chuan siamthat a ngai lova. Amaherawhchu, a hun a kha chu kan kutah sum a awm mai loh avangin dil chawp zel kan ni a, min pek ang apianga thawk mai kan ni. Chuti chungin vawiinah hian ka'n hotute leh kan department-ten hma an la nasa hle a ni tih kan member-te ka'n hrilh duh a. Khawthlang lamah pawh ZEDA road te leh thil dang dang khati khan a kal mek zel a. Tin, thenawm state-te nena inkalpawhna te kan kalpui mek zel a.

Tin member zahawm tak Pu Lalduhoma'n a ngaihpawimawh kan local contractor te thawh ve theih tur tih hi kan duh hle a ni. Keini pawhin a theih ang tawkin kan tum a, kan officer-te pawhin chu chu an tum a ni. Amaherawhchu, kan tihtheih loh chin a awm ve a, kan tihtheih chinah hi chuan kan timek zel a. Tin, tender-te hi a zavaiin thu kan nei bik lova, khulamina anrawn inawlhna leh an telloh theih lohna te a awm ve a. Tin, khulama an float te pawh a awm a. Mizoram awmna hre mang lote pawn anrawn chhang a, a hnuah a rate hniam leh sang takte pawhin anrawn chhang a. Chungte avang chuan kan national highway no. 44-te pawh hi tunah hian a khawtlai phah a. Chutiang harsatna chu tamtak mipui vantlang hriatpui loh si hi kan Department-te hian an tawk a. Chung laka talchhuahna tur hi tunah hian kan dap mek a. Chung kawngah chuan Prime Minister hnenah pawh zia kin amah hmuin ka hrilh tawh a. Kan ram awmdante chu kan hrechiang ber a. Chuvangin kan tender chhan chungchangah te pawh thuneihna pumhlum a rate chungchangah te pawh hian kan nei tur a ni ti te pawhin kan inhrilh a, an ngaihpawimawh hle a ni. Chutiang chuan a theih ang angin kawng chu kan dap zel a ni.

Tuna ka sawi duh chu Pu Speaker, ram humhalh kan tih lai hian a humhalhtu tur te hi kan inhumhalh a tulin ka hria a, tunah hian kan inhumhalh tlat lo. Sahdah, kuhva, drugs kan ei a hetih chhung hian min runtu an lo pung tial tial a min run tute lakah hian kan fimkhur hle loh chuan ram leilung fate ram hi a ni reng lovang tih hi a hlauhawm a ni. Chuvangin ram chu Lalpa ta a ni tih ringtute kan ni a, a neitu duh dana kan sawngbawl hi a tul takzet a, chumi atan chuan rinawmna, taimakna, amah tih chungah kan kal a ngai a ni. Vawiinah hian kan hnam hi chhan chhuah kan ngai a ni, ka sawi fo thin a mi nuai kua zingah hian nuai hnih vel hi chu pawn lam mi an ni a, kan thawh theih rengte thawktu an ni. Kan thatchhia tih



hian kan haw hlura, mahse kan taima si lo a ni. Chuvangin vawiinah hian zu chhia te, drug leh thil thalo tam takin min lo run a, tunah chuan a rawkin min rawk mek a ni Pu Speaker. Hemi atang hian mizote kan inchhanchhuah a ngai a, chumi atan chuan rinawmna, dikna, taimakna hi a ni, chumi chu vawiinah hian mipuiteah kan tuh a chumi atan chuan keini hi rinawma dik nih a ngai. Kan sorkar pawh kan tha sawt nain tereuh te te en tur ala tam a, hmasawmna kawngah kan buai avangin kan enchik hman lova, entirnan, carriage contractor-te kan Minister zahawm takin nuthlawi leh hmelta tha ni lovin te an han ti a tha hle a ni. Mahsela a te lamah bill an lak lawk theih loh avangin advantage lain cashier lamahte khan an lo lei sak thin a, chutiang chuan corruption hi ala awm reng a ni. Chung chu kan ngaihven mek a kan officer-teah pawh keini hian a percent engmah kan la lo mahse kan lak ang tluka lo lak chingte hi Department thenkhatah chuan an awm tih chu kan hre chiang a ni. Chung chuan hnam angin min timualpho a ni. Heng ang zawng zawng hi ven kan duh a, tihbo kan tum a ni. Chuvangin vawiinah hian sorkar chauh mawh lovin ram leilungten mawhphurhna kan lak tlan a he hnam hi rinawmna, dikna, taimakna, Pathian tihna chhan chhuah kan tum a dik berin ka ring a, chumi atan chuan a chhe lai siamthatu kan nih a pawimawh. Vawiinah kan hun hnuhnung anih avangin chutiang chu kan hotute duh dan a ni tih he House zahawm tak kal tlang hian zoram mipuite hnenah ka hriattir duh a ni. Kohhran leh sorkarte leh tlawmngai kut a ni mai lova kan zavaia kan hmanraw tha ber tura ka ngaih chu rinawmna, dikna, taimakna leh Pathian tihna neih ve chu rinawmna, dikna, taimakna leh amah tihna nen kan inzirtir a, chutianga kan kal chuan he ram hi kan la chhan leh thei ang tih ka beisei a ni.

Pu Speaker, vawiinah kan Budget Session hnuhnung berah kan Member-te an participation a tha hle a. Kan Term chhung hian a deusawh zawng leh a insawi chhe zawng leh a elrel zawnga insawi a awm miah lo hi a lawmawm ka ti a. Hun lokal leh zel tura Member-te pawhin anrawn zir tur niin ka hria a. Tin, kan thutna bench a hrang theuh a ni mai thei, mahse, chuti chungin, kan mawhphurhna a inang vek a ni tih hriain, kan mawhphurhna rual taka phur tlang tur chuan inkawmngaih a ngai a ni tih te kan hotuten an hria a, kan inkawmngaih tlang hlein ka hria a. Hei hi Sorkar ang pawhin Pathian malsawmna ropui tak kan dawn a ni. Chuvangin, Member-te chungah lawmthu ka sawi a.

Tin, rorelna dik, rorelna tha, rorelna fel, rorelna dik chu lui angin luang sela, felna chu luipui kang ngai lo angin luang rawh se tih hi a thlen dik theihna tur atana min tawngtaisaktute hnenah pawh lawmthu ka sawi lo thei lo. Chutiang a nih avanga tun hun hi thleng thei kan ni.

Tin, Pu Speaker, nichina ka sawi tawh ang khan vawiinah hian kan Home Minister-in tactic tha tak kengin helaiah lo sawisel a, lo hmanhmawh a, politics a hamthatna lak tum awm mahselangin, Hel ho in an ruk bote him dam takin a chhan chhuak a, zan in emaw a Aizawl anrawn thleng thei tur hi a lawmawm ka ti a. Home Minister chungah leh a hmanruate chungah pawh lawmthu ka sawi a ni.

Pu Speaker, ka hnuai ami Department-te Legislative Assembly ₹ 17,46,75,000, Governor ₹ 10,60,000, Council of Ministers ₹ 5,73,22,000, Vigilance ₹ 5,20,81,000, General Administration Department ₹ 50,76,18,000, Information & Public Relation ₹ 10,77,50,000, District Council Affairs ₹ 2,10,73,00,000; Power & Electricity Department ₹ 2,94,10,04,000; Public Works Department ₹ 2,47,88,41,000; Minor Irrigation ₹ 1,47,68,75,000; a vaiin ₹ 9,90,45,26,000 he he House-in a min passed sak turin, min pawm sak turin ka rawn ngen e.

**SPEAKER** : Le, Pu Lal Thanhawla, Chief Minister zahawmtakin a rawn wind up a, ram pum huap ang thuchah pawimawh takte pawh a bawk nan a rawn hmang a, a lawmawm hle a. Tin, a Demand te pass a rawn dil bawk a. Demand No. 1-na, Legislative Assembly ₹ 17,46,75,000; Demand No. 2-na, Governor ₹ 10,60,000; Demand No. 3-na, Council of Ministers ₹ 5,73,22,000; Demand No. 5-na, Vigilance ₹ 5,20,81,000; Demand No. 15-na, General Administration Department ₹ 50,76,18,000; Demand No. 26-na, Information & Public Relations ₹ 10,77,50,000; Demand No. 27-na, District Council Affairs ₹ 2,10,73,00,000; Demand No. 39-na, Power & Electricity Department ₹ 2,94,10,04,000; Demand No. 45-na, Public Works Department ₹ 2,47,88,41,000; Demand No. 47-na, Minor Irrigation ₹ 1,47,68,75,000; a vaiin ₹ 9,90,45,26,000 hi pass remti apiangin 'Remti' ti rawh u le (Remti) Remtilo kan awm chuan 'Remtilo' ti ula. Awm lo maw ? a lawmawm e.

Awle, Pu Lal Thanhawla, Chief Minister zahawmtak Demand No. 1-na, Legislative Assembly ₹ 17,46,75,000; Demand No. 2-na, Governor ₹ 10,60,000; Demand No. 3-na, Council of Ministers ₹ 5,73,22,000; Demand No. 5-na, Vigilance ₹ 5,20,81,000 ; Demand No-15-na General Administration Department ₹ 50,76,18,000; Demand No -26-na Information & Public Relation ₹ 10,77,50,000/-, Demand No – 27-na District Council Affairs ₹ 2,10,73,00,000/-; Demand No-39-na Power & Electricity Department ₹ 2,94,10,04,000/-; Demand No-45-na Public Works Department ; ₹ 2,47,88,41,000/-; Demand No-47-na Minor Irrigation ₹ 1,47,68,75,000/-, a vaiin ₹ 9,90,45,26,000/- chu House in lungual takin a Pass ta a ni.

**Pu LAL THANHAWLA, CHIEF MINISTER** : Pu Speaker, member zahawmtakte leh i hnenah lawmthu ka sawi a. Tin, plan discussion kha Planning Commission-in an hman hun April thla tawp nge May thla tir lampang nangmahniin rawn indicate rawh u, min ti tawh a, kan plan size kan hre thuai dawn tawh a. Tin, kan Home Minister-in thiam tak leh fing taka a tul chuan sihal rilru pawh pua rukbote a chhanchuah tak lawmnan nangmah leh hemi member zawng zawngte hi khutah kan Recess room-ah thingpui inah ka sawm a che u.

**SPEAKER** : Awle, kan la zo lo deuh a, kan zawh hunah aw. Annual budget pumpui 2013-2014 kan Pass ta a, a tak taka kan hman theih nan Bill pakhat pawimawh deuh mai kan la nei a. Pu H.Liansailova, Finance Minister zahawmtakin the 'Mizoram Appropriation No-3 Bill, 2013' hi House-ah introduce rawn dil se, No.3 han tih kha, Number of, tih kher kha inbeisei em ni ? aw, in hriatthiam loh chuan number of three a ni.

**Pu H.LIANSILOVA, MINISTER** : Pu Speaker, i phalna leh remtihain he House zahawmtakah hian, ‘The Mizoram Appropriation ( No.3) Bill,2013’ hi ka rawn introduce e.

**SPEAKER** : Introduce kha kan phalsak maw ? Tichuan a rawn introduce nghala, phalsak saah ngai ila, a copy kha rawn sem rawh u le. Tunah chuan kan Finance Minister zahawm takin ngaihtuah turin rawn move sela tin, a awlsam zawngin pass rawn dil nghal mai se a tha ang a.

**Pu H.LIANSILOVA, MINISTER** : Pu Speaker, ka lawm e. He ka bill rawn putluh “The Mizoram Appropriation (No.3) Bill” hi sawifiah vak pawh a ngai lo va. Tuna Assembly zahawm takin Consolidated Fund atanga pawisa hman tur Budget kan han pass tak hman phalna tur dan siam a ngai a. Chumi chu a ni a Memberten hei hi min pass sak mai turin ka han dil nghal e.

**SPEAKER** : Awle, nia Appropriation Bill hi kan sawiho ngai lo va. Kan sawi zawh vek hnu, pass kan remtih a kan sawi liam vek hnu han lak khawmna kha a ni mai a. Kan lo buk nghal ang a “The Mizoram Appropriation (No.3) Bill” hi pass remti apiangin ‘remti’ ti ru le (Members :Remti). Remti lo kan awm chuan ‘remti lo’ ti ula, awm lo maw ? Awle, “The Mizoram Appropriation (No.3) Bill” 2013 chu House in lungrual takin a pass ta a ni.

**Pu H.LIANSILOVA, MINISTER** : Pu Speaker, ka lawm e.

**SPEAKER** : Wawiina kan tih tur chu kan zo ta a, kan chawl ang a. Ni 29.3.2013 naktuk hi Good Friday a ni a, tin Inrinni leh Chawlhni hi chawlh a ni bawk a. Thawhtanni ni 1.4.2013 zing dar 10:30-ah kan thukhawm leh ang a. Nichina kan House Leader-in thu lawmawm tak mai a sawi kan han dawn, kan lawm zia entirna atana kan tih ve theih tawk a hmasa berah thingpui in hona nei ila a tih kha lawm takin kan in ho vek dawn nia.

Sitting adjourned at 5:15